

DECLARATION

D V

SERENISSIME ROY

IAQUES I. ROY DE LA

Grand' BRETAGNE &

IRLANDE, Defenseur

de la Foy.

POVR LE DROIT DES ROIS

& independance de leurs Couronnes,

CONTRE LA HARANGVE DE L'ILLYS-

TRISSIME Cardinal du Perron

prononcée en la chambre du tiers

Estat le 15. de Ianuier 1615.



Iouxtc la coppie Imprimee

A LONDRES.

P A R I E H A N B I L L

Imprimeur du Roy.

M. DC. XV.

Avec privilege de sa Majesté.

1111



P R E F A C E.

MON inclination n'est pas d'estre curieux en la Republique d'autrui, ny de m'entremettre des affaires de mes voisins sans en estre requis. Il est plus conuenable a la dignité Royale dont Dieu m'a honoré de donner des Loix a mes sujets, que des conseils aux estrangers. Ce neantmoins l'amitié que j'ay porté au Roy Henry IV. d'heureuse memoire mon treshonoré frere, & la douleur que j'ay receuë de l'horrible parricide commis en la personne d'un Roy si vertueux, & la memoire du danger que moy mesmes ay couru par les conspirations venuës de mesme source, font que ie compatis aux maladies de mes amis, lesquelles sont d'autant plus grandes, que les Rois mesmes qui y ont le plus d'interrest en ont moins de sentiment: Lesquels si ie ne puis reueller par mes aduertissemens, au moins la posterité me fera tesmoing de n'auoir manqué en vne occasion si pressante: & que les renuersemens des Royaumes, & les meurtres des Rois qui pourront arriuer cy apres, n'aduien-

dront point par faute d'aduertissement. Car ie suis persuadé que c'est vne des fins pour lesquelles Dieu m'a esleué sur le Throsne, afin que parlant d'un lieu plus haut pour la defence de l'honneur de Dieu qui est vilipendé en ses Lieutenants, ie soys plus aisement entendu.

Or esperois ie que les Estats assemblez a Paris se souuenans des meurtres de leurs Rois, & des guerres de la Ligue, qui ont commencé par les fulminations du Pape, comme quand vne grosse gresle commence par vn esclat de tonnerre, & de tant de liures qui approuuent les parricides & depositions des Rois, tascheroient a y trouuer des remedes. Et m'estois esjoy d'entendre que le tiers estat auoit proposé vn article contenant les moyens d'oster au peuple l'oppinion que le Roy puisse estre déposé par le Pape, & que par la tuerie des Roys on puisse obtenir la couronne du Martyre. Mais le rebours est aduenu: Car cet article du tiers estat, semblable a vn sousspir de la liberté mourante, n'a seruy qu'a assujettir tant plus la couronne, & aggrauer la seruitude. Tout ainsi que les medecines qui ne soulagent point le patient empirent la maladie, ainsi ce remede proposé par le tiers estat n'a fait qu'enagrir le mal, le remede salutaire ayant esté surmonté par les hu-

PREFACE.

5

meurs peccantes qui se sont reueillees par la contradiction. Et eust mieux valu ne mou-
 uoir point ceste matiere, que l'ayant mené lais-
 ser succomber la verité sous la violence d'une
 faction estrangere. Car l'opinion qui assujettit
 au Pape les couronnes des Roys ayant esté sou-
 tenuë en une si celebre assëblee, par la bouche
 d'un Prelat de grande doëtrine & authorité,
 parlant non comme particulier; mais comme
 representant tout le corps du clergé, & avec
 approbation de la noblesse, sans qu'il s'en soit
 ensuiuy aucune resolution au contraire; ains a-
 pres des louanges & remerciemens du Pape,
 l'impression d'une harangue prononcee en
 pleins estats, qui fait les Rois deposables par le
 Pape, non seulement imprimee avec priuilege
 du Roy, mais enuoyee a moy par l'auteur, pre-
 supposant que la lecture me donneroit ample
 satisfaction: pour toutes ces causes on peut di-
 re qu'apres ces estats la Royauté est demeuree en
 suspens, & que selon ceste doëtrine maintenue
 par le Clergé, on peut iustement douter qui est
 Roy en France. Car il est hors de doute, que ce-
 luy n'est Roy qu'en tiltre, qui ne reigné qu'a la
 discretion d'autrui, & auquel le Pape peut o-
 ster la couronne. Celuy là n'est pas souverain
 es choses temporelles qui peut estre depossédé

de tout son temporel par une puissance supérieure. Que si on regarde de bien pres a la substance del'article du tiers estat, on trouuera que ceux qui l'ont dressé ne requeroient autre chose sinon que leur Roy soit vrayment Roy, &

I'ay esté ad-
nerty de di-
uers endroits
que ces mots
estoyent es
lettres du
Pape esrites
a la noblesse.
mais ont esté
rayez en
l'impression,
& ces copies
qu'on en a
prises.

recogneu souverain en son Royaume, & que le tuer ne soit plus estimé un œuvre agreable à Dieu.

Cela ayant esté reiectté bien loing par l'opposition du Clergé & de la noblesse, comme un article pernicienx, comme une cause de schisme, comme la porte ouuerte a toutes heresies, iusques a maintenir que si cet article est receu il s'ensuit que l'Eglise depuis plusieurs siecles a esté le regne de l'Antechrist & la sinagogue de Satan, c'est a bon droit que le Pape a escrit des lettres triomphantes a la noblesse & au clergé qui luy ont esté fideles en ceste cause, se glorifiant de la victoire obtenüe sur les Rois, par la magnanimité de ceste genereuse noblesse, qui a resisté au tiers estat, appelée par mespris nebulones ex facce plebis, comme gens qui ont voulu faire des affectionnez & des entendus, & faire la leçon a leurs maistres.

Or qu'en ce poinct le tiers estat ait monstré plus d'affection enuers son Roy que le Clergé, ce n'est point de merueilles, puis que les clerics

soustiennent qu'ils ne sont pas sujets du Roy, & ont un souuerain hors du Royaume dont ils dependent, estans obligez a hausser la Monarchie dont ils font partie, comme i'ay monstré en un autre lieu. Mais on n'eust iamais creu que la noblesse qui est le bras droit des Roys, eust voulu prostituer la dignité de son Roy, comme quand un bras frappe sa teste, & soutenir que son Roy est deposable. Dont s'ensuit necessairement qu'il peut estre tué iustement, si apres vne iuste deposition il se veut maintenir en son droit. Ce qui me fait dire que la noblesse de France deuroit se despoüiller de ses tiltres & les resigner au tiers Estat, puis que ce seul corps a eu un courage noble, n'ayant peu estre flechi par promesses, ny intimidé par menaces qu'il ne se soit tenu ferme a ce qui est de la dignité de son Roy, & de la seureté de sa personne.

Parmy le Clergé celuy qui a le plus prostitué son honneur, & auquel la France a le moins d'obligation est, Monsieur le Cardinal du Perron, homme au reste plein de sçavoir & d'eloquence, qui en deux harangues prononcées l'une deuant la noblesse, l'autre deuant le tiers Estat a tasché de rendre odieuse ceste doctrine qui rend les Rois indeposables par le Pape,

comme une doctrine qui cause le schisme, & qui ouvre la porte a toutes heresies: bref comme vn point le quel plustost que de lesoubsigner luy & tous ses compagnons Euesques souffriront le martyre. Ce que i'ay trouuë plus estrange en luy qu'en vn autre, pource qu'il a suiuy long temps le feu Roy, lors mesmes qu'il estoit de contraire religion & deposé par le Pape, & que peu auparauint en vne assemblee tenue aux Iacobins de Paris, il auoit resisté au Nonce qui vouloit que ceste doctrine de la souveraineté temporelle du Pape fust tenue comme article de foy. Mais en ces harangues il faiët vne espee de palinodie, & prononce luy mesme la condamnation de toute sa vie passée. S'estant en cela accommodé au temps. Car il est si prudent qu'il n'eust osé entreprendre sous le feu Roy, ce qu'il a osé faire sous le regne de son fils, que la grande ieunesse & nouuelle entree au Royaume rendent plus exposé aux iniures & plus aisé a circonuenir.

De ces deux harangues il a supprimé celle qu'il a faiëte a la noblesse de peur d'offencer le Pape: pour y auoir dit trop souuent que ceste doctrine est problematique, & y auoir osé dire que les Catholiques de mon Royaume sont obli-

gez

gex à m'obeir, ſachant bien que le Pape tient ceste doctrine de la depofition des Rois pour neceſſaire, & qu'il n'approuue nullement que les Papiftes de mon Royaume me ſoyent fideles. Que ſi l'abbregé de ſa harangue au tiers-Eſtat qui a eſté publié eſt veritable, auquel il compare la puiſſance du Pape à celle du Duc de Veniſe qui reçoit les honneurs au nom de l'Egliſe, ie ne m'eſbahis pas ſi en faiſant imprimer ceste harangue il a oſté ceste clauſe & autres ſemblables de peur d'offenſer ſa Sainteté.

Il ſeſt donc contenté de faire imprimer celle qu'il a fait au tiers-Eſtat, dont il m'a enuoyé de ſa grace vne copie, laquelle apres auoir leuë, i'ay bien recogneu quelle difference il y a entr'un homme qui parle a bon eſcient, & vn qui parle contre ſa conſcience. Car partout il ſe contredit à ſoy-meſme, & ſemble auoir peur d'eſtre entendu.

Il recognoiſt que ceste queſtion n'eſt décidée par l'Eſcriture ſaincte, ny par les Decrets de l'Ancienne Egliſe, ny par l'analogie des autres procedures Eccleſiaſtiques, & neantmoins il dit que tenir pour doctrine meſchante & abominable ceste doctrine que les Rois ne peuuent eſtre depoſez par le Pape eſt tenir qu'il n'y a plus d'Egliſe depuis pluſieurs

Douze preuues par lesquelles il paroist que Monſieur le Cardinal parle en ceste harangue contre ſon propre ſentiment.

I.
Pag. 85.

siecles, & qu'elle est la synagogue de l'Antechrist.

2. Il exhorte ses auditeurs à tenir au moins ceste doctrine pour problematique & non necessaire, & cependant les exhorte à se submittre en cela au iugement du Pape, & du Clergé lequel en a desia decidé.

3. Il dit que cet article receu il sensuit que le Pape est l'Antechrist, & neantmoins dit que le Pape tolere que plusieurs François tiennent en ce point une doctrine contraire à la sienne, pourueu qu'ils ne la proposent point pour neccessaire en matiere de foy, comme si le Pape permettoit à aucun en quelque façon que ce soit, de tenir aucune doctrine contraire à la sienne, & principalement une dont il sensuit que le Pape est l'Antechrist.

4. Il souffre à souffrir le martyre plustost que de soubsigner ceste doctrine qui rend les Rois indeposables par le Pape, neantmoins dit que le Pape souffre que les François tiennent ce point pour problematique. Dont sensuit que le Martyre qu'il souffriroit pour ceste cause seroit un martyre problematique, & qu'on pourroit à bon droit disputer si son martyre seroit point un crime, ou une phrenesie, ou une iuste punition.

5. Il denonce Anatheme & malediction aux parricides des Rois, mais ailleurs il declare qu'il parle des Rois pendant qu'ils sont Rois: Or on sçait qu'un Roy depose n'est plus Roy, par ainsi celuy qui a tué Henry troisieme qui estoit depose du Pape, n'a pas tué un Roy.

6. Item il ne veult pas qu'on tue un Roy: mais veut bien qu'on le despoille de peur qu'il se puisse defendre quand on le voudra tuer.

7. Il n'approuue pas qu'un Roy soit tué par assassinat de peur de perdre son ame avec son corps, mais ne trouue pas mauvais qu'il soit tué en la campagne, & percé de coups en une bataille, presupposant que par ce moyen l'ame du pauvre Roy sera sauuée. Pag. 69.
& 97.

8. Il dit qu'un Roy depose retient encores une habitude à la dignité Royale, & un caractere politique qui quand il vient à se corriger le reporte à l'usage legitime de la Royauté, presupposant que celuy qui se sera emparé du Royaume le laissera viure, & si il void en luy des signes de repentance, luy rendra de bonne foy le Royaume.

9. Par tout il dit qu'il ne traite ceste matiere que problematiquement, & sans rien resouldre, & cependant appuye de toute

sa force l'opinion qui tient que le Pape peut déposer les Rois, refute les obiections; propose l'authorté des Papes; & des Conciles, & notamment de celui de Latran, sous Innocent troisieme, & le consentement de l'Eglise, à laquelle s'opposer il estime que c'est faire un schisme, & nier que depuis plusieurs siecles il y ait eu aucune Eglise au monde, qui est (ce me semble) parler avec resolution.

10. Il ne reconnoist autre cause de deposition d'un Roy, que l'heresie, l'apostasie; & l'infidelité: & neantmoins il prouve que le Pape a puissance de déposer les Rois pour heresie & apostasie, par des exemples de Rois deposés par le Pape non pour heresie, mais pour mariages, & pour pretentions ciuiles, & pour faute de capacité.

11. Et par tout allegue les passages tant de l'Ecriture sainte, que des Peres & histoires modernes, si peu à propos & avec si peu de fidelité, comme nous ferons voir cy-dessous, qu'il n'est pas possible qu'un homme sçauant comme il est, parle selon son sentiment.

12. Tout cela se disant pour gratifier le Pape, cependant il luy eschappe de dire choses qui l'offensent bien fort, notamment en ce qu'il le fait suiet au Concile, & submet son iugement au iugement du peuple François, comme nous

errons en son lieu. Item en ce que representant à son auditoire quel est le iugement que les Papes & Conciles ont donné sur ceste matiere, neantmoins il dit qu'il ne traite ceste question que problematiquement, & sans rien souldre: Comme si un Cardinal apres la decision des Papes & Conciles deuoit craindre de parler avec fermeté & resolution: ou comme si on deuoit parler irresolument d'une chose pour laquelle on s'offre à souffrir le martyre. A quoy si vous adionstex que Monsieur le Cardinal auoit tousiours auparavant soustenu le contraire de ce qu'il a soustenu Estats, vous recueillerez indubitablement u'il y a parlé contre sa conscience.

Ces choses paroistront par la deduction suivante, & par l'examen qu'avec l'assistance de Dieu ie veulx faire de ceste harangue faite à l'opprobre des Rois, & à la subuersion des Royaumes: Non pas que i'estime qu'il y ait pour moy aucune gloire d'entrer en lice contre un Cardinal, sçachant bien combien cela est au dessous de la dignité Royale. Sçachant aussi combien la parole de Dieu exalte les Princes, & les appelle Dieux, au lieu que la dignité de Cardinal est une nouvelle inuention humaine, comme i'ay prouué ailleurs. Mais En la Preface de mon Apologie. ay esté mené à ce faire par l'intereust commun.

que les Rois y ont: & par ce que ledit Sieur Cardinal ne parle point en ceste harangue comme un particulier, mais comme représentant le corps du Clergé & de la noblesse: qui l'ont emporté contre le tiers-Estat. Et parce qu'en mon particulier il me traite comme un semeur de dissensions, & comme un persecuteur, sous lequel l'Eglise a de la peine à respirer, & qui fais endurer aux Catholiques toutes sortes de supplices. Appellant l'article du tiers-Estat, un monstre ayant une queue de poisson, venu à nage d'Angleterre: Joinct que l'estat de la France estant aujourdhuy si miserable, que c'est un crime à un François de parler pour son Roy, il faut par nécessité que les voisins prennent la parole, & essayent à faire rettenir de loing la verité, laquelle s'en va mourante, & qu'on veut enseuelir sous la violence.

Je ne toucheray point à plusieurs petites choses dont son liure est parsemé, comme à ses allegations de Periclés, d'Agésilas, d'Aristote, de Minos, des Druides, des dames Gauloises, d'Annibal, de Pindare, & des fables des Poëtes, qui sont comme fleurs rouges & bleües croissantes parmy un bled, qui gastent plus qu'elles n'embellissent: & qui estoient indecentes à la dignité tant de l'assemblée & du suict, que de la personne de celuy qui parloit, car il ne

ou VTRVM
cōme, Vtrū
homo sit
animal, &c.

un animal raisonnable. Dont appert que les propositions proposees problematiquement ne laissent pas d'estre necessaires de leur nature, & que souuent la contradictoire obligeroit ceux qui la croient à Anatheme & perte de communion. Il y a nombre de choses pareilles que ie veux passer pour m'arrester au fonds & à la substance de la chose.

DECLA-

DECLARATION

D V

SERENISSIME ROY DE
LA GRAND' BRÉTAIGNE,
& Irlande,

Defenseur de la foy.

POVR LE DROICT DES
Rois & independance de
leurs Couronnes.

CONTRE LA HARANGVE
*de l'Ilustissime Cardinal du Perron,
prononcee en la chambre du
tiers-Estat.*

Le 15. Iannier 1615.

C'Est avec iuste suiet que Monsieur le Cardinal du Perron recognoist des l'entree de la harangue que l'ordre Ecclesiastique a plus d'obligation au Roy, que la Noblesse & le tiers-Estat, puis que les Cleres iouissent de leurs dignitez & richesses par la pure grace du Roy, sans peril & sans despense, mais les autres tiennent leurs charges a tiltre onereux, & au prix de leur sang & de leur argent. Mais de la ne s'ensuit pas que ledit Sieur Cardinal en veult inferer, à çauoir que le tiers-Estat doit laisser au Clergé le oing de pouruoir aux remedes contre les assa-

C

finateurs, lesquels (ce dit-il) doiuent estre des loix de conscience qui agissent sur les ames, & non des peines temporelles. Car il n'aduient pas tousiours que ceux-là fassent mieux leur deuoir qui sont plus obligez à le faire. Et quant ainsi seroit que le clergé se fust monstré iulques icy soigneux de la vie & de l'honneur de son Prince, si est-ce que les peines spirituelles denoncees par les Ecclesiastiques ne doiuent point lier les mains au Magistrat, ni empêcher les peines temporelles, lesquelles ont ordinairement plus de force à retenir les meschans quel'apprehension du iugement de Dieu.

C'est pourquoy le tiers-Estat representât tous les officiers de la France ausquels la iustice est cōmise, & la manutention des droits & de la dignité du Roy, ne peut estre blasimé d'auoir voulu pouruoir à la conseruation du Roy, & à la dignité de sa couronne: & ce d'autât plus que le Clergé manquant à son deuoir, le peuple doit necessairement se charger de ce soucy: Car n'est ce pas du Clergé que sont procedez tous les maux qu'ō tasche d'euitter? Les dernieres guerres ciuiles qui ont resplādu tant de sang, & causé le parricide de Henry troisieme, n'ont elles pas cōmencé par la depositions dudit Roy par le chef du Clergé? Les Prelats, Curez & cōfesseurs, ne verfoient ils pas del'huile dedās ce feu par sermōs seditieux, & par confessions secretes? Celuy qui tua le susdit Roy, n'estoit il pas Clerc? Guignard n'estoit il pas Iesuite? Iean Chastel n'estoit il pas sorty de mesme eschole? Rauaillac en son ininterrogatoire enquis quil'auoit meū a cet horrible attentat, ne

ne uoya il pas ceux qui l'interrogeoÿēt aux pre-
lications du Carefme precedent, ou ils auoyent
pu en apprendre les causes ? Bellarmin , Eude-
non iohannes, Suarez, Becanus, Mariana, &
els mōstres qui enseignēt les Parricides, & sou-
tiennent les æquiuocatiōs en iustice, & le secret
des confessions, ne sont ils pas Clercs, & leurs li-
vres approuuez par vn corps de docteurs qui y
ont apposé leurs seings ? Et en mon Royaume les
principaux promoteurs & complices de la cons-
piration de la poudre n'estoyent ils pas Eccle-
siastiques ? L'vn des complices nommé Faux main-
tenoit son fait, disant qu'il estoit bien assuré en
sa cōscience que son entreprise estoit iuste, ayant
esté suffisamment instruit la dessus par des hom-
mes doctes auāt que de sortir des pays bas. Aussi
entr'eux c'est vne creance generale que les Clercs
ne sont point suiects du Roy . Et M. le Cardinal
reconnoist que ceux qui ont tué les Rois ont
entrepris ces detestables parricides sous vne
fausse persuasion de Religion , instruits dōc par
ceux qui leur enseignoyēt la Religion, c'est à dire
par les Ecclesiastiques. De tout cela ie recueille,
qu'encores que parmi le Clergé de France il y en
ait bon nōbre qui aime son Roy, esquels le Cha-
ractere clerical n'a point effacé la fidelité natu-
relle, si est-ce que le mal estant plus grand en cet
ordre qu'en nul autre, le tiers Estat a eu iuste suiet
de ne vouloir point laisser au seul Clergé le soing
de pouruoir à la vie & seureté de la couronne de
son Roy. Ioint que le Clergé en toutes matieres
douteuses estant obligé d'en deferer le iugemēt
au Pape, lequel en ceste cause est partie, & pre-

tendant que les couronnes dependent de luy, le tiers-Estat ne pouuoit esperer que le Pape se cōdamnast soy-mesme, ayant desia declaré quel est son sentiment en ceste question. Que si les remedes que le tiers-Estat & les officiers du Roy y ont voulu apporter n'ôt pas reüssi, ce n'est pas qu'ils ne soyent bons & legitimes, mais cela vient de ce que le Clergé n'y a pas cōtribué ce qu'il deuoit & pouuoit, & pour ce qu'apres qu'on a brulé les liures qui approuuent la reuolte des peuples, la destitution des Rois & les parricides, on ne laisse pas de favoriser les auteurs: & qu'on punit en public vn miserable parricide, mais nō ceux qui qui sement parmy le peuple ceste doctrine abominable.

pag. 9.

Concil. Const.
stat. Sess. 15.

Par les choses susdites appert que M. le Cardinal estoit mal fondé en l'exhortation qu'il faisoit au tiers-Estat, de remettre entierement au Clergé le soing de ceste affaire. Laquelle exhortation il tasche de fortifier par vne raison encores plus foible, disant qu'il ne faut point mesler ce qui est indubitable avec vn point contentieux. Ces choses indubitables sont deux. L'vne est que pour quelque cause que ce soit il n'est loisible d'assassiner les Rois, ce qu'il fortifie par l'exēple de Saül deposé, lequel toutefois Dauid ne voulut tuer, & par le decret du Concile de Cōstance cōtre les meurtriers des Rois. L'autre est que les Rois de France sont Souuerains de toute souueraineté temporelle en leur Royaume, & ne sont feudataires, ni du Pape, cōme ceux qui ont receu ou obligé leurs couronnes à ceste cōdition, ni d'aucun autre Prince. Toutefois il dit que ce

pag. 10.

oint n'est certain que de certitude humaine & historique. Mais il dit qu'il a vn troisieme point qui est contentieux & disputé, lequel il ne faut mesler avecques ce qui est certain & indubitable, de peur de redre douteux ce qui est certain, & y meslant quelque chose de contentieux. Ce point est, asçauoir quād vn Prince violant le serment fait à Dieu de viure & mourir en la Religion Catholique se rend Arian ou Mahometan, & vient à faire la guerre à Iesus-Christ, s'il peut estre declaré descheu de la Royauté, & à qui c'est de declarer ses suiets absous du sermēt de fidelité. Et dit que toutes les autres parties de l'Eglise Catholique, & mesmes l'Eglise Gallicanne deuis qu'elles a eu des escholes de Theologie, iusques à Caluin, tiennent qu'un tel Prince peut estre depoué par le Pape & par le Concile: Que si l'opinion contraire estoit la plus viaye du monde, on ne la pourroit au plus tenir que pour problematique en la foy. C'est la le sommaire de son discours, duquel nous sommes contrains de remettre la refutation à vn autre lieu, pource qu'il n'insistera derechef sur ces mesmes choses beaucoup plus au long. Là nous verrons que Monsieur le Cardinal approuue les meurtres des Rois depouez. Item que Saül n'a iamais esté depoué. Que le Concile de Cōstance ne fait rien à ce propos, comme ne parlant point du meurtre des Princes souuerains. Que M. le Cardinal n'estime pas son Roy estre souuerain en France, puis qu'il peut estre priué de la couronne par vne puissance superieure. Quel'Eglise Gallicanne de tout temps a tenu ses Rois indeposables par le Pape. Que le

Pape ne peut iustement prétendre qu'aucun Roy luy soit feudataire, ou obligé à luy faire hommage de sa couronne.

Il s'arreste donc sur le troisieme point qu'il dit estre contentieux, & dit que condamner ou enclore sous l'anatheme ceux qui tiennent que le Pape peut deposer les Rois, c'est tomber en quatre manifestes inconueniens.

I. Le premier est que c'est forcer & enlacer les consciences en les obligeant de croire & iurer sous peine d'anatheme vne doctrine dont le contraire est tenu par toute l'Eglise Catholique, & l'a esté par leurs predecesseurs.

II. Le deuxiesme est que c'est renuerser de fonds en comble l'autorité de l'Eglise, & ouuir la porte à toute sorte d'heresie, que de vouloir que les laïques osent entreprendre de iuger de la foy. Que c'est vsurper le Sacerdoce, mettre la main à l'arche, & prendre l'encensoir.

III. Le troisieme inconuient est, que c'est amener vn scisme ineuitable. Car tous les autres Catholiques tenâs ceste doctrine, nous ne pouuons, dit-il, la declarer contraire à la parole de Dieu, impie & detestable, sans renôcer à la communion du chef & des autres parties de l'Eglise, & sans cōfesser que l'Eglise a esté depuis tant de siècles la synagogue de Satan & l'espouse du diable.

IV. Le quatriesm est, qu'establir cet article qui soustient l'indépendance de la couronne des Rois, est non seulement rendre inutile le remede qu'on veut apporter au peril des Rois, en infirmant par le meslinge d'une chose contredite ce qui est indubitable, mais mesme qu'au lieu d'af-

sur la vie & l'Estat des Rois, c'est mettre l'un
 & l'autre en plus grand peril par la suite de
 guerres & malheurs que les scismes ont accou-
 tumé d'attirer apres eux.

A la preuue de ces quatre points Monsieur
 Cardinal employe sa harangue, lesquels nous
 voulons examiner par ordre, & monstrier que
 ces inconueniens sont nuls & imaginaires &
 fondez sur des fausses presuppositions. Mais
 avant que d'entrer en matiere le lecteur doit
 estre aduertí, qu'il deguise la question, & pro-
 pose ceste matiere non seulement contre la veri-
 té, mais aussi contre l'intention des Papes, en
 estreignant la puissance du Pape à deposer les
 Rois, au seul cas d'heresie & d'Apostasie & per-
 cution de l'Eglise. Car les Papes estendent leur
 puissance bien plus loing, ils deposent les Prin-
 ces pour auoir diminué les priuileges des mona-
 ches, cōme enseigne le Pape Gregoire premier,
 & le prétendu priuilege de l'Abbaye de S. Medart
 de Soissons, qui est adiousté à la fin de ses Epi-
 tres. Et en l'Epistre à Senator qui est la 10. du li-
 ure onzieme. Item pour tardiueté & incapacité
 soit vraye soit prétendue. Ainsi il se vante en la
 cuse 15. au Canon *Alius*, que le Pape Zacharie
 deposé Childeric Roy de France, *non tāt pour* *Quaest. 6.*
sa iniquité que pour ce qu'il n'estoit capable de sou-
tenir une si grande charge. Item pour collation
 de benefices & prebendes, qui est la querelle en-
 tre le Pape Innocent III. & Iean Roy d'Angle-
 terre: & entre Philippe le Bel & Boniface VIII.
 & pour adulteres & querelles de mariages, com-
 me quand Philippe I. laissa sa femme Berthe, &

le crime que les Papes mettoient à sus au pauvre Empereur Henry IV. iusques à faire rebeller son propre fils cōtre luy, & empescher que son corps ne fust enterré apres sa mort, encores qu'il n'eust iamais disputé d'aucun point de Theologie. Auētin au 3. liure de l'histoire de Bauiere recite que Virgile Euesque fut declaré heretique pource *Inueniens* qu'il enseignoit qu'il y auoit des antipodes. La *Episcopus.* Bulle *Exurge* qui est mise à la fin du dernier Concile de Latran met cecy entre les heresies de Luther, que la meilleure penitence de toutes est l'amendement de vie: Le Concile de Constance en *Optima* la Session 11. met cecy entre les crimes de Jean *penitentia,* XXIII. Pape d'auoir nié l'immortalité de l'ame: *nona vita.* adioustant que *cela se tient tout publiquement, ouuerement, & notoirement:* Si donc vn Pape ayant quelque semblable erreur vouloit deposer vn Roy qui seroit de contraire auis, ie ferois grand doubte qu'vn tel Roy fust iustement deposé.

EXAMEN DV PREMIER INCONVENIENT.

LE premier inconuenient que Monsieur le Cardinal faict naistre de la reception de l'article du tiers estat, par lequel les Roys de France ont declarez indeposables par aucune puissance superieure spirituelle ou temporelle, est qu'il orceroit les consciences à condamner sous peine d'anatheme vne doctrine qui a esté creuë & pratiquée en l'Eglise depuis onze cents ans. Con-
essant par là qu'ès cinq cents premiers ans elle

n'a esté ny creuë n'y pratiquée. Qui est ce me semble passer vne condamnation volontaire. Car l'Eglise du temps des Apostres & de leurs disciples & successeurs, iusques à cinq cents ans sçauoir aussi bien quelle puissance l'Eglise doit auoir sur les Empereurs & Roys, qu'és siècles suyuant, lesquels l'orgueil est accru & la pureté diminuée. Veu mesmes que durant ces cinq cents premiers ans, l'Eglise à vescu non seulement sous des Empereurs Payens, mais aussi sous des Roys heretiques, tels qu'estoient les Roys Visigots en Espagne, & les Roys Vandales en Afrique, lesquels le Pape de Rome ne deuoit craindre d'offenser, comme viuant loing d'eux, & hors de leurs domination. Toutesfois voyons si Monsieur le Cardinal és histoires plus nouuelles trouue quelque chose qui luy puisse seruir: nous souuenants tousiours qu'il n'est point icy question de tumultes populaires, ny de rebellion de subjets s'esmouuants d'eux mesmes, n'y d'excommunications ou reprehensions, mais d'une sentence iuridique de deposition prononcée contre vn Prince souverain par le Pape, comme ayant puissance ordinaire & legitime.

Pag. 18. Il commence donc par l'Empereur Anastase
Euagr. hist. qu'Euphemius Patriarche de Constantinople ne
Ecclef. lib. voulut iamais recognoistre pour Empereur (c'est
3. cap. 32. à dire consentir qu'il fust crée Empereur) qu'il
 ne soucrit au Symbole de Chalcedoine, quoy que
 l'Imperatrice & le Senat trainait ledit Euphemius
 par violence pour le contraindre: Auquel Empe-
 reur retombé en heresie contre son serment &

leuenu persecuteur, l'Euesque de Rome Symma-
che fit des remonstrances & l'excommunia. Il ad-
ouste que ledit Empereur ayant voulu fourrer
dans l'office de l'Eglise le venin de son heresie, le
peuple de Constantinople s'esmeut contre luy, & * *Nomoca-*
in de ses Capitaines le contraignit par armes à *nonis A-*
appeller les Euesques qu'il auoit bannis. *fricani Ca-*

Cet exemple, n'en deplaist à Monsieur le Car- *ton 77.*
dinal, ne touche ny près ny loing la question: Eu- *ὁ θεόκλην*
phemius n'estoit pas Euesque de Rome, & ne de- *τὸν πρέ-*
posa pas l'Empereur, mais refusa de consentir à *τους τῇ κοι-*
son election. L'émotion d'une populasse, où la *νογία τῆς δια-*
rebellion d'un Capitaine Grec, ne faict rien pour *αὐτῶν ἀ-*
authentifier l'Euesque Romain en la deposition des *κείνου ἐκ-*
souverains. L'excommunication de l'Empereur par *κλησίας.*
le Pape si elle est vraye (car Monsieur le Cardinal * *Canonici.*
n'en produit autre tesmoignage que le Pape mes- *eiusdē No-*
me, & on sçait combien les escrits & Epistres des *mocononis.*
anciens Papes sont faulses & supposées) si est-ce *ἀπο τῆ κοι-*
qu'elle n'emporte point de deposition. Je dis bien *τὸν κεινο-*
plus: c'est que l'excommunication qu'un Euesque *νίως χωρι-*
loingtain denonçoit à quelqu'un qui n'estoit pas *ζῶντις τῇ*
de son troupeau, n'estoit pas une exclusion de la *τῆς ἐκκλῆς ἀπὸ*
communión de l'Eglise ains une declaration de ne *κοινὴν νίκα ἀ-*
vouloir plus communier avec luy: tesmoing les *κεδὲν μένη.*
Canons des Conciles de Carthage. Dont * l'un *Faber in*
ordonne qu'un Euesque qui s'exempte de se trou- *fragmentis*
uer aux Synodes, ne soit receu à la communión *Hi aru.*
des autres Eglises, mis seulement en la sienne. Et * *Anathe-*
un autre Canon ordonne que si quelque Euesque ma *tibi à*
s'ingere de donner la conduite de son monastere, me *Libe-*
qu'un tel soit separé de la communión des autres Euesques *xi.*

se contentant de communier avec son troupeau. C'est en ce sens que S. Hilaire Euesque de Poictiers excommunia Liberius Euesque de Rome, pour auoir souscrit à la confession des Arriens. C'est en ce sens que Ican Euesque d'Antioche excommunia l'Euesque de Rome Celestin & Cyrillus d'Alexandrie, pour auoir procedé à la condamnation de Nestorius sans l'attendre. C'est en ce sens que Victor Euesque de Rome retrancha, non de la communion de leurs troupeaux, mais de la communion, tous les Euesques Orientaux. Ce n'estoit donc rien de pareil à l'excommunication que les Papes ont long temps depuis fulminée.

*Ce qui sert de responce à l'exemple de Clothaire qui de peur de censures du Pape Agapet erigea la terre d'Yuetot en tiltre de Royaume pour satisfaction du meurtre commis en la personne de Gaultier d'Yuetot, dont Monsieur le Cardinal n'ameine autre tesmoin que des histoires escrites plus de neuf cens ans depuis, & me seroit aisé de prouuer qu'alors les Papes ne se mesloyent aucunement des affaires des Roys de France. Gregoire de Tours qui viuoit en ce mesme siecle, recite force excez & violences des Roys contre les Euesques, notamment contre Pretextat Euesque de Roüan, pour lesquelles l'Euesque de Rome ne s'ingere point à faire aucunes remonstrances. Ains voicy les paroles de Gregoire mesmes au Roy Chilperik. *Si quelqu'un de nous ô Roy outrepassé le sentier de Iustice tu le peux corriger. Mais si toy mesme transgresses qui te reprendra? Nous parlons à toy mais tu escoutes s'il te plaist. Que s'il ne te plaist qui est celuy qui te**

eut condamner sinon celuy qui se declare estre luy mesmes
 & iustice? Cela n'empeschera point que le susdit
 Iuesque ne fust rudement battu & relegué en ban-
 nissement de l'Isle de Guernesay. Mais ie ne veux
 pas disputer les tiltres des Seigneurs d'Yvetot,
 es priuileges & tiltres desquels s'ont marques cer-
 taines de la vertu de leurs ancestres & de quelque
 grand seruice fait à la couronne de France, & non
 une satisfaction pour le peché. Seulement ie dis
 que quand mesmes ceste histoire seroit vraye, si
 elle fait elle rien à ce propos ou il s'agist de la puis-
 sance de deposer les Roys, & non de les excom-
 muniier. Que si le Roy par crainte d'excommuni-
 cation a oütoyé ses priuileges, que fait cela pour
 recouuer que le Pape luy pouuoit oster la couron-
 ne? Et sans doubte c'estoit vn moyen de hausser
 la dignité de la couronne de France, & faire que
 le Roy deuint Roy des Roys, donnant la qualité
 de Roy à tous les Seigneurs & Gentils-hommes
 de son Royaume, comme c'est vn point de la grâ-
 ceur du Roy d'Espagne de faire des Grands.

Gregoire I. vient apres, lequel en la dixiesme *Pag. 22.*
 epistre de l'onzieme liure confirmant les pri-
 uileges de l'hospital d'Authun, defend aux Roys
 & Prelats d'en rien diminuer, adioustant ces
 mots. *Si quelqu'un des Roys, Prelats, Iuges, ou autres*
personnes seculieres, estans informez de ceste nostre con-
stitution, attente d'y contreuenir, qu'il soit priué de
son pouuoir & de sa dignité. Mais Monsieur le
 Cardinal s'abuse prenant des imprecations pour
 des arrests: Le moindre du peuple pourroit par-
 ler en mesme façon & dire que celuy qui tou-

chera à la vie ou à la Couronne de nos Roys, fust-il Empereur, fust il Pape, soit maudit, qu'il décroche de son office, qu'il perde sa dignité, qu'il tombe en mendicité, en maladies, & en toute sorte de calamité. Je laisse à dire, combien il est à des moynes pour maintenir leurs priuileges de forger de tiltres à leur poste: Et de fait voila en ce mesme Gregoire, à la fin de ses Epistres vn tout semblable priuilege octroyé à l'Abbaye de saint Medard de Soissons, ou il y a vne semblable clause Duquel priuilege la fausseté est manifeste, comme il appert par la darte, qui de l'an de l'incarnation

* *Epist. 6. du Seigneur 593. Indiction XI. Car l'an du Seigneur 593. estoit l'indiction X. & Gregoire n'auoit pas accoustumé de datter ses Epistres de l'an du Seigneur. Et les Euesques d'Alexandrie & de Carthage soubssignent ce priuilege, lesquels ie ne croy pas qu'ils sceussent qu'il y eust ou vne ville de Soissons, ou vne Abbaye de S. Medard. Encore sous-signent ils parmi la foule des Euesques d'Italie. Joint que quiconques aura sceu avec quelle reuerence ce Gregoire parle des Empe-
lib. 3. Ego reurs, ne croira pas aisement qu'il se soit attribué
autē indi- ques, *Quid* la puissance de denuer & oster les Royaumes.
gnus pieta- *si nisi pul-* * Il s'appelle indigne seruiteur de l'Empereur, osant parler
sistua ser- à luy combien qu'il se recognoisse n'estre que poudre & vn
uus. vermisseau. Il se dit estre sujet à ses commandemens, ius-
et la mes- ques à luy obeyr en vne chose qu'il n'estimoit estre accor-
me, *lib. 2. Ego* dante avecques la Loy de Dieu: comme nous auons
Ego vero guidé ius-
hac domi- monstré plus amplement ailleurs.
nismen lo- sioni subie-*

Monfieur le Cardinal adjouste, que Iustinian le second offensé de ce que Sergius Pontife Romain

écôd offensé de ce que Sergius Pontife Romain, auoit voulu fauoriser le Synode tenuée de Constantinople, le voulut faire empoigner par son honestable Zacharie: mais que la milice Romaine c'est a dire les troupes que l'Empereur auoit en Italie) repoussa ledit Zacharie avec opprobres. Il m'excusera si ie ne puis comprendre ce qu'il eut dire par cet exemple, où il n'est nullement parlé de deposition de l'Empire, ny d'aucune sentence prononcée par le Pape.

Voyla des-ja 712. ans passez depuis la naissance de I E S V S-CHRIST où Monsieur le Cardinal n'a encores peu rien trouuer qui avec la moindre apparence puisse seruir a son propos. Car l'exemple de l'Empereur Philipicus qu'il allegue en suite est de l'an 712. l'Histoire est que Philipicus Bardanes Empereur estoit contraire à la veneration des images, & les faisoit abatre. En ce temps là l'Empire Romain estoit abattu en Occident, & fort branlé en Orient par les Sarrazins. Outre cela l'Empereur auoit sur les bras vne guerre ciuile: la pluspart de l'Italie estoit possédée par les Lombards, de laquelle il ne restoit rien à l'Empereur que l'Exarchat & la Duché de Rome, qui estoit enmy abandonnée par la foiblesse de l'Empereur. Le Pape Constantin empoigna ceste occasion de s'agrandir & de secouër le ioug de l'Empereur son seigneur: entreprenant la defense des images contre l'Empereur, lequel il fit declarer heretique par vn Cōcile, & defendre qu'en la ville de Rome on ne receust ses lettres ny sa monnoye, & que le statuë selon la coustume ne fust posée au tēz.

ple, Le tumulte croissant, dont le Pape estoit promoteur, Iean Exarque de Rauenne y fut tué. Icy on void bien vne mutinerie d'un sujet contre son Prince pour luy arracher vne ville de son Empire, mais nulle sentence de deposition de la dignité Imperiale. Encores le Pape ne vint point à bout de son dessein. Car la ville de Rome ne laissa pas de demeurer en l'obeissance de l'Empereur.

Quelques douze ans depuis Leon Isaurique Empereur (que Monsieur du Perron appelle Iconoclaste) se mit à poursuiure à outrance les adorateurs d'images. La dessus Gregoire II. Pape suyuant les erres de son predecesseur, voyant Rome mal gardée, & l'Empereur empesché ailleurs, la fit reuolter contre l'empereur, si bien qu'il s'en rendit luy mesme le Maistre, mais il y a bien de la difference entre degrader vn Empereur de la dignité Imperiale, & entre faire reuolter vne ville contre son Maistre pour s'en rendre Seigneur. Si le Pape eust transporté la propriété de la ville de Rome à quelque autre estat en l'ostant à l'Empereur, cet exemple auroit quelque peu de couleur. Mais la prenant pour soy mesme, & vsurpant le bien d'autrui, c'est vne manifeste rebellion & ambition: Car ce n'est point vne censure Ecclesiastique quand le Pasteur spirituel arrache au pecheur son manteau, où luy coupe sa bourse, & s'accommode du bien d'autrui. Notez aussi que ces entreprises de Papes ont commencé quand les Empereurs n'ont plus eu de force, & qu'ils ont peu les offenser sans peril. Ce neantmoins l'Empereur se rebequa, & son Lieutenant entra dans Rome, &

Gre-

Gregoire III. successeur de ce II. appelle encores l'Empereur son Seigneur, tesmoing deux Epistres dudit Gregoire troisiéme escriptes a Boniface dont la souscription est telle. *Data 10. Cal. Decembris Imperante Domino piissimo Augusto Leone à Deo coronato, magno Imperatore, anno decimo Imperij sui.*

Auec pareil abus Monsieur le Cardinal allegue le Pape Zacharie, lequel il dit auoir absous les François du serment de fidelité qu'ils deuoyent à Childerik leur Roy, d'où il ameine pour tesmoins Paul Kemil & du Tillet nouueaux auteurs : Mais les auteurs plus proches du siecle de Childerik tesmoignent que les François le firent de leur propre volonté, ayans pris conseil de Zacharie, mais non le mād é permissio ni absolution. Ado Euesque de Tienne en son Chronique. *Les François (dit-il) par Conseil des Ambassadeurs & de Zacharie Pontife établissent Pepin pour Roy: Trithemius' en l'abbre- cè des annales, Childerik Roy des François est debouté du Royaume comme inutile à regner, du commun consentement des grands du Royaume, le Pape Romain Zacharie leur donnant conseil.* Godefroy de Viterbe en la partie 17. de son Chronique & Guagin en la vie de Pepin disent le mesme, Et fut aisé de donner conseil a Pepin de prendre le Royaume lequel on ne pouuoit empescher de le prendre, & qui l'auoit desja en effect, encores qu'il n'en eust pas le nom. La rudesse de la nation, qui alors n'auoit aucun sauoir, ni aucunes escholes en Theologie ni sciences, les obligeoit a chercher hors le Royaume du conseil, lequel ils demanderent en ceste fauise plus par forme que par necessité. Et le

Pape fut bien aisé de s'obliger Pepin, pource qu'il auoit besoing de son secours cōtre le Lombards, & que l'Empereur de Constantinople son Seigneur estoit trop foible pour le defendre. Que si si Zacharie eust eu plus d'egard à la crainte de Dieu qu'à sa commodité, il n'eust iamais conseillé vn seruiteur de se reuolter contre son Maistre, sous ombre qu'il auoit l'esprit tardif. Les loix donnent des curateurs aux furieux, mais ne leur ostēt pas leur bien : Elles punissent les crimes & non les maladies. C'est la coustume du Royaume de France quand l'esprit du Roy est troublé d'establir vn Regent, qui porte le faix des affaires. Ainsi fut fait à Charles VI. tombé en phrenesie, que le Pape ne degrada point pour cela. Et n'y a point de raison que les enfans soyent punis pour la debilité de leur Pere, comme il a esté fait à toute la race & famille de Childerik, qui par ce moyen a esté deboutée de la succession du Royaume. L'excuse de Monsieur le Cardinal du Perron est, que la cause de la deposition de Childerik touchoit la Religion par accident, a cause que l'imbecillité de Childerik mettoit la France en danger de perdre la Religion Chrestienne par l'inuasion des Sarrazins. Si ceste raison est bonne, il falloit regarder si entre les plus proches successeurs du Roy il n'y auoit point quelqu'un qui eust plus de capacité. Il ne falloit pas que la crainte d'un mal par accident, causast vne deposition par effect. Plustost falloit se proposer l'exemple de Charles Martel pere de Pepin, lequel en vn danger beaucoup plus eminent, le Sarrazins ayans des-jà occupé vne gran-

de partie de la France, leur resista & les deffit courageusement, gouvornant le Royaume sous le tiltre de Maire du Palais, sans pour cela vsurper la couronne Royale. Veu principalement que les Sarrazins estoient des-ja rompus, & n'estoyent plus gueres redoutables à la France. En Escosse VValles auoit en main le gouvornement du Royaume, pendant que Bruis iuste heritier de la couronne son ennemy mortel estoit prisonnier en Angleterre. Ilauoit vn plein pouuoir au pays: & ce qu'il a ordonné, a encores auourd'hui force de Loy: & la haine que Bruis luy portoit sembloit le deuoir inciter à s'emparer du Royaume. Mais il ne voulut iamais prendre autre tiltre que de Gouverneur ou administrateur du Royaume, n'estant instruit en ceste doctrine, qui donne à l'Eglise le pouuoir de donner & oster les couronnes: Voicy donc au conte de Monsieur le Cardinal ou sont reduits les Rois, c'est que le Pape enuoyera ses medecins pour recognoistre si le Roy a la ceruelle bien thimbrée: que s'il y trouue quelque debilité il transportera le Royaume a vn autre: & sera aisé de trouuer quelque raison oblique qui touche la religion. On dira qu'il y a dans le Royaume des heretiques, & qu'il faut empescher qu'ils ne croissent. Ou s'il s'agit d'un mariage, on dira que le mariage est vn Sacrement, & par consequent qu'il y va de la Religion. Par ce moyen sous ce mot de Religion on fera venir non seulement les vices du Roy, mais aussi ses maladies. Et Monsieur le Cardinal se fera abusé d'auoir restreint la puissance du Pape a deposer les

Pag. 26. Rois au cas d'heresie & Apostasie & persecution del'Eglise.

5. Le Pape Leon III. vient après qui absolu par effect (si on croit M. du Peron) de l'obeissance des Empereurs Grecs tous leurs sujets Occidentaux, ayâts couronné Charles Empereur. Cet exēple est faussement allegué, & cōtre la verité del'histoire. Car il ne se trouuera, ie ne dis pas vn pays, mais vn seul hōme que le Pape ait alors fait changer de Maistre, le faisât de sujet des Empereurs Grecs. deuenir sujet de Charlemaigne. Qu'on me dōne vne seule ville que Charlemaigne ait acquise quād il prit le tiltre d'Empereur en Occidēt. Long temps auparauant les Empereurs Grecs auoyent perdu l'Empire d'Occident tellement que dire que le Pape Leon III. le leur auoit osté, c'est comme si aujourdhuyle Pape estoit aux Rois de France le Duché de Milan, ou aux Empereurs d'Alemaigne la ville de Rome, pource que leurs predecesseurs l'ont tenuē. Le Pape oste en mesme façō qu'il donne Car comme il a accoustumé de donner ce qu'il n'a point, ou mesmes de donner a quelqu'vn ce qu'il a desia: ainsi il oste aux Empereurs & Rois ce qu'ils n'ont plus: ostant aux Empereurs l'Occident lorsqu'ils n'y ont plus rien: Cela est despouiller vn homme nud, & oster la vie à vn mort. Vray est que le Pape mit sur la teste de Charlemaigne la couronne Imperiale, mais ne luy donna pas l'Empire, cōme quand vn Prelat couronne le Roy en son sacre, il ne luy donne pas pourtāt le Royaume: Autrement l'Euesque d'Ostie eust donné au Pape le Papat, pource qu'a luy a lōg temps appartenu la charge de couronner le Pape. L'Em-

ereur mesme auoit accoustumé de receuoir
e la main de l'Archeuesque de Milan la courōne
e Roy d'Italie, sans toutefois receuoir deluy le
oyaume d'Italie. Que si Charlemagne eust esté
dict empereur par le Pape, le Pape ne l'eust pas
oréa l'heure mesme de son couronnement: ce que
ous aprenons d'Ado qui aueu au mesme siecle,
Après (dit il) les louanges achenées il fut adoré par le
ontife selon la custume d's Princes anciens. Ce qui est
affirmé par Auentin au 4. liure de ses An-
ales de Bauiere, & par le President Faucher en
santiquitez, & par Monsieur Petau Conseiller
e la Court de Parlement de Paris, en la Pre-
ce qu'il a mise deuant le Chronique d'Euse-
e de Hierosime & de Sigebert,

C'a donc esté le peuple Romain qui a deferé a
arle-magne ce tiltre, comme enseigne Sig-
ert sur l'année 801. Les Romains (dit-il) tous d'un
asentement, crient a l'Empereur des louanges Impe-
les, & le couronnent par les mains du Pape
ppellans Cesar & Auguste. Marianus Scotus
13. liure de ses Chroniques, En ce temps Char-
fut appelé Auguste par les Romains. Platine en la
e de Leon troisieme, Leon apres le service solemnel
claire Charles Empereur par l'ordonnance & priere du
uple Romain. Auentin & Sigonius au 4. liure du
gne d'Italie, disent le mesme. Toutefois pour
atifier Monsieur le Cardinal, posons le cas que
Pape Leon ait depossédé les Empereurs Grecs
l'Empire d'Occident, ie demande pour quelle
use & pour quel crime? Car Irene & Nicephore
i tenoient l'Empire Grec du temps de Charle-
agne, n'estoient point estimés heretiques par le

*Perfectis
Laudibus,
a Pontifice
more Princi-
pum anti-
quorum ado-
ratus est.*

*Auentinus
Annal. Boi-
orum lib.*

*4. Post hac
ab eodem*

*Pontifice vo-
cateri vete-
rum Princi-
pum more
Maiorum
adoratus
est Magnus*

*Auentinus
Ann. Boi-
orum lib. 4.*

*Impersum
transfere
iure suo in
Germanos
Carolomag.
tacio Sena-
tu consulta
plebiscitoque
decernunt.*

Pape. Quoy donc? Monsieur le Cardinal nous aduertit que leurs predecesseurs, Constantin & Leon, auoient esté heretiques & persécuteurs. Voicy donc vne cause de deposition d'un prince orthodoxe, a sçauoir l'héresie, non pas de luy, mais d'un autre qui est pieça mort. Chose admirable. Car au contraire il semble qu'on le deueroit cherir au double pour auoir remis sus la verité persécutée par ses deuanciers. Sans doubte le Pape Siluestre deuoit déposer Constantin le grand a cause de l'infidelité cruelle & du paganisme de Diocletian, de Maximian, & Maxentius ausquels il a succédé.

Pag. 27.

Delà Monsieur du Perron passe a Foulques Archeuesque de Reims qui menace Charles le simple de l'excommunier & ne luy estre plus fidele. A quel propos cela? car qui ne sçait qu'il y a eu en tout temps des brouillons peu respectueux enuers leurs Roys, principalement quand ils sont foibles & simples d'esprit comme estoit cestuy-cy? En apres ou est en cet exemple vn seul mot du Pape, & deposition de Roys?

Pag. 28.

Monsieur le Cardinal adioust vñ exemple de Philippes I. Roy de France lequel il tronque & deguise comme nous verrons cy apres.

Anno
1076.

En fin il nous meine a Gregoire septie sme nommé Hildebrand, fleau des Empereurs, flambeau de guerre, l'opprobre de son siecle, lequel ayant fulminé contre l'Empereur Henry quatriesme sentence d'excommunication & deposition, & entrepris vne chose sans exéple, apres auoir rempli l'Europe de sang, succumba sous le faix, & mourut fugitif a Salerne accablé de

istesse. Ou estant près de rendre l'esprit, appella, comme recite Sigebert sur l'anne 1085.) vn Cardinal qu'il aimoit, & confessa à S. Pierre & a toute l'Eglise auoir beaucoup manqué en sa charge Pastorale, qui luy soit commise, & qu'à la suasion du diable il auoit esmeu haine & l'ire de Dieu contre le genre humain. Lors il envoya son confesseur a l'Empereur & a toute l'Eglise pour impetrer pardon, pource qu'il voyoit la fin de sa vie procher. Et Benno Cardinal qui viuoit du temps dudit Gregoire, & a escrit sa vie, dit que si tost qu'il se leua de son siege pour excommunier Casar, que sa chaire se fendit en plusieurs pieces d'une façon terrible par volonté de Dieu, pour donner a entendre combien vains & terribles schismes celuy qui y estoit assis semoit contre l'Eglise de Dieu, par vne si dangereuse excommunication. Nous amener vn tel homme pour exemple, qui entreprenant ce que iamais personne n'auoit osé entreprendre, a condamné tous ses predecesseurs de lascheté ou d'ignorance n'est-ce autre chose que de nous enuoyer a l'escole des brigans, & vouloir amender & reformer les anciennes vertus par des nouveaux vices? Ce ne recognoissant Ortho de Frisinghen en la vie de Henry IV. au 31. chap. du 4. liure dit. *Le ne trouue point qu'auant cestuy-cy aucun Empereur ait esté excommunié par le Pontife Romain ou chassé de son Royau-*

Que s'il est question d'exemples, ie laisse a iurer au lecteur quels exemples doiuent auoir plus de poids, ou les nouveaux exemples de la deposition des Rois par les Papes, qui pour la plupart ont esté sans effect, ou les anciens exemples des Papes actuellement déposés & pu-

nis par les Empereurs & Rois.

Theodoret. L'Empereur Constantius chassa Liberius Euesque de Rome, & le relega a Beroë, & mit Felix en sa place. Il estoit voirement Arien, & y procedoit avec injustice, mais il n'est pas blasmé par les anciens de ce qu'il punissoit vn homme sur lequel il n'auoit point de puissance, mais de ce qu'il estoit ennemy de la foy Othodoxe, & persecutoit les innocens.

Amminius lib. 27. Du temps de Valentinian premier en l'an du Seigneur 367. Damase & Vrsicin competeurs de l'Episcopat esmeurent a Rome vne sedition en laquelle furent tués cent trente sept hommes. Pour obuier a tels inconueniens Honorius fit vne loy qui se trouue au decret en la 79. distinction, dont les mots sont. *S'il aduient que deux Euesques soyent esleus par la temerité des contendants, nous ne souffrirons point qu'aucun d'eux soit Euesque.* Et suyuant ceste loy le mesme Honorius en l'an 420. chassa de Rome Boniface & Eulalius competeurs, & peu apres y rappella Boniface.

Anastas. Platina. Liber Pontificalis, Diaconus. Theodoric Goth Roy d'Italie, enuoya Iean Euesque de Rome en Ambassade vers l'Empereur Iustinian, puis l'ayant rappelé le fit mourir en prison. Le mesme Roy enuoya a Rome Pierre Euesque d'Alrine pour examiner le procès de Symmaché Euesque de Rome accusé de plusieurs crimes.

Le Roy Theodat enuiron l'an 337. enuoya le Pape Agapet en Ambassade vers Iustinian Empereur pour faire vn traitté de paix, lequel estant mort en son Ambassade Theodatus fait Siluerius Euesque, lequel peu apres fut chassé par Belizarius Lieutenant de l'Empereur,

teur, & enuoyé en bannissement. Vigile lui succéda, qui acheta l'Episcopat de Belisarius à durs deniers : l'Empereur Iustinian le fit venir à Constantinople, où il le receut avec honneur : mais peu après, l'Empereur s'estant offensé de sa liberté en paroles, il fut battu quasi usques à la mort, & avec vne corde au col rainé par la ville, comme vn brigand, ainsi que ecrite Platine. Choses approchantes sont répétées par Nicephore au liu. 26. ch. 17.

En l'année 654, l'Empereur Constant fit lier *Platina.* e chaines le Pape Martin, & l'enuoya en ban- *Baronius* nissement à Chersona, où il mourut. En ce *Sigebert.* temps les Papes escriuans aux Empereurs, parlent par tres-humbles supplications, & disent qu'ils plient leur genouil deuant leur Majesté, qu'ils executent avec obeissance leurs commandemens. Ils payoient vingt liures d'or à l'Empereur pour leur inuestiture, comme on voit par l'authentique de Iustinian 123 ch. 3. le quel tribut l'Empereur Constantin le Barbus ascha au Pape Agathon l'an 679, comme nous auons ailleurs remarqué.

La dignité & les richesses des Papes estants accreuës par la liberalité immense de Charlemaigne & de Louys son fils, neantmoins les Empereurs d'Occident ne laisserent de faire & deffaire les Papes selon leur volonté. Le pape Adrian I. se submit volontiers à cela, & vn Concile fit passer ceste Loy, Que Charlemaigne auroit le droict & la puissance de choisir le Pape, & de gouverner le siege Romain, laquelle constitution est inserée au De-

† Notez, qu'en la
mesme di-
stinction,
le Canon de
Gregoire
IV. qui com-
mence par
Cum Ha-
drianus II
est faux &
supposé,
pource que
Gregoire
IV. a esté
Pape long
temps de-
vant Ha-
drian II.

cret Romain en la distinction 63. au Canon †
Hadrianus. Et a esté ainsi long temps pratiqué.
En l'an du Seigneur 963, l'Empereur Othon
chassa du Pape Jean XIII. & mit en sa place
Leon VIII. De mesme façon furent par les O-
thons instalez au Papat Jean XIII. Gregoire
V. & Siluestre II. En l'an 1007, Henry II. de-
posa trois Papes, Benoist IX. Siluestre III. &
& Gregoire VI. que Platine appelle *tria teterrima monstra*, trois detestables monstres. Et ainsi
s'est fait par plusieurs siecles. iusques à Gregoi-
re VII. qui a troublé tout l'Occident de guer-
res funestes, depuis lesquelles l'Empire est
toufiours allé en empirât, iusques à ce qu'il est
venu à ce poinct, Que les Empereurs ont esté
reduits à ceste subjection de receuoir du Pape
la couronne de l'Empire.

La Frâce a esté traitée avec plus de douceur.
Le premier Pape qui a voulu excommunier le
Roy de France, a esté Gregoire IV. enuiron l'ā
du Seigneur 832. Ce Pape se meslant parmy les
troubles du Royaume, se ligua avec les enfans
de Louys le Debonnaire, qui par vne meschā-
te conspiration auoient coniuéré contre leur
propre Pere, comme tesmoigne Sigebert sur
l'an 832. en ces mots, *Le Pape Gregoire venant en*
France, tenoit contre l'Empereur pour ses fils. Mais
les Annales escriptes en mesme temps, & le
continuateur d'Aimoin religieux de S. Benoist
escriuent que la resolution des Euesques de
France fut, Qu'ils ne vouloient aucunement
ceder à sa volonté, & que s'il venoit pour ex-
communier, qu'il s'en retourneroit excōmu-

Bochel de-
resorum
Ecclesie
Gallicane
lib. 2. tit.
16.

nié. Les mots du Chronique de S. Denis sont tels, *Del' Apostoile redisoit len qu'il n'estoit pour autre chose venu que pour excomménier le Roy & les Euesques, s'ils estoient de rien contraires & inobediens à luy. Mais quand les Prelats oyrent ce, ils respondirent que ia ou cas ne luy obeïroient pour eux excomménier : car l'autorité des anciens Canons sentoît tout autrement*

Depuis le Pape Nicolas I. excommunia le Roy Lothaire, (car alors on ne parloit point de deposer) pour le contraindre de quitter Vvaldrade, & reprendre Therberge. Surquoy les articles dressez par les François, & qui se peuuent voir en Hincmar, Archeuesque de Reims portent, Que les sages tiennent que cōme le Roy ne doibt estre excommunié par ses Euesques, quelque chose qu'il face, aussi ne peut-il estre iugé par les autres Euesques, pour ce que celuy-là doibt estre subject à l'Empire de Dieu seul, qui seul l'a peu establir en son Royaume. Lors aussi le Clergé de son Royaume escriuit au Pape des lettres pleines de mespris & iniures rapportées par Auentin en ses *Annal. Boiorum lib. 4.* Annal. Boiorum lib. 4.

Et quand le Pape Hadrian s'ingera de commander à Charles le Chauue, sur peine d'interdit de laisser l'entiere iouissance du Royaume de Lothaire à son fils Louys, le mesme Hincmar, homme en son temps de grande autorité, luy escriuit des lettres contenans plusieurs remonstrances sur ce subject : Entre autres choses il dit, *Que les Ecclesiastiques & seculiers du Royaume assemblez à Reims, ont dict & disent par re-*

proche, que iamais tel mandement n'auoit esté enuoyé de ce siege là à aucun de nos predecesseurs. Et peu apres, Que iamais les Pontifes du siege Apostolique, ne les autres Euesques de grande auctorité & sainteté, ne se sont soustraits de la presenée, reuerence, & allocution des Emperours & Rois Heretiques ou schismatiques & tyrans, tels qu'ont esté Constantius Arian, & Iulian l'Apostat, & Maximus le Tyran. Et peu apres, Pourtant si Monsieur l'Apostolique veut chercher la paix, qu'il la cherche en sorte qu'il n'esmeue point de querelle. Car nous ne croirons point de ne pouuoir autrement paruenir au Royaume de Dieu, si nous ne receuons pour Roy terrien celuy qu'il nous recommande. Adiouste que lesdits Euesques & Seigneurs seculiers vsent contre le Pape de menaces qu'il n'ose proferer. Quant au Roy, voicy combien il faisoit cas des mandemens du Pape. Car parmy les Epistres dudit Hincmar se trouuent des lettres dudit Charles le Chauue au Pape Adrian, ou après l'auoir accusé d'orgueil, & d'vsurpation, il adiouste, Quel enfer a vomy ceste loy à rebours, quel gouffre infernal la degorgé de ses caernes cachées & tenebreuses? tout au contraire du chemin qui nous est monstré par la S^{te} Escriture? &c. Luy defend de plus enuoyer tels mandemens à luy, ny à ses Euesques, s'il ne veut receuoir du mespris & du deshonneur.

Souz le regne de Hugues Capet & de son fils, fut par l'autorité du Roy tenu vn Concile à Reims, qui est entre les mains de to⁹, où Arnulphe, Euesque d'Orleans, parlant pour tout le Concile, appelle le Pape Antechrist, & le décrit comme vn monstre, & ce tant pour les vices du siege, qui alors estoient au comble, qu'à cause

qu'estant gaigné par presens, notamment par quelques beaux cheuaux qui luy auoient esté enuoyez, il maintenoit, contre le Roy Arnulphe Archeuesque de Reims depossédé de sa charge.

Quand Philippes I. laissa sa femme Berthe, fille du Conte de Hollande, & prit en son lieu Bertrade, femme de Fouques Conte d'Anjou, encores viuant, le Pape Urbain (bien qu'il eust vn Antipape) l'excommunia & mit son Royaume en interdit, comme recite M. le Cardinal: mais il omet deux choses qui sont principales en ceste histoire, l'une que Philippes ne fut point déposé par le Pape, dont s'ensuit que ce passage ne fait rien pour la puissance des Papes à déposer les Rois. L'autre que les censures Papales n'empescherent point que le Roy ne fust obey & recogneu Roy cōme auparauant: & que lues de Chartres tenant pour le Pape Urbain en fut puny & despouillé de ses biens, & tenu en captiuité, dont il se plaint és Epistres 19 & 20. Me sēble aussi que M. le Cardinal ne deuroit iamais parler de l'interdit d'un Royaume, pour l'honneur de son Maistre. Car quand le Pape pour chastier le Roy met le Royaume en interdit, il fait porter au peuple la peine de la faute du Roi. Car durant l'interdit, les Eglises sont fermées par tout le Royaume, & le seruice public sur sis, les cloches se taisent par tout, les Sacremens ne sōt administrez au peuple, les corps de ceux qui meurent sont laissez à l'abandon, sans les oser enterrer en terre Saincte. Qui plus est, on tient que celui qui meurt souz l'interdit, s'il n'a quelque priuilege special, est damné eternellement,

De Interdicto vide Toletū de instructione sacerdotum, ca. 53. & Synod. Lingon apud Bochelium l. 2. tit. 15.

comme mourant hors de la communion de l'Eglise. Que si l'interdit dure plusieurs ans, combien de pauvres ames dānées pour la faute d'autrui? Car que peut-mais vn pauvre peuple de ce que son Roy repudie sa femme, & s'adjoit à vne autre?

Bochel.
p. 320.

Après Philippes I. Monsieur le Cardinal prouduict Philippes Auguste, qui ayant renuoyé sa femme Engeberge, fille du Roy de Dannemark espousa Agnés, fille du Duc de Moraue, dont le Pape Innocent III. mit le Roy & le Royaume en interdit, Mais il n'auoit garde d'adiouster ce qui est rapporté par le Chronique de S. Denis, à sçauoir que deux Legats furent enuoyez par le Pape Celestin III. pour ce subject, lesquels s'estans trouuez en l'assemblée & conseil general de tous les Prelats du Royaume de France, furent faits comme vn chien qui ne peut abbayer, si que ne menerent la besongne à perfection, pource qu'ils auoient peur de leurs peaux. Comme aussi eut quelque temps depuis le Cardinal de Capouë, qui n'osa mettre le Royaume en interdit qu'apres qu'il en fut sorty, dont le Roy irrité bousa hors de leurs sieges les Prelats qui s'y estoient consenty, tollit leurs biens, &c. Ce qui est conforme à ce que recite Matthieu Paris, qui dit, qu'apres que le Pape eut par le Cardinal d'Anagnia denoncé à sa Majesté qu'il mettroit sa terre en interdit, s'il ne se reconcilioit avec le Roy d'Angleterre, que le Roy respondit qu'il ne croignoit aucunement sa sentence, puis qu'elle n'estoit fondée en aucune équité, adioutant qu'il n'appartenoit point à l'Eglise Romaine de vouloir prononcer sentence contre le Roy de France. Ce que M. Jean du Tillet, Gref-

fier en Parlement, dit auoir esté fait par le conseil des Barons de France.

L'exemple de Philippes le Bel est fort exprés. En l'année 1302, le Pape enuoya en France l'Archeuesque de Narbonne faire commandement au Roy de lascher l'Euesque de Pamiers, prisonnier pour auoir dit du Roy paroles diffamatoires, & desia ce Pape vouloit du mal à Philippes de ce qu'il s'attribuoit la collation des benefices, sur laquelle le Pape escriuit au Roy lettres de ceste teneur. *Crain Dieu, & garde ses commandemens: Nous voulons que tu sçaches que tu nous es sujet & es choses spirituelles & temporelles: Que nulle collation des benefices & prebendes ne t'appartient, que si tu as la garde de quelques-vnes qui vacquent, que tu en reserves les fructs aux successeurs. Que si tu en as octroyé, nous ordonnons que telles collations soient nulles, & autant qu'elles sont executées, de fait nous le reuoguons. Ceux qui croient autrement, nous les reputons heretiques. Vn Legat vint à Paris, portant ces belles lettres, qui luy furent arrachées par les gens du Roy, & iettées dans le feu par le Conte d'Arthois. La response de Philippes au Pape fut telle. *Philippe par la grace de Dieu, Roy des François, à Boniface, soy disant Souuerain Pontife, desire vn peu de salut, ou point du tout. Que ta tres-grande sottise sçache qu'és choses temporelles nous ne sommes sujets à personne: que la collation des Eglises & prebendes nous appartient par droit de Royauté, & de nous-en approprier les fructs pendant qu'icelles vacquent. Que les collations faites par nous, & à faire seront valides, & qu'en vertu d'icelles, nous defendrons courageusement les possesseurs. Ceux qui croient autrement nous les tenons pour fols & insensés. Le Pa-**

pe irrité excommunie le Roy, mais nul n'osa publier ceste excommunication, ny s'en rendre le porteur. Ce neantmoins le Roy assembla à Paris ses Cheualiers, Barons & Prelats, leur demanda de qui ils tenoient leurs fiefs & leur temporel Ecclesiastique. Eux respondent qu'ils le tiennent du Roy & non du Pape, lequel ils accusent d'heresie, d'homicide, & autres crimes. Cependant le Pape taschoit d'inciter l'Allemagne, & les pays bas contre la France. Mais le Roy enuoya en Italie Guillaume le Nogaret, lequel aidé du Conseil de Sciarra Colonois, prit le Pape à Anagnie, & l'ayant monté sur vne hiradelle, le fit mener captif à Rome, où il mourut de cholere & d'angoisse. Et de tout cela, le Roy eut incontinent des successeurs de Boniface des belles bulles abollissantes la memoire de tout ce faict. Comme on voit en l'Extrauagante *Mernit* de Clement V. où ce Roy est loué comme Prince pieux & religieux, & son Royaume remis au premier estat. Les gentils-hommes François estoient alors d'un autre courage que ceux qui assistoient M. le Cardinal en sa harangue, & les Prelats autrement affectionnez enuers leur Roy, que ledict S. Cardinal, lequel n'a sceu trouuer autre moyen d'esluder cet exemple, qu'en disant, que le subject de la controuerse n'estoit pas matiere d'heresie & d'apostasie. En quoy non seulement il condamne le Pape, comme n'ayant eu iuste cause de proceder contre Philippes, mais aussi deiment le Pape, qui en ses lettres accuse Philippes d'heresie. Item il dit que la question estoit que le Pape pretendoit
que

que la souueraineté temporelle de France luy appartenoit, c'est à dire que le Pape se qualifioit Roy de Frâce, ce qui ne se trouuera point. Tout ce qu'il pretendoit estoit la collation des benefices, & d'estre par dessus le Roy és choses temporelles. Ce que le Pape pretend encore, en s'attribuât la puissance de deposer le Roy. Que si le Cardinal veut dire que les François tenoiēt Boniface VIII. pour vn vsurpateur, & non comme vn Pape legitime, estant entré au Papat par fraude & simonie, il doibt nous dire qui estoit alors Pape, puis que Boniface ne l'estoit pas. Que si celuy qui entre au Papat par simonie, par brigues & presens, n'est pas Pape legitime, à peine trouuerez vous és trois siecles derniers deux Papes legitimes.

En l'an 1408. le Pape Benoist irrité de ce que Charles VI. empeschoit les exactiōs & pilleries de la Cour Papale qui espuisoient la France, enuoya en France vne bulle d'excommunication contre le Roy & ses Princes. L'Vniuersité de Paris requit que lesdites bulles fussent lacerees. Et que le Pape Benoist qu'ils appelloient Pierre de Luna fust declaré heretique & scismaticque & perturbatur de la paix. Si furent lacerees lesdites bulles par arrest de la Cour du 10. de Iuin 1408. Et dix iours apres la Cour s'estant leuee à onze heures du matin, deux bullistes porteurs de ceste excommunication firent amēde honorable sur les degrez du Palais, & puis furent ramenez au Louure en la mesme façon qu'ils auoiēt esté amenez, estans trainez en deux tombereaux, vestus de tuniques de toile peinte, ayās des mitres

*Voyez le
traicté de
Charles du
Moulin,
cōtra par-
uas Datas,
ou il rap-
porte vn
bel arrest
de la Cour,
sous Char-
les VI.
Theodoric
à Nsem, sm
Nemore
vmonis,
Traict. 6.
Et somniū
Vindary.*

de papier en teste, avec son de trompette, & risée publique. Tant on faisoit peu de cas des foudres Papales: Et qu'eust on fait si lesdites bulles eussent porté sentēce de depositiō cōtre le Roy?

Voyez NicollieCikes

En l'an 1510. l'Eglise Gallicane assemblee à Tours, fut arresté que Louys XII. pouuoit en bonne conscience mespriser les bulles abusives & censures iniustes du Pape Iules II. & s'opposer par armes à ses vsurpations, quoy que le Pape vint à l'excōmunier ou deposer. Qui plus est par vn Cōcile tenu à Pise, il le declara escheu du Papat, & fit battre des escus avec ceste inscription autour, PER DAM NOMEN BABYLONIS. Monsieur du Perron dit pour responce que les François firent cela pource qu'ils recognoissoient que la premiere origine de ceste discorde venoit de passion d'estat & non de Religion, condānant le Pape Iules pour auoir lasché ses censures pour seruir à son ambition & non à la religion: & nous enseignant tacitement que quād le Pape voudra deposer le Roy de France, les François doiuent iuger si les causes en sont iustes, & s'ils les trouuent iniustes peuuent annuler ses iugemens & eluder ses foudres.

En ceste mesme deposition fut enuéléppé Jean d'Albret Roy de Nauarre, duquel le Royaume fut donné par le Pape susdit à Ferdinand Roy d'Arragon. Que si les François eussent esté aussi peu affectionnez à leur Roy que les Nauarrois, la France eust chaggé de main, par vne sentence Papale que Monsieur le Cardinal recognoist iniuste. Laquelle sentence contre Jean d'Albret pour faire trouuer moins inique, il dit

qu'elle ne fut pas la principale cause, encores que Ferdinand ait pris ce pretexte, mais que la principale cause fut pource que Iean d'Albert auoit quitté son alliance faicte à condition que si les Rois de Nauarre la violoient, la Nauarre retourneroit aux Espagnols. Ceste condition qui ne fut iamais faite entre Rois, & est du tout improbable, ne sert à autre chose en la bouche du Cardinal qu'à persuader à son Roy qu'il n'a plus de droit en la Nauarre ny aucune iuste pretention, & qu'il est iniuste possesseur de ce qu'il possède encores du Royaume de Nauarre. Il se rend donc aduocat du Roy d'Espagne contre son Roy, qui doit à ce conte oster le tiltre de Roy de Nauarre d'entre ses tiltres, & recognoistre que tous les efforts de ses predecesseurs pour recouurer la Nauarre ont esté iniustes. Est il possible que ceste licence soit soufferte en France? En vne si celebre assemblee telles choses se disent elles impunément, sans qu'aucun s'y oppose de la part du Roy? Encores seroit-ce quelque petite excuse si cecy seruoit à son propos: Car que sert tout cela à la question presente, où il s'agit de l'vsurpation des Papes en la deposition des Rois, & de la fermeté des François à resister à ceste tyrannie? lesquelles deux choses ne sont pas moindres encores que Ferdinand ait allegué ceste raison pour se iustifier. Car c'est assez que le Pape Iule a osté le Royaume à l'un & l'a donné à l'autre. Et que les François se sont opposez là dessus au Pape, & l'ont déclaré descheu du Papat.

De ceste mesme vigueur des François à defendre la dignité de la couronne de leurs Rois

Page. 16. sont nees ces coustumes qui se sont obseruees depuis plusieurs siecles, qu'un Legat du Pape n'est point receu en France ny aucun rescrit ny mandement du Pape, sans congé du Roy, & sans que le Legat communique ses facultez au Procureur General du Roy, & qu'elles soient veües & verifiees en la Cour de Parlement, qui les modifie & restreint aux choses qui ne derogent point aux droits du Roy, libertez de l'Eglise, & ordonnances Royaux: contre laquelle ancienne forme le Cardinal Baluë estant entré en France en l'an 1484. & y faisant actes de Legat sans permission du Roy, la Cour sur la requeste du Procureur general decerna commission pour estre informé contre luy par deux Conseillers d'icelle, & luy fit inhibition & défense de plus verser d'aucune faculté & puisſance de Legat du Pape sur peine d'estre déclaré rebelle.

Bachel.

L'an 1561. le Vendredy 12. de Decembre Maître Iean Tanquerel Bachelier en Theologie fut condamné par arrest de la Cour à recognoistre publiquement que indiscretement & temerairement il auoit tenu ceste proposition, *Que le Pape est Vicaire de Christ, Monarque, ayant puissance spirituelle & seculiere, & qu'il peut priner de leurs dignitez les Princes rebelles à ses commandemens.* Si fut contraint ledit Tanquerel de faire ladicte recognoissance, quoy qu'il protestast auoir proposé cela *doctrinaliter tantum, & non iuridicè.* M. le Cardinal respond que ceste histoire n'est à propos pource que la proposition de Tanquerel ne parle point d'heresie ny d'infidelité, & moy ie dis qu'elle en parle, puis qu'elle parle de la deso-

beissance au Pape. Car ie croy qu'il ne niera pas que celuy qui contre les aduertissemens du Pape perseuere en heresie, est desobeissant au Pape. Ioint que les exemples precedens nous monstrent assez que le Pape ne souffrira iamais que sa puissance à degrader les Rois soit restreinte au cas d'heresie & infidelité.

Durāt les dernieres guerres de la ligue en l'an 1591. furent enuoyees de Rome bulles monitoriales du Pape Gregoire XIV. par lesquelles le Roy Henry IV. estoit declaré incapable de la couronne de Frâce comme heretique & relaps, & son Royaume exposé en proye. Sur cela, la Cour de parlemēt assēblee à Tours le 5. d'Aoust, furent lacerees & bruslees par la main du bourreau lesdites bulles monitoriales, & arrest donné, dont voicy la teneur. *La Cour ayant égard aux conclusions du Procureur general du Roy, a déclaré & declare les bulles monitoriales donnees à Rome le 1. de Mars 1591. nulles, abusives, seditieuses, damnales, pleines d'impicté & impostures contraires aux saintés decrets, droits, franchises, & libertez de l'Eglise Gallicane. Ordonne que les copies sceellees du seau de Marcellus Landrianus, sousignées Septilius Lamprius, seront lacerees par l'executeur de la haute iustice, & bruslees en vn feu qui pour cet effect sera allumé deuant la grande porte du Palais, &c.* En ce temps là, Monsieur du Perron estoit de ce bon party, & suiuoit son Roy contre le pape, nonobstant l'heresie pretenduë.

Tous ces exemples sont depuis les escholes de Theologie establies en France, afin de nous limiter dans le terme que Monsieur le Cardinal nous prescrit, lequel n'y va pas rondement ny

de bonne foy, quand il dit que contre la puissance du rape à deposer les Rois on obiecte trois instances, à sçauoir l'exemple de philippe le Bel, celui de Louys XII. & celui de Tanquerel: Car tant d'autres exemples que nous auons produits ne sont pas moins exprés, lesquels il a supprimees de peur de nuire à sa cause.

Mesme au plus fort de la seruitude, la France a tousiours eu quelques Theologiens qui ont condamné ceste puissance que le rape vsurpoit sur le temporel des Rois, & sur leurs courônes.

Le rape raschal II. auoit commandé à Robert Comte de Flandres de persecuter le Clergé de Liege qui tenoit pour l'Empereur Henry IV. depósé par le rape, & luy faire comme il auoit desia faict au Clergé de Cambray, que ledit Comte auoit pillé & massacré, luy promettant & à ses soldats qui feroient l'execution, la remission de leurs pechez. Mais le Clergé de Liege luy faict vne lōgue respōse, où il se plaint que l'Eglise Romaine est Babylone, dit que Dieua commandé de rendre à Cesar ce qui appartient à Cesar. Que toute ame soit suiette aux puissances superieures: Que nul n'est exempt de ce commandement. Qu'il faut garder le sermēt de fidelité, ce que ceux mesmes ne peuēt ignorer qui diuifans le Royaume, & le Sacerdoce par vn nouveau scisme, & par des traditions nouuelles, comme il plaist à quelques vns, promettent d'absoudre du crime de periure ceux qui sont periure au Roy. Et pource que le rape par opprobres les auoit excommuniez, ils disēt que le cœur de Dauid a dégorgé vn bon propos, mais que

le cœur de Paschal a vomì vne vilaine iniure, comme font les vieilles & les tisserandes : reiettent ceste excommunication comme indiscrettement prononcée. Ainsi parloient ces Clercs tant que leur Empereur viuoit, mais apres que la rebellion de son fils incité par le Pape l'eust depossédé de l'Empire, & mené à vne mort miserable, il ne faut s'estonner si pour sauuer leur vie ils ont esté contrains de demander pardon.

Hildebert du Mans qui viuoit sous Philip-
pes premier en l'epistre 75. & 40. soustient que
le Roy deuoit estre admonesté & exhorté &
non chastié, qu'il falloit y proceder par ensei-
gnement, & non par commandement, que ce
glaiue n'appartient à l'Eglise, laquelle n'a au-
tre glaiue que la discipline Ecclesiastique.

Bernard écriuant au Pape Eugene, Ceux qui di-
sent cela, ne monstreront point qu'aucun des Apostres
se soit iamais assis en qualité de Iuge ou distributeur
de terres, Je trouue bien qu'ils se sont tenns debout pour
estre iugés, mais non pour iuger. Item, Vostre puissance
est sur les crimes & non sur les possessions : c'est
pour ceux-là & non pour celles-cy que vous aués receu
le Royaume des cieux, pour en excludre les preuarica-
teurs & non les possesseurs : Et peu après : Ces choses
basses & terriennes ont pour iuges les Rois & Princes
de la terre, pourquoy eniambés-vous sur les limites
d'autrui ? pourquoy iettés-vous vostre faucille en la
moisson d'autrui ? Et ailleurs, Il est totalement
defendu aux Apostres d'estre Seigneurs. Va donc, &
i'vsurpe l'Apostolat en dominant, ou estant Aposta-
lique vsurpela domination. L'un & l'autre i'est defendu.
Si tu veux auoir tous les deux, tu perdras tous les deux.

Biblioth.
Patrum
Tom. 3.

De cōsid.
lib. 1. c. 6.

Lib. 2.
cap. 6.

Iohannes Maior Docteur de Paris. *Le Sou-
Dist. 24. uerain Pontife n'a point de domination temporelle sur
Quest. 3. les Rois. Prouue: car l'opposite estant accordé il s'en-
suivroit que les Rois sont ses vassaux. Il laisse à
iuger si celuy qui peut deposser les Rois de
tout ce qu'ils ont de temporel, n'a point de
domination sur le temporel.*

*Commēt. Luy-mesmes. Le pape n'a aucun tiltre sur les
in lib. 4. Rois de France ou d'Espagne és choses temporelles.
Sēt. Dist. Adjouste que le Pape Innocent troisième, dit
24. fol. que le Roy de France ne recognoist aucun su-
114. perieur és choses temporelles, s'excusant en-
uers vn seigneur de Montpellier qui luy de-
mandoit vne dispense pour son bastard au lieu
de s'adresser au Roy. Mais (dit-il) peut-estre
que tu me diras avec la glose, qu'il ne recognoist au-
cun superieur de fait, mais non pas de droit: Mais ie
te prouue que c'est vne glose d'Orleans qui gaste le tex-
te. Et entre-autres raisons allegue celles-cy,
que ceste opinion donne aux Papes matiere de rauer
l'Empire d'autrui, dont ils ne viendront iamais à bout,
comme nous lisons de Boniface huitième, contre Phi-
lippes le Bel. Dit que de là viennent des guerres, du-
rant lesquelles plusieurs maux se commettent, dont
aussi Gerson appelle flatteurs ceux qui soustiennent
ceste opinion. Là mesme, il nie que Zacha-
rie ait deposé Childeric. Il ne faut pas (dit-
il) prendre ce mot IL DEPOSA ausens auquel on le prend
de premier abord, mais la glose l'expose ainsi, IL DEPO-
SA (c'est à dire) il consentit avec ceux qui le deposoient.*

*De pote- Jean de Paris. Posé que Christ ait eu la puissance tem-
stite Re- porelle, toutes fois il ne l'a point commise à Pierre. Et peu
giac & Pa- après, La puissance Royale est la plus grande és choses
vols, c. 10. sem-*

temporelles, n'ayant point par dessus aucun superieur: comme le Pape n'en a point es choses spirituelles. Il dit voirement que le pape peut excommunier le Roy, mais non qu'il le puisse deposer, seulemēt il dit que la depositiō pourroit s'en ensuiure par accident, pource que par là le peuple est incité à le deposer de sa dignité seculiere. Mais aussi le mesme * Iean de Paris tient que l'Empereur peut deposer le Pape s'il abuse de sa puissance.

*Almain
de Potesta-
te Eccles.
& laica.*

Almain Docteur de Sorbonne. Il est de la nature de la puissance laïque de punir de peine civile, comme de mort, de bannissement, de prinaion de biens, mais la puissance Ecclesiastique ne peut d'institution diuine punir d'aucune telle punition, mesme ne peut pas emprisonner, comme il plaist à quelques Docteurs, mais s'estend à la seule peine spirituelle comme est l'excommunication, les autres sont de droit purement positif. Si la puissance Ecclesiastique n'a point de droict diuin la puissance de priuer aucun de ses biens, comment est ce que le pape & ses flateurs osent fonder sur la parole de Dieu la puissance de priuer les Rois de leurs Royaumes.

*quest. 2.
cap. 8.
De Domi-
nio natu-
rali, civilis
& Eccle-
siastico
vltima
pars.*

Luy mesme en vn autre lieu. Posé que Constantin eust eu la puissance de donner au Pape l'Empire, si est ce que de cela on ne peut inferer que le Pape ait autorité sur le Royaume de France, pource qu'il n'estoit suier à Constantin, car le Roy de France n'a iamais eu aucun superieur es choses temporelles. Et peu apres: Il ne se trouue en aucun endroit que Dieu ait donné au Pape la puissance d'instituer & destituer les Rois temporels.

*Quest. 1.
De pote-
state Ec-
clesiastica,
& laica,
cap. 12.
cap. 13.*

Ailleurs il soustient que Zacharie n'a point deposé Childeric, mais a seulement consenty qu'on le peust deposer, & sic non deposuit auctorita-

*Quest. 2.
c. 8.*

Quest. 3.
c. 2.

riue. Et au mesme liure parlant apres apres Okam qu'il appelle le Docteur: *L'Empereur est Seigneur du Pape és choses temporelles, & le Pape l'appelle son Seigneur comme porte le texte, 11. q. can. Sacerdotibus.* Ces paroles & plusieurs semblables du Docteur Almain ont esté dissimulees, & teuës par M. le Cardinal: qui s'est contenté de produire Almain citant Okam, au lieu de l'alleguer és passages esquels il parle de soy-mesme, & selon son opinion: Qui est vn trait de soupplisse fort notable: Car il n'y aura heresie que ie ne puisse attribuer à Sainct Augustin ou à S. Hierosme si ie tiens qu'ils approuuent toutes les sentences qu'ils alleguent d'autrui.

C'est pourquoy il n'allegue pas les passages entiers, ains rogne & escourtez: Il fait cela dès le premier passage, lequel il tronque, taisant les mots qu'Almain adioust pour y contredire, Car Almain adioust, *combien que les autres Docteurs le nient, & enseignent que le Pape a seulement la puissance de declarer que le Prince doit estre depose.* Ce qui appert parce que cela donneroit occasion au Pape à cause de ceste puissance de s'esleuer en vn grand orgueil, & ceste plenitude de puissance seroit fort dommageable aux suiets, &c.

Quest. 2.

Depotesta
te Ecclesia

stica &

l. 1. c. 12.

Inc. 9. 10.

• 11.

par le mesme Almain est rapportee l'opinion d'Okam en termes qui decident la question, & où il la ioint avec la sienne: *L'opinion (dit-il) du Docteur est simplement plus probable, que ny par excommunication ny par aucun autre moyen, le Pape ne peut deposer vn Prince de sa dignité Imperiale & Royale.* Et peu auparauant apres auoir soustenu que le pape n'a point transporté l'Empire des Grecs

aux Alemans, & que le pape couronnant l'Empereur ne luy confere point l'Empire, non plus que l'Archeuesque de Reims couronnât le Roy de France ne luy donne point le Royaume, il conclud ainsi selon l'opinion d'Ocam, *Je nie que l'Empereur soit tenu de prester serment de fidelité au Pape, ains au contraire le Pape tenant des possessions est obligé à prester serment de fidelité à l'Empereur à cause de ses possessions, & à luy payer tribut.* Le mesme Ocam rapporté par Almain soustient que le pape recognoissoit Iustinian pour son superieur és choses temporelles, puis que Iustinian a fait des loix que le Pape est obligé de garder, notamment la loy de la prescription de cent ans qui court contre le Pontife Romain. Et afin qu'on voye clairement combien l'opinion d'Ocam est esloignée de celle de Monsieur le Cardinal, lequel sur la fin de sa harangue exhorte ses auditeurs à ne dissenter point d'avec le Pape, voicy les paroles d'Ocam rapportées par Almain. *Le Docteur Ocam soulde des argumens du Pape Innocent par lesquelles il taschoit de prouver par les paroles de Christ, Tout ce que tu lieras, &c. que la plénitude de puissance laic. és choses temporelles convient au souverain Pontife. Car Innocent dit que ce mot, TOUT CE QUE, n'excepte rien. Mais Ocam soulde l'autorité d'Innocent, disant que non seulement elle est fausse, mais aussi heretique: & qu'Innocent dit plusieurs choses qui sentent l'heresie, &c.*

Avec encore moins de fidelité Monsieur le Cardinal nous allegue deux passages de la somme de Thomas. Le premier est en la seconde partie de la seconde: Question 10. Art. 10. au corps de l'article, lequel quiconques confide-

Lib de potestate Eccl. c. 1. & Quest. 1. cap. 14.

Page. 40.

rera de pres , trouuera que Thomas ne parle point de la suiecttion des suiets fideles souz des Rois infidelles , comme pretend le Cardinal , mais des seruiteurs fideles sous vn maistre Iuif ou infidele : comme quand vn Iuif a des seruiteurs Chrestiens , ou quand il y auoit des fideles entre les domestiques de Cesar , lesquels il considere non comme suiets de l'Empire , mais comme seruiteurs domestiques. L'autre passage est pris de la question 11. art. 2. au corps de l'article , où il ne se trouue rien de ce qu'il allegue.

Page. 44.

Il ameine Gerson avec semblable fidelité , lequel voirement au liure de la puissance Ecclesiastique en la consideration 12. dit , *Que quand l'abus de la puissance seculiere redonde en vne manifeste impugnation de la foy , & blasphemie du Createur , alors il faut se souuenir de la derniere particule de ceste douiefme consideration , à sçauoir qu'en ce cas là , la puissance Ecclesiastique à quelque domination regitiue , directiue , regulatiue , & ordinatiue : ce sont ses mots , qui ne parlent point de deposition de Rois , ny de puissance coercitiue : car ce gouuernement & reiglement dont il parle s'exerce par censures Ecclesiastiques & excommunications , & non par priuation de biens , Royaumes ou Empires : ce passage donc est tiré à contresens par Monsieur le Cardinal : lequel aussi ne deuoit omettre que quand il est question de la suiecttion des Rois és choses temporelles ou dependance de leurs couronnes de la puissance Papale , il excepte toujours le Roy de France : tesmoing ce qu'il dit peu auparauant le passage que le Cardinal allegue. Il ne faut pas maintenant apres le temps de Pierre*

que toute puissance Imperiale & Royale ou autre seculiere tire immediatement sa force du souverain Pontife. Comme le Roy de France tres-Chrestien n'a aucun superieur en ceste façon & n'en recognoist point en terre. Or il ne faut point estre fort subtil pour comprendre que la Couronne de France dépend du Pape, si le Pape peut donner ou oster pour quelque cause ou occasion que ce soit.

Et puis que nous sommes sur Gerson, ie veux aussi examiner les allegations que M. le Cardinal sur la fin de sa Harangue tire du mesme Gerson en l'oraison à Charles sixième, pour l'Université de Paris, où il luy fait dire *que tuer un Tyran est un sacrifice agreable à Dieu.* Où faut noter que ce n'est point Gerson qui parle ainsi, mais la sedition qu'il introduit parlante, desquels propos de la sedition & d'autres semblables voicy le iugement qu'il en fait. *A ceste voix surieuse de la sedition ie desfournois ma face comme si i'eusse esté mort, monstrant que ie ne pouvois plus supporter sa rage: & de fait après que la dissimulation d'une part & la sedition de l'autre eurent suggeré choses contraires, il fait parler la discretion comme iuge, tenant la mediocrité & disant les choses que M. le Cardinal allegue contre soy-mesme. Si le chef (dit-il) ou quelque autre membre de la Republique enouroit un tel inconuenient qu'il voulust aualler le venin mortel de la tyrannie, chaque membre en son lieu s'y deuroit opposer de tout son pouuoir par les moyes expedients, & tels qu'il ne s'ensuiuiſt pas pis. Car il n'est pas à propos si la teste est affligée d'une petite douleur que la main la frappe, attendu que cela seroit folie, ny ne la faut pas couper ou separer incontinent*

Pag. 108.
109. &
110. où M.
le Cardinal
prend Charles
les septième,
pour Charles
sixième.

d'auec le corps, mais la medecine doncement tant par bonnes paroles qu'autrement, à l'exemple des prudens medecins. Il n'y auoit rien plus cruel ny plus déraisonnable que de vouloir exclurre la tyrannie par vne sedition. Ces paroles me sèblent fort expressees contre les meurtres des Rois Tyrās. Et quād peu après il parle d'expulser la tyrānie, il ne parle pas pour cela d'expulser le Tyrā, mais biē d'oster la tyrannie. Pourtant aussi il veut que les remedes viennent non du Pape dégradant vn Roy, mais des Philosophes, Iuriconsultes, Theologiens, & gens de bonne vie. De tout ce que nous auons dit appert que quād en la cōsideratiō 7. cōtre les flatteurs, il dit que quand le Prince poursuit ses suets manifestement & avec obstination en inuie & de fait, alors ceste reigle naturelle, il est licite de repousser la force, par la force, & ceste sentence de Seneque on ne peut immoler victime plus agreable à Dieu qu'un Tyran, ont lieu: que ces mots ONT LIEV doiuent estre entendus selon qu'il auoit dit en vn autre lieu, à sçauoir entre les seditieux. Ou bien que ces mots, ONT LIEV signifient seulement se practiquent, sans y apporter son iugement.

Il ne deuoit obmettre Sigebert, lequel peut auec plus de raison estre appelé François que Thomas & Okam, qu'il nous baille pour François. Iceluy en son Chronique sur l'an 1088. parlant de la deposition de l'Empereur par le Pape dit ainsi. Ceste heresie n'estoit encores nec au monde que les Prestres de celuy qui appelle le Roy Apostat, & qui faict regner vn hypocrite à cause des pechez du peuple, enseignassent le peuple qu'il ne doit aucune suiettion aux mauvais Rois, & qu'il ne doit aucune fidelité,

quoy qu'il luy ait presté serment de fidelité.

Après que Monsieur le Cardinal s'est ainsi pourmené par les histoires des derniers siècles, qui quand elles seroient toutes pour luy sont de nulle autorité, au lieu de s'enquerir de la volonté de Dieu en sa parole, & produire des exemples de l'ancienne Eglise, en fin il sort de ses allegations & veut prevenir les obiections.

Pour ce faire il fait parler ainsi les défenseurs de la Couronne des Rois. *Mais (repliquera-
on) les Papes peuvent imputer aux Rois, ou par pas-
sion, ou par mauvaise information, qu'ils sont Hereti-
ques ou Apostats de la Religion Chrestienne encore
qu'ils ne le soient pas. Sa réponse pour les depo-
seurs de Rois est, qu'ils entendent parler d'une He-
resie notoire & condamnée par sentence precedente de
l'Eglise. Item, que si le Pape erre en fait, le Clergé se
doit joindre avec le Roy, & faire des remonstrances
au Pape, & demander que la chose soit jugée, l'Eglise
Gallicane présentée en plein Concile. En quoy le
Cardinal ne s'accorde point avec Bellarmin, Aduers.
qui tient que si vn Prince est iniustement con- Barklaish.
damné par le Pape, il doit neantmoins quitter
son Royaume, & que la sentence iniuste du Pa-
steur ne luy sera point nuisible, pourueu qu'il
cede & obeisse, en attendant que le Pape reco-
gnoisse son erreur. Auquel cas faut presuppo-
ser que celui qui s'est emparé de son Royau-
me, le quittera incontinent à la sollicitation
de sa Sainteté, & que durant ce temps, le Prin-
ce iniustement déposé ne sera point tué. Mais
il ne plaist pas à Monsieur le Cardinal du Per-
ron d'octroyer tant au Pape, car il ne veut pas
au cas que le Roy soit iniustement déposé par*

Page 52 &
suivantes.

Aduers.
Barklaish.

le Pape mal informé, que le Royaume obeïsse au Pape, ains luy face des remonstrances, & que la chose soit renuoyée au Concile: Mettant par ce moyen le Concile au dessus du Pape: Ce que le pape ne luy accordera pas. Or ce Concile sans doute doit estre vniuersel, auquel les Euesques François ne pourroient estre iuges, puis qu'ils plaident la cause de leur Roy: dont aussi Monsieur le Cardinal veut seulement quel'Eglise Gallicane y soit presente. Par ce moyen des Euesques Italiens, Espagnols, Siliens, Flamans, &c. suiets de Souuerains qui souuent ont des inimitiés cõtre la France, serõr iuges si la France doit chasser son Roy, & si elle doit mettre du trouble dedans le Royaume. Mais n'est-il pas possible qu'un Roy ne soit pas aimé de ses suiets, & qu'ils prennent là-dessus occasion de le molester? Ne peut-il pas aduenir que les calomnies qui auront trompé le Pape trompent aussi la moitié de son peuple? N'est-il pas possible qu'une partie du peuple adhère au Pape, & l'autre tienne pour son Roy, & qu'ainsi la guerre ciuile s'allume? N'est-il pas possible que le Pape n'acquiesce pas aux remonstrances des François? Et puis qu'un Concile general ne peut estre tenu en l'Eglise Romaine sãs que le Pape le conuoque, est-il croyable que le Pape vueille cõuoquer un Concile, pour y estre iugé? Et comment pourra le Pape presider en un Concile où il est partie, & où il est question d'examiner la iustice de sa sentence? Et cependant durant toutes ces remonstrances & acheminemens de Concile, voila la Royauté du Roy qui

demeure en suspens, & remise au iugement du Concile, lesquels'il est deux ou trois ans a s'assembler & dure dixneuf ans, comme a fait le Concile de Trente, voila la pauvre France en bel estat. Bref tout ce que dit le Sieur Cardinal est plein non seulement d'impossibilité mais aussi de moquerie: Laquelle est toute euidente en ce qu'il adiouste. *Que si le Pape estant trompé au fait declare le Roy heretique precipitamment & iniustement, la declaration du Pape ne peut estre suivie de la deposition actuelle, que le Royaume ny consente* Qu'estoit il besoing de nous aduertir de cela? qui ne sçait qu'un Roy ne peut estre actuellement & en effect déposé de son Royaume, pendant que le Royaume le maintient? Parler ainsi c'est dire qu'il ne peut estre priué de sa Couronne pendant qu'il la garde, qu'il ne peut estre mis a nud pendant qu'il est vestu. Qu'il ne sera iamais déposé pendant qu'il est le plus fort: bref qu'il sera tousiours Roy pendant qu'il aura le Royaume, Cependant notez bien ces mots du Cardinal, *que pour deposer un Roy il faut auoir le consentement de leur peuple*, Car ces paroles mettent le peuple par dessus le Roy & le font iuge de la deposition du Roy.

Voicy bien plus: car les Papes mesmes reco-
 gnoissent qu'ils peuuent errer en la foy. Et y a eu
 des Papes qui ont condamné le Pape Honorius
 pour auoir esté Monothelite. saint Hierosme,
 saint Hilaire, saint Athanase tesmoignent que
 Liberius a fieschi & souscrit a l'Arianisme. Iehan
 XXIII. a esté condamné au Concile de Constance
 pour auoir soustenu qu'il n'y a ny Paradis ny en-
 fer, & ainsi plusieurs autres Papes. Si donc quel-

*Can Si Pa-
 pa, Dist. 40
 Nisi sit à fide
 deuine.*

*Omnia iura
in scrinio
pectoris.*

que Pape heretique deposoit pour heresie vn Roy Orthodoxe, cuidoés vous que luy qui se vante d'auoir tout le droict dans le coffret de son estomach voulust acquiescer aux remonstrances des François? ou comme pourra estre iuge de l'heresie en vn Roy celuy qui luy mesme peut deuenir heretique? On dit là dessus qu'il peut errer comme homme & non comme Pape, mais en ce cas pourquoy le Pape n'instruit-il l'homme? ou pourquoy l'homme ne demande il instruction au Pape? ioint que si vn Roy est depose par l'homme: ou par le Pape il est tousiours depose. D'autres disent qu'il peut errer en la question de fait, mais non en la question de droit. Abus. Car s'il peut ignorer si I E S V S - C H R I S T est mort pour nous, il peut aussi ignorer s'il faut se fier en sa mort. Les Anciens Prophetes inspirez de Dieu a faire des remonstrances aux Roys de Iuda & d'Israel n'erroyent non plus au faict qu'au droit, & estoient autant esloignés d'estre en ce point abusés par calomnie, que d'estre seduits en la doctrine. Comme ils n'erroyent point en la foy, aussi ne tansoient-ils point les innocens. Et c'eust alors esté vne belle chose, de dire qu'ils pouuoient estre heretiques comme Esaye ou Daniel, mais non comme Prophetes: car en ce cas, sans doubte, Esaye eust demandé conseil au Prophete, c'est a dire, a soy mesmes. Bref si les Roys ne sont Roys que iusques à ce que le Pape les ait iugés heretiques & deposeés, ils courent danger d'estre fort malingés. Et leur plus seur sera de ne rien scauoir du tout, & de croire par procureur, de peur de deuenir heretiques en parlant de Dieu, ou

s'enquerant de la religion.

Tous les exēples que M. le Cardinal allegue en suite sont nouveaux & legers & du temps de la feruitude, & ou les Papes mesmes sont tesmoings en leur propre cause. Encores ne parlent ils point de deposition, mais d'excommunication & interdit, qui n'est pas ce dont ils s'agit. C'est pourquoy il dit souuent qu'il ne parle que du fait, comme recognoissant qu'il n'a point de droit : il rapporte ce qui s'est fait, mais non pas ce qu'il falloit faire. Cela est ne rien enseigner.

Examen du deuxiesme inconuenient.

LE deuxiesme inconuenient qui arriueroit (au iugement du Sieur. Cardinal) si l'article du tiers estat estoit receu, est que les *Laiques auroient* Pag. 86.
authorité de iuger des choses de la Religio & decider que la doctrine que l'article contient est conforme a la parole de Dieu, & mesme auroit pouuoir d'imposer necessité aux Ecclesiastiques, de iurer, prescher & enseigner l'une des opinions & impugner par sermons & par escrits l'autre. Ce qu'il exaggere par termes ampoullés, iusques a dire, O opprobre, O scandale, O porte ouuerte a toutes sortes d'heresies ? Il ralsche donc a rendre ceste vsurpation des Laiques odieuse & par raisons, & par passages de l'Escripture. En quoy il se traueille en vain & presuppose ce qui n'est pas. Car en cet article le tiers estat s'est comporté non comme iuge, mais comme requerant, voulant seulement que cet article fut mis sur le cayer pour estre présenté

au Roy & a son Conseil , auquel ils en remettoient le iugement , esperans que le Clergé & la Noblesse se ioindroyent a leur demande. Ils n'estoyent pas si ignorans en leurs charges que de croire que ce que le tiers estat propose puisse auoir vertu de loy pendant que les deux autres ordres s'y opposent , & que le Roy n'y consent pas. Ioinct qu'ils n'ont pas proposé cet article comme vn point de doctrine en la Religion , mais pour estre desormais vne loy fondamentale en l'Estat, le soing duquel leur estoit commis. Que si le Roy eust agréé ledit article , & eust commandé aux Ecclesiastiques de s'employer a l'exécution du contenu , leur deuoir eust esté d'obeir au Roy comme subjets , obligés de luy ayder és choses qui peuuent seruir a la seureté de sa vie & à la paix de son Royaume. Et en ce faisant ils n'obeiroient pas au tiers estat, mais au Roy qui leur auroit fait ce commandement a la suggestion de ses fideles seruiteurs, que la negligence du Clergé a rendu vigilans, lequel ils voyent lié au Pape par vn lien plus estroit qu'il ne l'est a son Roy. Le Cardinal donc meut icy vne question qui n'est pas : mais selon sa dexterité accoustumée il fait cecy pour faire la leçon au Roy avec plus de liberté, feignant de parler au tiers Estat , mais en effect parlant au Roy & aux Princes & Seigneurs de son Conseil , qui sont compris par luy sous le nom de Laïques , & desquels le Clergé apprehendoit bien plus le iugement que celuy du tiers Estat. Ce sont ceux la qu'il fait vsurpateurs & ouurans la porte aux heresies : car si ce n'est qu'aux clers & a leur chef d'estre iuges en ceste matiere, le Roy &

les Princces & la Noblesse en sont aussi bien exclus que le tiers Estar.

Il fait donc pleuvoir vne gresle de passages de l'Ecriture qui commandent au peuple de respecter les Pasteurs : Comme si ces passages empeschoient la vigilance du peuple à conseruer la vie & la Couronne de son Prince, contre les attentats de personnes incitees par les Ecclesiastiques qui ont leur chef hors du Royaume, & qui se tiennēt n'estre point suiets du Roy : ce que ne disoyent point les sacrificateurs & Prelats dōt il est parlé es passages qu'il allegue. Il allegue aussi Constantin qui refusa de iuger des causes des Euesques : & Valentinian qui reiettant le iugement des subtiles questios de Theologie, *disoit ne vouloir s'attribuer la curiosité de ces recherches.* Comme si pouruoir à la seureté du Roy estoit vne cause d'Euesques, ou vne curieuse subtilité. La mesme respōse sert a tous les passages des Peres qu'il produit : entre lesquels celui de Greg. de Nazianze en l'oraison aux citoyens de sa ville angouissēs, est peu fidellemēt alleguē; ou Greg. parlant nō point à l'Empereur, mais au præfect & Lieutenant de l'Empereur, dit ἀρχομεν καὶ οὗτοι nous auōs cōmādemēt ou principauté aussi biē que vous. Mais mōsieur le Cardinal tourne, nous sommes aussi Empereurs nous autres : ce qui ne peut estre ainsi interpreté, tāt pource que celui auquel il parloit n'estoit point Empereur, que pource que ceste parole eust esté trop outrecuidee de ce qualifier soy-mesme Empereur n'estāt alors qu'Euesque d'une petite ville. Car quāt à la sujectiō aux Empereurs, vn peu auparauāt il se recognoist avec

ὁ ποταμὸς
φάρυ.

Vide Ca-
nones Gra-
ecos à Tilo-
nede.

son peuple estre suieſt aux puiffances ſuperieures, iuſques à leur payer tribut. L'hiſtoire de ſa vie miſe deuant ſes œuvres teſmoigne que les Ariens le trainerent deuant le ſiege iudicial du Conſul, d'ôſt il fut renuoyé absous ſans eſtre battu ny outragé, & au bout voicy vn Prelat qui veut que ce Gre- goire ſe vante d'eſtre Empereur. Or eſt-il vray que les Empereurs ne ſe ſont iamais vantez d'eſtre ſouuerains iuges des points de la foy & doctrine, ſi eſt-ce toutesfois qu'ils prenoyent cognoiſſance des deciſions & reiglemens des Conciles & de la diſcipline de l'Egliſe. Le tiltre du premier Con- cile de Conſtantinople eſt tel. *Propos du ſainct Sy- node au tres-religieux Empereur Theodoſe le Grand, auquel ils ont aſſuietti les Canons qu'ils ont drefſez.* Là meſme ils demandent à l'Empereur confirmation & approbation du Concile. Meſ- mes choſes ſont dictes par le Concile de Trulle, ou ont eſté drefſez des Canons du Cinquieme & Si- xieme Conciles. Non pas que les Empereurs s'at- tribuaſſent d'eſtre iuges infaillibles de la doctrine. Mais cela ce faiſoit pour voir ſi és deliberations des Eueſques (qui ſont auſſi bien picqués d'ambi- tion que les autres) il n'y auoit rien contre ſon ſer- uice, ny contre le repos de la republique, ny cōtre les deciſions des Cōciles precedens, deſquelles cho- ſes oſter la cognoiſſance au Roy, c'eſt le trāsformer en ſtatue, & ne vouloir pas qu'il ait ſoin de foy- meſme: & le reduire a eſtre ſeulement bourreau & executeur de la volonte des Eccleſiaſtiques, ſans auoir aucune cognoiſſance non pas meſme des choſes qui le concernent.

Je confeſſe biē que c'eſt vn point de Theologie,

que de iuger de l'estendue de la puissance des clefs, & que les clerics peuuent & doiuent vsfer de leurs censures contre les Princes qui contre leur serment font la guerre a I E S V S - C H R I S T, sans prendre en cela les Laics pour iuges. Mais cela n'empesche point que les Clerics ne puissent estendre la puissance de leurs clefs plus loing qu'ils ne doiuent, & que quand ils s'en voudront seruir pour tollir au peuple son bien, ou au Prince la couronne, le peuple & le Prince ne doiuent penser a la conseruation de leur bien: & demander aux clerics qu'ils produisent leurs tiltres, & qu'ils monstrent par l'Ecriture que Dieu leur ait donné ceste puissance. Car laisser le Pape estre iuge absolu de ceste matiere ou il est partie, & qui est le plus haut & le plus glorieux point de sa domination, a sçauoir de disposer des couronnes des Roys, c'est reduire les Roys a l'impossibilité de gaigner leur cause.

Je confesse aussi que quand vn Prince commande quelque chose directement contre la parole de Dieu, & qui tend a la subuersion de l'Eglise, que les clerics en ce cas ne doiuent pas seulement dispenser le peuple de luy obeir, mais mesme le luy defendre expressement, car il vult tousiours mieux obeir a Dieu qu'aux hommes: & neantmoins les exhorter a obeir a ce mesme Prince en toute autre chose qui ne sera point contre Dieu, les destournant de reuolte & sedition. Ainsi faisoient les anciens Chrestiens sous les Empereurs payens: le zele & la patience desquels a plus donné d'accroissement a l'Eglise, que Papisme n'en prendra iamais par degradations de Roys, par

interdiction de Royaumes, par assassins, par mines de poudre à canon.

Pag. 66.

Les passages de l'Ecriture qu'il allegue en suite pour ceux qui maintiennent la puissance du Pape a deposer les Roys sont allegués aussi fidellement que les precedens. *Ils alleguent (dit-il) que Samuel deposa Saul, ou le declara depose, pource qu'il auoit violé les Loix de la religion Indaique.* Ailleurs il dit qu'il fut depose pour auoir voulu vsurper la Sacrificature. Tout cela faux & contre l'Ecriture. Car iamais Saül ne fut depose au sens que le mot de *deposer* est pris en ceste question, à sçauoir pour despouiller vn Roy de sa dignité Royale & le reduire a vne condition priuée : ains il continua iusques a la mort a estre Roy, & est appellé Roy en l'Ecriture iusques a la fin de sa vie, mesme par Dauid, auquel Dieu auoit promis le Royaume. Que si Samuel l'eust actuellement depose par le commandement de Dieu, toute l'Eglise d'Israel eust mal fait de le reconnoistre encores pour son Roy, & Samuel notifiant au peuple l'ordonnance de Dieu luy eust defendu de le tenir plus pour Roy d'Israel. Et Dauid n'eust point esté retenu de le tuer par ceste consideration, pource qu'il estoit l'oinct de l'Eternel. Que si des l'instant auquel Samuel luy notifia que Dieu l'auoit reietté pour n'estre plus Roy il eust cessé d'estre Roy, il eust falu que Dauid eust alors commencé a estre Roy, de peur que le Royaume ne demeurast sans Roy, dont s'ensuiuroit que l'escriture auroit erré commençant a conter les années de son regne depuis la mort de Saul. Vray est que dieu au 2. de Samuel chapitre quinze

luy

1. Sam. 23.

ver. 20. &

24. vers.

15. 2. Sam.

2. v. 5.

1 Sam. 26.

1.

luy denonce que Dieu l'auoit reietté pour n'estre plus Roy sur Israel, mais l'execution de ceste sentence ne fut qu'au iour que Dieu le frappa à mort, & executa sur luy vn iugement exemplaire. Dont appert que l'Onction de Dauid par Samuel estoit *1. Sam. 16.* vne promesse de Dieu & vne declaration du choix que Dieu faisoit de luy, & non vn establissement au Royaume: en mesme façon qu'au premier des Roys, chapitre 19. Dieu commande à Elie d'oindre Hazaël Roy de Syrie: Car personne n'est si ignorant en l'histoire de croire que les Prophetes d'Israel consacraient ou establisent les Roys de Syrie. *2. Sam. 24.* C'est pourquoy Dauid ne laissa point d'estre oinct de nouveau quand il fut actuellement establi au Royaume.

Item il leur fait dire, *Que le Prophete Ahia deposa Roboam du droit Royal qu'il auoit sur les dix lignees du peuple d'Israel, pource que son Pere Salomon auoit apostasié de la Loy de Dieu:* Ce qui aussi est faux: car il ne se trouue point qu'Ahia ait parlé à Roboam ny qu'il luy ait rien annoncé de la part de Dieu: & le passage du troisieme des Roys chapitre onzieme que monsieur le Cardinal cite n'est point du temps du regne de Roboam, ains du temps de Salomon: & est vne Prophetie & non vne sentence de deposition. Car comment eust il peu déposer Roboam du Royaume auant qu'il fust Roy? Le pis est qu'alleguer ce passage pour exemple d'une iuste sentence de deposition d'un Roy: c'est approuuer la desloyauté d'un seruiteur contre son maistre, & la rebellion de Ieroboam, qui est proposé en l'Ecriture pour exemple de meschanceté.

L'exemple qu'il adiouste est de mesme, a sçauoir

1. Roy. 19. que le Prophete Helie deposa Achab pource qu'il embrassoit la Religion des faux Dieux. Cela faux: Achab a eité Roy iusques à la mort: l'Ecriture qui ne parle point selon l'opinion des hommes, mais selon la verité, cōte les années du regne d'Achab iusqu'à sa mort. Les prædictions de la ruyne d'un Roy ne sont pas sentences de deposition. Elie ne declara iamais aux subiects d'Achab qu'ils estoient absous du serment de fidelité: il n'establit iamais vn autre Roy en la place d'Achab.

Pag. 68. Faux aussi ce qu'il dit peu apres, assauoir que le Sacrificateur Azarias ait chassé le Roy Ozias de la conuersation du peuple, dont l'administration du Royaume luy fut ostée. Car Dieul'ayant frappé de lepre, il se retira à l'escart de peur d'infecter les siens. Le Sacrificateur ne prononça contre luy aucune sentence de deposition ni de suspension d'administration: Ains l'Ecriture conte les iours de son regne iusqu'à sa mort. Que si le Sacrificateur le iugea immunde selon la loy du 13. du Leuitique, il le iugea comme malade & non comme criminel & deposable: car la Loy ne punit point les maladies, mais les crimes. Iosephe la dessus disant qu'Ozias vescu vne vie particuliere n'entend pas qu'il fust déposé, mais qu'il se deschargea du loin des affaires.

Antiquit.
lib. 9. cap.

II.

Pag. 69.

L'exemple de Matathias incitant les Iuifs à se rebeller contre Antiochus ne vaut pas mieux. Car il n'y a nulle sentence de deposition, ains vn souleuement d'un peuple oppressé. Se rendre chef d'une conspiration contre vn Roy, n'est pas prendre la charge de iuge pour degrader le Roy, de laquelle Matathias se rendit chef, non en qualité de Sacrificateur, mais de chef de

guerre & d'homme le plus qualifié entre le peuple. Les choses faites par la violence subite d'une populasse ne doiuent estre prises pour loix, ny pour preuues d'une puissance ordinaire, telle que le Pape s'attribue.

Telles sont nos responses. & non celles que M. le Cardinal nous fournit afin de s'égayer a refute, ce que luy mesme nous fait dire. Dont il ne nous est necessaire de refuter ce qu'il dit de la missiō ordinaire du nouveau Testament, ny de la lepre, & des pierres, & des flocons de laine, trouuant par vn artifice exquis en la laderie & en la galle des preuues pour assujettir au Pape les couronnes des Roys, pource que l'heresie est vne lepre, ce qui se peut aussi dire de tout vice contagieux & inueteré. C'est donc avec raison qu'il declare qu'il ne pretend rien traiter resolutiuelement, puis que sur de si foibles preuues vne resolution est mal fondée.

Ces objections renuersées, voyons si les nostres n'ont pas plus de force que les siennes, Voicy donc ce qu'il nous fait dire. *Ceux (dit il) qui tiennent la partie negative disent que Sainct Paul escrit, Que toute ame soit sujette aux puissances superieures. Car qui resiste aux puissances resiste a l'ordre institué de Dieu. Et Sainct Pierre escrit, Soyex sujets, soit au Roy comme au plus excellent, soit aux gouverneurs, & de la inferent que l'obeyssance aux Roys est de droict diuin, & donc ne peut receuoir de dispense par aucune autorité ny spirituelle, ny temporelle, voila ce qu'il nous fait dire. Mais il tait ce qui est le plus fort, asçauoir que les Empereurs dont parlent ces saints Apostres estoient payens & infideles & horribles Tyrans, & que*

neantmoins est commandé a toute ame, donc aussi a l'Euesque de Rome, de leur estre sujet, comme dit Chrysostome en l'homilie 23. sur l'Epistre aux Romains. *Il fait ce commandement a tous, & aux pres-
tres & aux solitaires, & non seulement aux seculiers, quand
tu serois Apostre, quand tu serois Euangeliste, quand
tu serois Prophete, ou quique ce puisse estre.* Est aussi a
noter que cela estant vne reigle generale qui ob-
lige tous fideles, ce neantmoins sainct Paul l'ad-
resse particulièrement a l'Eglise Romaine, com-
me preuoyant que de la deuoit sourdre & naistre
la rebellion contre les Princes : De laquelle si
le chef a quelque priuilege contenu en la parole
de Dieu qui l'exempte de ceste reigle, c'estoit au
Cardinal de le produire en l'assemblée qui atten-
doit cela de luy. Mais au lieu de cela il dit que ce
passage ne touche aucunement le nœud de la con-
trouerse. Car (dit il) *la question n'est pas s'il est de droit
diuin d'obeir aux Roys pendant qu'ils sont Roys, ou re-
cogneu pour Roys, mais la question est s'il est de droit di-
uin que celuy qui a esté vne fois recogneu pour Roy par le
corps de l'estat ne puisse cesser d'estre, c'est a dire qu'il ne
puisse commettre chose pour laquelle il luy arriue de dé-
choir de ses droits & cesser d'estre recogneu Roy.* Ceste
response est l'eschappatoire des Iesuites, qui ne
trouuent pas bon qu'on tue vn Roy : mais trou-
uent bon qu'on face qu'il ne soit plus Roy & puis
qu'on le tue, car tuer vn Roy déposé n'est pas tuer
vn Roy. Encores a ceste heure en auons nous vn
en prison qui tient ce langage & soustient
ceste doctrine. Ainsi le Cardinal veut qu'on
soit subiect au Roy pendant qu'il est Roy,
mais veut que le Pape face qu'il ne soit plus Roy : le

respons donc que de vray ces passages de S. Paul & de S. Pierre ne toucheroient point a la question si la question estoit telle qu'il la faiët. Mais ce n'est nullement la question, a sçauoir si vn Roy peut faire chose par laquelle il dechoye de son droict ou ne soit recogneu pour Roy. Car nostre question est touchant la puissance du Pape a deposer les Roys, & la question qu'il nous forge ne parle point du Pape. Car quand mesme nous serions d'accord qu'un Roy electif pourroit dechoir de son Royaume, si est-ce que la question demeureroit, si c'est au Pape de le deposer, & si c'est au Pape de luy oster ce qu'il ne luy a point donné. Et en quel endroit de la parole de Dieu ceste puissance luy est donnee.

Mais le Cardinal se defend & dit que *cōme il est dit que toute ame est sujette aux puissances superieures, aussi est il dit obéisseZ a vos Prelats, & leur soyez subiects car ils ueillent pour vos ames, comme ceux qui en rendront compte,* Ceste raison est sans raison, & cōtre luy mesme: car on peut obeyr aux Prelats sans deposer les Roys: Si les Prelats preschent selon l'Euangile ils ne prescheront iamais la rebellion cōtre le Roy. Et comme ainsi soit que les Prelats ne soient pas tous d'accord, l'Eglise vniuerselle estāt au iourd'huy diuisee en plusieurs pieces discordātes, il est malaisé de leur obeyr a tous, en obeyssant a Dieu. Voire ie dis que de cecy naist vne forte preuue contre la degradation des Roys par les Prelats. Car comme Dieu commande a tous d'obeir aux Roys, & neantmoins Monsieur le Cardinal ne voudroit, inferer de la que les Roys peussent degrader les Pre-

lats , ainsi Dieu commande d'obeir aux Prelats & neantmoins il ne s'enfuit pas que les Prelats puissent deposer les Roys : Ces deux obeyssances s'accordent bien , & sont chacune bornées de leurs limites.

Page 72.

Or pource qu'en ce point nous auons pour nous toute l'ancienne Eglise , qui ayant fort long temps vescu sous des Empereurs payens , heretiques & persecuteurs n'a iamais parlé de rebellion , ny esté iamais dispensée par aucun du serment de fidelité a l'Empereur : le Cardinal confesse qu'alors les Chrestiens estoient obligées a fidelité & obeyssance aux Empereurs pource quel'Eglise (il a esté hõ. reux de dire le Pape) ne les auoit point absous du serment de fidelité : qui est vne belle imagination & recreatiue , de presupposer que l'Euesque de Rome pouuoit alors deposer Neron , ou Claude , ou Domitian , lesquels ne sçauoient pas seulement s'il y auoit vn Euesque de Rome : & que ces pauures Empereurs estoient si mal informés que de ne sçauoir pas qu'en leur ville capitale il y eust vn homme qui auoit puissance ordinaire & legitime de les degrader & deposseder de l'Empire. Sans doute ces Empereurs vassaux del'Empire du Pape ont esté excusables de ne l'auoir recogneu & honoré en ceste qualité , pource qu'ils ne sçauoient pas qu'il y eust vn pape au monde : car alors les Euesques de Rome estoient grands & puissans comme vn des Euesques de mes Royaumes. Mais ils ne jugeoient pas expedient d'vser de leur puissance , & vsoient de clemence enuers ces meschãs Empereurs , & cela pour trois raisons que M. le Cardinal allegue.

La premiere est pource qu'ils n'osoyent irriter les Empereurs de peur d'attirer la persecution sur l'Eglise. Si j'ay quelque reste de sens commun il me semble que parler ainsi c'est accuser non seulement les Empereurs de Romme, mais aussi tous les anciens Chrestiens d'hypocrisie & de dissimulation, car c'est dire que l'obeyssance qu'ils rendoyent à leurs souuerains estoit par feintise & par force, & que toutes les submissions de fidelité d'humilité & de patience que font tous les anciens peres, sont paroles que la fidelité n'a point suggerees mais que la crainte à arrachees: Dont s'ensuit qu'à tort leurs passions sont honorees du tiltre de martire, puis que leur patience a esté forcee, & que ce qu'ils ne se sont point mutinez contre les persecuteurs n'a esté que faute de puissance & non de volonté. A quoy eux-mesmes contredisent: comme Tertulien au trente & septiesme chapitre de l'Apollogetique & Cyprian contre Demetrian, ou ils disent que tout est plain de Chrestiens, les villes, isles, chasteaux, bourgs, armées, &c. que si les Chrestiens se retiroient, les villes deuiendroyent solitaires, & que le silence seroit effroyable, & que les Empereurs chercheroient à qui commander, & que neantmoins ils ne s'opposent point à vne iniuste violence & n'vsent point de vengeance. Et est certain que du temps de Iulian, quasi tout l'Empire estoit Chrestien, & que ses Princes estoient Chrestiens, entre lesquels estoient Iouian, & Valentinian qui peu apres furent Empereurs, lesquels pouuoient solliciter l'Euesque de Romme à degrader l'Empereur de sa charge. Car quand mesme toute l'armée de Iulian

Tertul. A-pol. c. 37.

Hesternismus, & omnia vestra impleuim⁹, urbes insulas, castella, &c.

se fust reuoltée du Chriſtianisme, comme Monsieur le Cardinal nous veut persuader contre toute apparence, & contre le tesmoignage de toute l'armée qui s'escria après la mort tout d'une voix,

Socrate lib. 3. c. 19. Nous sommes Chrestiens si est-ce, que l'Italie estant Chrestienne, & l'armée de Iulian estant en Perse

Theod. lib. 4. cap. 1. a l'autre extremité de l'Empire, l'Éuesque de Rome auoit alors belle commodité de le déposer. le

Sozom. lib. 6, cap. 1. dis aussi que ceste confession subite & generale de toute l'armée, disant *Nous sommes Chrestiens*, tes-

moigne que si ses soldats s'estoient rangés au Paganisme, que c'estoit par contrainte & contre leur volonté: & par consequent qu'ils eussent encores souffert plus aisément qu'on le deposast, que s'il eust laissé ses soldats en liberté de conscience.

Mais Saint Augustin sur le Pseaume 124. rend tesmoignage aux soldats de Iulian qu'ils ont perseueré en la foy Chrestienne: *Les soldats Chrestiens* (dit il) *ont serui a vn Empereur infidele: Quand ce venoit a la cause de Christ, ils ne recognoissoient que celuy qui est au ciel. Quand il vouloit qu'ils seruissent les Idoles & les entenceassent, ils obeissoient plustost a Dieu qu'a luy, apres lesquelles parolles suivent celles que Monsieur le*

Pag. 82.

Cardinal allegue contre soy mesme, *Ils distinguoyent le Seigneur Eternel d'avec le seigneur temporel, & toutefois ils s'asujettissoient au seigneur temporel a cause du Seigneur Eternel: C'estoit donc pour obeir a Dieu & non de peur d'irriter l'Empereur ou attirer la persecution, comme veut faire croire le Sieur Cardinal: qui incite manifestement les peuples a rebellion si tost qu'ils se voyent assés forts. Dont s'ensuit que si leur conspiration ne réussit pas, la faute n'est pas en la desloyauté & trahison*

hison, mais à auoir mal pris leur temps, & n'auoir recogneu leur foiblesse. Sous tels enseignemens qui s'esbahit s'il se fait des conspirations de poudres & des parricides?

Après Iulian il nous parle de Valentinian le second, que les Chrestiens pouuoient bien deposer lors qu'il maintenoit l'Arianisme avec violence, & neantmoins ils n'y penserent iamais. Monsieur le Cardinal respond qu'ils ne le firent pas à cause de la memoire de son pere, & pour sa ieunesse, qui sont coniectures forcees à plaisir. Car quand il eust esté fils d'un Arien & aagé de soixante ans ils n'eussent pas faict autrement. Il adioute que le peuple ne quitta point la partie, & tint si ferme que l'Empereur craignant le tumulte fut contraint de ceder, & que ses soldats luy manderent qu'ils l'assisteroyent s'ils le voyoient ioint aux Catholiques: Laquelle response n'est à propos de la puissance du Pape à deposer les Roys: Car remarqués la belle consequence: Valentinian a eu peur d'un tumulte populaire à Milan, donc le Pape peut deposer les Roys heretiques: Autât qu'il y a de différence entre le peuple de Milan & l'Euesque de Rome, autant il y a de différence entre un tumulte du peuple & une sentence de Iuge: entre ce que le peuple de Milan ou des soldats ont fait, & ce que l'Euesque de Rome doit faire, autât ceste consequence est esloignée & hors de raison. Il falloit donc regarder non à l'emotion du peuple, mais à ce que leur enseignoit leur bon pasteur Ambroise: lequel s'offroit au martyre, mais ne cōseilloit pas la rebelliō, *disant* (comme recite Thodoret) *s'il abuse de sa*

Pag. 82.

C 83.

Epist. 33.

domination à tyrannie me voicy prest d'estre mis à mort. Et la resistance qu'il fit à l'Empereur fut seulement par supplication, disant. *Nous te supplions: O Auguste, mais nous ne resistens pas: Nous n'avons point de peur, mais nous supplions: Item, si on veut mon patrimoine prenez-le, si mon corps i'iray au devant. Me voulez vous trainer en prison ou à la mort, i'y prendray plaisir.* Luy mesme en l'oraison a Auxenius, *Je pourray m'affliger, ie pourray pleurer, ie pourray gemir. Contre les soldats Gots mes armes sont les larmes, Car telle est la defence du Prestre, ie ne puis ny ne doibs resister autrement.*

Epist. lib. 5.

Iustinian Empereur en sa vieillesse tomba en l'heresie des Aphartodocites, contre lequel quoy que suivi de peu de personnes en son heresie l'Evesque de Rome ne lança aucune excommunication, ny sentence d'interdiction ou de deposition.

Les Roys Ostrogots en Italie, les Visigots en Espagne, les Vandales en Afrique estoient Roys Ariens, & quelques vns d'eux persecuteurs. Notamment les Roys Visigots & Vadales estoient esloignez du Pape lequel ne les devoit craindre: ce neantmoins il ne s'est iamais aduisé d'en deposer aucun. Sur tout faut prendre garde au temps que Belisarius & Narséz Orthodoxes ont par grandes batailles & longues guerres abbatu les Vandales en Afrique, & les Gots en Italie: c'estoit lors ou iamais que le Pape devoit degainer ses foudres de deposition contre ces Roys Ariens, & dispenser leurs subiects du serment de fidelité, afin de fortifier par là & aider les Catholiques: mais alors cet expedient n'estoit encores trouué.

Gregoire I. se vante de pouuoir ruiner les Lombards qui ont esté long temps ennemis iurés de l'Euesque de Rome, mais dit que la crainte de Dieu l'en a empesché, comme nous auons remarqué ailleurs, Car en la 1. Epistre du 7. liure, il parle ainsi. *Si ie me fusse voulu mesler de la mort des Lombards, in uident la nation des Lombards n'auroit ni Roys, ni Ducs ni Contes, & seroit diuisee en grande confusion. Mais pource que ie crains Dieu, ie crains de me mesler de la mort d'aucun homme.* Au moins pouuoit il en bonne conscience dégrader leur Roy, si Monsieur le Cardinal doit estre creu. *In Apologia pro inramento si delictis.*

Mais n'est ce pas accuser les anciens Euesques de Rome de cruauté de n'auoir secouru l'Eglise Chrestienne oppressée par des tyrans, lesquels il pouuoit déposer? Est il croyable que IESVS CHRIST ait donné a Saint Pierre & a ses successeurs par tant de siècles vne charge sans puissance de s'en seruir? qu'il leur ait donné vne espée la quelle ne deust estre tirée que mille ans apres? Est il croyable qu'au temps que les Papes se sont abandonnés a tous vices, mesmes par le tesmoignage de leurs flatteurs & seruiteurs plus affectionnez, ils aient commencé a recognoistre la nature & la force de leur charge? Que s'ils ont esté retenus par la crainte ou par l'impuissance, pourquoy au moins ne nous produit on quelque Pape qui se soit plaint de ce qu'on luy empeschoit l'exécution du pouuoir que IESVS CHRIST luy a donné? ou quelqu'un des anciens qui l'ait exhorté a prendre courage & a degainer ses foudres contre les Princes nuisibles a l'Eglise? Pourquoy viuans sous des Empereurs Chrestiens & de-

mens n'ont ils declaré les causes qui les ont empeschés de se servir de ce glaive, de peur que la longue coustume de ne s'en servir point, n'amenast contr'eux quelque prescription? Que si la foiblesse est vn iuste empeschement d'ou vient que le Pape a entrepris de déposer Philippe le Bel, Louis XII. Elizabet ma denanciere d'heureuse memoire, & diuers autres, ou sa foiblesse a paru par experience? & dont ordinairement troubles & guerres s'en ensuyuent qui retombent sur sa teste? comme il est aduenu a Gregoire VII. & a Boniface VIII? C'est la raison pourquoy de peur de tels inconueniens, le Pape n'entreprend iamais de deposer vn Roy que quand il le void en peine, & vne grande faction formee dans son estat, ou qu'il a vn voisin affamé & qui cherche querelle, comme quand on pousse de la main vne muraille qui penche desia. Mais si le Roy vient a bout de ses ennemis, alors le Pape luy offre des pardons sans les demander, & par compassion paternelle luy permet de retenir le Royaume qu'il n'a peu luy arracher. Combien de Princes incités par le Pape a se rebeller contre leur Maistre y ont ils perdu ou l'honneur ou la vie? comme il arriua a Rudolphe Duc de Sueue incité par le Pape a se rebeller contre Henry quatriesme Empereur? Combien de massacres, combien de desolations de villes; & sanglantes batailles s'en sôt ensuyuies? On trouuera de conte fait que Henry IV. & Frederic I. ont donné plus de soixâte batailles sans les sieges des villes pour maintenir leur droit cōtre les ennemis que le Pape leur suscitoit : & ne se peut dire cōbien de s'ag fut alors espādu. N'est il pas vray que le Pape

sçachant que les Papistes sont foibles en mon Royaume, neantmoins les incite a rebellion contre moy, & leur defend de me prester serment de fidelité: attirant sur eux entant qu'en luy est la persecution comme sur des rebelles, & faisant bõ marché de leur vie? Tous ces exemples monstrent que la crainte d'attirer des maux & persecutions n'a point empesché les Papes de foudroyer les Empereurs quand ils ont eu esperance de s'accroistre par ce moyen.

Finaleme[n]t ie fay iuges les plus passionnées, si ceste doctrine qui veut qu'on obeyss[e] aux Roys infideles ou heretiques iusqu'à tant qu'on ayt de la force pour les chasser & dep[os]er, n'incite pas les Empereurs Turcs & infideles à exterminer tant de Chrestiens qui vivent sous leur domination, comme personnes qui ne font qu'attendre l'occasion de se rebeller & qui n'obeyssent que par contrainte? Concluons donc par la sentence d'Osius parlant à l'Empereur Constantius Arien, *Comme celuy qui voudroit rair t[on] Empire resisteroit à l'ordonnance de Dieu, ainsi crain qu'usurpant l'autorité des choses de l'Eglise tu n'encoures un grand crime.* Ou ce Sainct personnage ne donne point ceste exceptiõ du Cardinal, a sçauoir hors mis quand l'Eglise aura la force de secouer le ioug. Et ne parle point seulement aux particuliers, mais donne vne regle general[e] a tous hommes.

Aphd Athanas. in Epist. ad solitariam vitam agētes.

Si ceste raison tirée de la foiblesse est merueilleusement foible, aussi est celle que Monsieur le Cardinal adioust: Il dit qu'il y a difference entre les empereurs payens qui n'ont iamais faict hommage à CHRIST, qui n'ont point esté

Pag. 77. Deuxiesme raison.

Constantius , n'ayt iuré à son entree de garder la foy Orthodoxe, & qu'il n'ait receu de s^{on} perel l'Empire à ceste condition ? Ceneantmoins l'Euesque Romain ne la point arraché du trosne, ains il a osté de son siegel l'Euesque Romain. Que si la violation du serment faict au sacre est la cause pourquoy vn Prince Apostat doit estre depose par le Pape , il s'ensuyura que le Pape doit aussi deposer vn Prince qui n'estant ny Apostat ny heretique neglige cependant de rendre iustice a son peuple : car le serment de son sacre porte cela aussi, qu'il rendra iustice à ses subiects : qu'est ce que le Cardinal ne permet pas au Pape : auquel il ose prescrire des nouvelles loix, & limiter sa puissance, luy permettant seulement de deposer les Roys Chrestiens deuenus Apostats, & non ceux qui ont tousiours esté payens : Ne se souuenant pas que ie Pape a depose le Roy du Peru Athabalippa, & donné son Royaume au Roy d'Espagne, encore que ce pauvre Roy n'eust iamais esté autre que payen : & que ce ne fust pas là le moyen de le conuertir : Luy mesme peu apres nous dira que *quelque longue que soit la possession du Turc es conquestes qu'il a faictes sur les Chrestiens, il ne peut par aucun traict de temps acquerir aucun poulee de prescription sur les Chrestiens*, c'est à dire qu'il est tousiours iniuste possesseur, & peut estre iustement depose : toutesfois les Empeurs Turcs depuis plusieurs siecles n'ont point esté Chrestiens. Que si on court les exemples des Roys que les Papes ont osé deposer, à peine en trouuerez vous vn dont on puisse dire qu'il ait fait vn serment contraire au serment d'estre subiect à IESVS-CHRIST, ou qu'il soit tombé

en Apostasie.

Et certes tout bien considéré il est faux que le Roy de France ayt esté receu par ses subiects à condition de seruir à IESVS-CHRIST, veu qu'il estoit desia Roy auant son sacre, & auant auoir rien stipulé ny promis à ses subiects : estant chose certaine qu'en vn Royaume hereditaire la mort du Roy reuest en vn instant son successeur de la Royauté. N'est à propos de repliquer que le Roy a fait serment en la personne de ses predecesseurs. Car les iuremens sont personnels, & nul ne peut iurer a Dieu que son fils ou son heritier sera homme de bien: bien peut il promettre d'exhorter de tout son pouuoir son successeur à la crainte de Dieu. Si les iuremens des peres sont bons, les enfans y sont obligez soit qu'ils iurent ou non: S'ils sont mauuais les enfans sont obligez à faire le contraire: S'ils sont de choses indifferentes, & qui deuiennēt nuisibles, ou impossibles par le temps, les successeurs des Roys peuuent accommoder leurs Loix aux occasions presentes, & au bien de la Republique.

Toutes ces choses considerees me font dire que Monsieur le Cardinal n'entéd pas le sens, ny la nature du serment que son Roy faict en son sacre de defendre l'Eglise & de perseverer en la foy Catholique. Car il ne faut pas penser que quand Clouis, après auoir regné 15. ans estât payen, se fit baptiser, qu'il se soit fait Chrestien à ceste condition que l'Eglise luy osteroit le Royaume, s'il luy aduenoit de se reuolter de la foy. Et quand mesme il eust fait ceste stipulation, il n'eust pas entendu que ceste deposition se deust faire par l'Euesque de Rome,

Rome, ains par ceux qui l'auoyent esleué au Royaume. Mais la verité est que les Rois de France ne font point de tels sermens ny stipulation avec leurs sujets. Que si quelque Prince fait vn serment par lequel il parle ainsi, *Puisse-ie perdre le regne ou la vie, si iamais ie viens a me reuolter de la religion Chrestienne*, par ces mots il appelle Dieu pour vengeur, & fait vne imprecation contre soy mesme, mais ne submet point pour cela la couronue au Pape, ny a l'Eglise, ny au peuple.

L'inscription de la monnoye dont le Sieur Cardinal parle en passant, portant le nom de Christ, ne change point la nature de la monnoye, qui est vne des marques de la souueraineté du Prince. Ceste inscription est vn aduertissement aux peuples qu'en obeissant au Roy, ils obeissent a IESVS CHRIST, & que les auteurs de ceste monnoye recognoissent IESVS CHRIST pour leur Roy, & non vne profession que la Couronne depende de l'Eglise, ou puisse estre ostée par le Pape, comme nous voudroit persuader le Sieur Cardinal, renuersant les paroles de IESVS CHRIST qui se sert exprés de l'image empreinte en la monnoye pour prouuer non la sujettion mais la souueraineté de Cesar. Que si le Prince se bande contre Dieu, il merite que Dieu le priue de la vie eternelle. mais ce n'est ny au peuple, ny au Pape de le prier de son Royaume temporel.

Monsieur le Cardinal adjoust que ceux qui tiennent que le Pape peut deposer les Rois, tiennent que ce commandement de S. Paul qui assuiettit toute ame aux puissances superieures, estoit vn commandement fait par promission & a temps, iusqu'a ce que par l'accroissement de l'Eglise il fust en

Page 76.

la puissance des Chrestiens, sans peril de l'estat, de s'empescher de RECEVOIR autres Princes que Chrestiens suivant la loy du Deuteronomie. Tu te constitueras vn Roy d'entre tesfreres. Et voicy la raison sur quoy ils le fondent. C'est que Saint Paul, 1. Corinth. 6. dit : que c'estoit honte aux Chrestiens qu'ils fussent ingès aux causes qu'ils auoyent entre eux, par les infideles, chose que Iustinian conuertit depuis en loy, quand il ordonna que nul ny payen ny heretique ne puisse estre receu a l'administration de la republique.

En ces paroles du Cardinal notés le mot de RECEVOIR, par lequel il a changé dextrement la question, en laquelle il ne s'agit pas de receuoir ou de s'establiir ou eslire vn prince, (ce qui se fait és lieux ou le Royaume est electif) mais de luy obeyr quand Dieu l'a establi & l'a donné par succession hereditaire: Car ce n'est pas au peuple de France d'aujourd'huy a qui il est dit, *Tu te constitueras vn Roy*, puis que cela ne depend pas de son choïs. Ainsi ce passage n'est a propos non plus que la loy de Iustinian, Car nous confessons volontiers qu'un Prince Chrestien doit auoir soing que la iustice ne soit mise en la main d'un Magistrat inferieur, mais d'un Souuerain, ny d'un Magistrat choisi par la volonté du Prince, mais d'un Prince Souuerain que la nature & la succession legitime a donné : duquel on demande si le Pape qui ne l'a point institué le peut destituer, & luy oster ce qu'il ne luy a point donné, sous ombre qu'il est accusé d'heresie, ou de stupidité, ou d'auoir enfreint les priuileges des monasteres, ou offensé Dieu en matiere de mariage.

Or que ce commandement de l'Apostre qui assuiettit toute ame aux puissances superieures n'est point vn commandement par prouision & a temps, il est clair, parce que les raisons sur lesquelles il fonde ce commandement sont necessaires en tout temps. A sçauoir pource que les puissances sont ordonnées de Dieu, & que leur resister est resister a l'ordonnance de Dieu. Que le Magistrat porte l'espee pour faire iustice. Qu'il est necessaire de luy obeir non seulement a cause de l'ire, (c'est a dire de peur d'estre puny) mais aussi a cause de la conscience. C'est donc vn point de conscience, & non vne loy faicte par prudence humaine, & pour s'accommoder au temps. Les enseignemens des Apostres qui concernent les mœurs ne se changent point selon les saisons. Parler ainsi c'est faire deux grands maux: Car c'est ouurir la porte a l'impieté, & au renuersement de toute l'Ecriture, si ainsi est qu'il soit permis aux hommes de se persuader que le commandement de Dieu n'est que prouisionnel. L'autre mal est que par ce moyen les souffrances des Martyrs sont rendues indignes du tiltre de martyr, s'ils ont cédé a la violence d'une puissance superieure infidele, non point pour obeir a vn commandement de Dieu necessaire & certain mais vn reglemēt prouisionnel & fait pour peu de temps. C'est pourquoy Monsieur le Cardinal n'a peu plastrer son fait avec quelque couleur sans falsifier l'Ecriture Saincte, disant que S. Paul dit aux Corinthiens, que c'est honte aux Chrestiens d'estre iugés par iuges infideles. Dont toutesfois il ne se trouuera rien en tout le passage. Car quand S. Paul leur dit *πρὸς ἐξουσίαν λέγω* ie le dis a vostre

honte, il ne dit pas que ce soit vne honte a vn fidele d'estre iugé par vn infidele, mais il leur fait honte de ce que s'entreplaidans ils portoient leurs contentions deuant les iuges infidelles. La honte estoira s'entremanger de procès, & a produire les vices des Chrestiens deuant les infidelles, au scandale del'Eglise, & non a subir le ioug auquel Dieu les auoit assuiettis. C'est donc vne faulxeté manifeste. Que si vn Roy merite d'estre deposé pour heresie, vn Cardinal ne merite pas d'estre depouillé pour se iouer del'Escripture sainte?

Cependant le lecteur equitable considerera combien ceste doctrine est preiudiciable aux Chrestiens qui viuent sous vn Prince infidele ou heretique: Car si l'Empereur Turc venoit à sçauoir qu'entre les Chrestiens qui viuent sous son Empire, le commandement de Dieu d'obeyr aux Princes qu'ils appellent infidelles, n'est qu'un commandement prouisionnel, & a temps, & en attendant l'occasio de secoüer le ioug, il les auroit incontinent exterminés. Que si vous ioignés a cela ce que le sieur Cardinal a dit cy dessus, a sçauoir que quelquelongue que soit la possession du Turc es conquestes qu'il a faites sur les Chrestiens il ne peut par aucun traict de temps acquerir vn seul poulce de prescription vous trouuerez qu'il enseigne les Empereurs Turcs a se deffier de leurs suiets Chrestiens, & a vser enuerseux de toute sorte de cruauté. Tellement que les pauvres Chrestiens Grecs & Siriens luy ont bien peu d'obligation. Et pour parler de moy mesme & de mes suiets Papistes qui m'appellent heretique, le Cardinal par ceste doctrine ne m'incite il pas contre mon in-

clination à changer ma clemence en rigueur, puis que par la doctrine du Cardinal ils sont en-
seignez à ne m'estre subiects que par prouision
& en attendant l'occasion de me perdre & de
me ruyner? Veu mesme que le Cardinal met
les Turcs, infideles, & heretiques en mesme rang,
voire rend les heretiques pires & plus iustement
deposables, comme ayans violé leur serment?
Voicy donc comme ie suis traitté. Ie suis ac-
couplé avec les infideles, voire estimé pire, & te-
nu pour vn vsurpateur de mes Royaumes, au-
quel les subiects doiuent rendre par prouision
vne obeyssance forcee, iusqu'à ce qu'ils ayent le
moyen de secouër le ioug, & m'oster la Couron-
ne, laquelle ne me peut estre arrachee qu'avec
la vie.

Quand aux guerres que les François, Anglois &
Alemans alloient faire en Ierusalem, l'ysuë a
monstré que Dieu ne les auoit pas agreables. C'e-
stoit vn moyen dont le Pape se seruoit pour vsur-
per la domination sur les Royaumes. Car tout
François, Anglois, ou Alemand qui se croisoit de-
uenoit sujet au Pape, les voleurs, adulteres, meur-
triers, & personnes chargees de debtes, si tost qu'ils
s'estoyēt croisez & auoyēt fait vœu de faire voya-
ge en Leuât, estoient exempts du bras seculier, &
estoyent iugés en Court Ecclesiastique. Alors au
cōmandement du Pape vn pays se vuidoit de no-
blesse & de gens de guerre, pour s'aller faire tuer
par les Sarrafins sans aucū profit. Alors la noblesse
estoit contraincte de vendre ses terres aux gens
d'Eglise à nō prix, dont est venue vne bonne par-
tie des biens des Ecclesiastiques. Alors le Pape

*Voyez la
Bulle d'In-
nocent III.
qui est au
bout du Co-
cile de La-
ran.*

donnoit à tout homme qui feroit ce voyage la remission de tous ses pechez, & outre cela vn degré de gloire en paradis par dessus le commun. La vertu militaire est loüable, pourueu qu'elle serue à la iustice, & que la generosité des esprits belliqueux ne soit circonuenue par vn artifice Italien.

En tout ce discours remarquez la prudence de Monsieur le Cardinal, qui s'est contenté de produire en sa harangue quelques passages de l'Ecriture qu'il a tirez & choisis comme plus specieux, & reiecte vne multitude de passages, sur lesquels les Papes & leurs principaux defenseurs appuyent sa puissance à deposer les Roys, & a disposer des choses temporelles. Comme sont ceux-cy. *Que Saint Pierre a dit à Iesus-Christ voicy deux glaiues, & que Iesus-Christ a respondu c'est assez. Que Iesus-Christ a dit à S. Pierre, remets tō cousteau en ta gaine. Que Dieu dit à Ieremie, Je t'ay establi sur nations & Royaumes. Que S. Paul 1. Cor. 2. dit que l'homme spirituel iuge de toutes choses. Que Iesus-Christ a dit aux Apostres, tout ce que vous aurez deslié &c. Dōt le Pape peut deslier les sermens de fidelité. Qu'au commencement Dieu a créé le ciel & la terre. Sur lesquels passages le Pape Boniface VIII. en son Extrauagante Vnam Sanctam appuye sa puissance temporelle, estant alors aux prises avec Philippe le Bel. D'autres en baillent d'aussi bonnes, Qu'il est escrit, toutes choses me sont donnees de mon pere, & toute puissance m'est donnee au ciel & en terre. Item, si tu nous iettes hors enuoye nous en ce troupeau de porcs. Que Iesus-Christ a dict à ses disciples, Vous trouuerez vn poulain d'asnesse attaché, desliez-le & me l'amenez, Car ces*

*Ierem. 1.
1. Cor. 2.*

passages monstrent que Iesus-Christ dispoſoit des choses temporelles, & pourquoy non aussi son vicaige? Ceux qui suyuent son fort exprès: Au Pſeume 45. il est dict. *Pour tes peres, des enfans te ſont nez, que tu etabliras Roys sur toute la terre:* Item Iesus-Christ n'a pas seulement commandé a S. Pierre de paistre ses agneaux: mais aussi luy a dit *tu es & mange?* qui est de l'inuention de Baronius. Au 12. de S. Ieſu il est escrit, *Si ie ſuis exalté i'attireray toutes choses a moy.* Qui empesche que cela ne conuienne au Pape? Et Sainct paul dit aux Corinthiens, *Ne ſçauex-vous pas que nous iugerons les Anges, combien plus les choses ſeculieres?* Et peu apres: *N'auons nous point puissance de manger?* Qui ſont les passages sur lesquels depuis trois ou quatre cens ans on s'efforce d'appuyer la monarchie temporelle de la Saincteté: que Monsieur le Cardinal n'a osé employer de peur de faire rire l'assemblée, Combien que son argument tiré de la ladrerie, n'ait pas meilleure grace.

Que ſi nous comparons Iesus-Christ payant le tribut a Cesar, avec le Pape qui se fait payer le tribut par Cesar. Iesus-Christ conſeillant les Iuifs de payer le tribut a vn Empereur payen avec le Pape qui diſpente les ſubiects de l'obeiſſance des Empereurs Chreſtiens. Iesus-Christ refusant d'eſtre arbitre de la diuiſion d'vn heritage entre deux particuliers, avec le Pape s'ingerant a eſtre iuge absolu de la depoiſition des Roys. Iesus-Christ diſant que ſon regne n'eſt point de ce monde, avec le pape qui s'eſt eſtably vn Empire mondain. Les Apotres laiſſans leurs biens pour ſuiure Iesus-Christ, avec le Pape raiſſant le bien d'au-

l'amitié de ses voisins, & la paix de son Royaume: se souuenant que ceux de son Royaume qui sont d'autre Religion que luy sont ceux qui ont sauué la couronne au Roy son pere de tresglorieuse memoire: & considerera qu'ils ne sont semblables à mes subjets Catholiques Romains qui attendent à ma vie, & qui ont vn autre Souuerain hors de mon Royaume, qui par lettres expressees leur defend de me prester serment de fidelité: & qui par les maximes qu'on soustient à Paris en pleins Estats en faueur du Pape, sont obligez de croire que ie ne suis pas Roy legitime: estants instruits à croire que le commandement de l'Apostre d'estre subiect aux puissances superieures contraires à leur Religion n'est qu'un commandement prouisionel & à temps en attendant l'occasion de secouër le ioug: enuers lesquels neantmoins i'vse de clemence, imputant leur erreur à maladie d'esprit, combien qu'en effect ce soit vn crime de leze Majesté. Mondit frere considerera aussi quelle obligation il a au Sieur Cardinal: Car ceux de la religion font profession de deuoir leur conseruation, apres Dieu, à la prudence & bonté de leurs souuerains: mais voicy vn Prelat qui leur veut oster ceste croyance, & leur dit ouuertement qu'ils doiuent leur conseruation à leur nombre & à la crainte qu'on a de troubler l'estat.

Il adioute que *s'il venoit vne troisieme secte en France, qu'on priueroit ceux qui en feroient profession de leurs biens & de leur vie. Comme il s'est pratiqué à Geneue contre Seruet & en Angleterre contre les Arriens, &c.* *Notez qu'il appelle l'Eglise Romaine vne secte.*

Le respons que les punitions des heretiques deuë-

N

ment conuaincus se font par l'ordonnance du Magistrat du pays, & non par l'ordonnance du Pape. L'adiouste qu'il n'y a nulle raison d'égaliser les Eglises reformées à Seruet & aux Arriens, pource que tels heretiques ont esté condamnez & conuaincus par la parole de Dieu, & par les anciens Conciles vniuersels, où ils ont eux mesmes plaidé leur cause : mais la religion dont moy & eux faisons profession n'a esté iugée en aucun Concile où nous ayons esté ouys : & quelque Concile qu'on nous ait proposé, ç'a tousiours esté en presuppoltant que le Pape qui est partie en ceste caule y doibt estre iuge : & en vn lieu où il n'y auoit nul seur accez, & avec des personnes qui tiennent ceste reigle, & l'ont pratiquée enuers Iehan Hus & Hierosme de Prague, qu'on n'est point tenu de garder la foy aux heretiques.

Pour donc reuenir à nostre propos, ie dis que puis que le Pape n'a encor entrepris de prononcer sur vn particulier Frācois à caule de l'heresie pretendue, aucune sentence de confiscation de terres ou de spoliation de ses biens, pourquoy entreprendra il de deposseder les Rois de leurs Royaumes ? pourquoy entreprend il sur les Rois plus que sur les particuliers ? pourquoy les Rois personnes sacrées serōt ils plus rudemēt traittés que les moindres du peuple ? A cela le Cardinal au lieu de respondre directement nous allegue hors de propos des exemples d'heretiques punis non par le Pape, mais par le Magistrat du pays. Bellarmin y va avec plus de franchise, car au 27. chap. contre Barklay il soustiēt absolument que le Pape peut disposer de

* Imperator, Reges, Duces, &c. qui locum ad Monomachiā in terris suis inter Christianos cōcescerint, eo ipso sunt excommunicati, ac iurisdictio. ne & dominio ciuitatis, castri, aut loci, in quo vel apud quem duellum fieri permiserint quod ab Ecclesia obtinent priuati intelligantur & si scandalum sint directis dominis statim acquirantur. Qui vero pugnam cōmiserint & qui eorum Patrini vocantur, excommu-

tout le temporel du monde. I'affirme (dit-il) avec assurance que nostre Seigneur Iesus du temps qu'il estoit mortel, pouuoit disposer de toutes les choses temporelles, & priuer les Rois & Princes de leurs Royaumes & Seigneuries & qu'il a sans doute laissé la mesme puissance à son Vicaire pour s'en seruir, quand il iugera estre necessaire pour le salut des ames. Par ce moyen il n'excepte rien, car on sçait que Iesus-Christ pouuoit aussi bien disposer des possessions des particuliers que des Royaumes entiers, s'il eust voulu déployer sa puissance. Le pape donc à la mesme puissance? Le Concile de Latran dernier en la 9. Session condamne vn Laïque blasphemateur, s'il est gentil-homme, à 25. ducats pour la premiere fois, & pour la seconde à 50. presupposāt que l'Eglise peut fouiller en la bourse des particuliers & disposer de leurs biens. Le Concile de Trente en la Session 25. chap. 19. * ordonnant que tous les Rois, princes & Seigneurs des villes, chasteaux & terres qui releuent de l'Eglise. soient priués desdites terres & Seigneuries, s'il leur aduient de permettre qu'on y face vn duel, & que les autres fiefs esquels pareille faute sera commise soient incontinent acquis à leur seigneur direct, & que tout le bien de ceux qui se seront battus, & de leurs parains soit confisqué, presuppose necessairemēt que l'Eglise peut disposer de toutes les terres & fiefs de la Chrestienté, puis qu'elle peut oster à l'vn, & dōner à l'autre tous fiefs, tāt ceux qui releuēt de l'Eglise, que ceux qui releuēt des Seigneurs seculiers, & ordōner de la cōfiscation du biē de tous les particuliers. Selon ce Canon,

*vicationis, ac omnium bonorum proscriptio-
nis pœ-
nā incu-
runt.* le Royaume de Naples, peut estre confisqué à l'Eglise de Rome pour vn duel, puis que ce Royaume releue del'Eglise, & est vn fief de l'Eglise Romaine. Et n'y a terre en France que le rape ne puisse faire chāger de main par ce moyē. De sorte que M. le Cardinal au lieu de chercher tant de subterfuges, eust mieux fait de soustenir que le rape peut disposer aussi biē des posselliōs des particuliers, que des Royaumes. Car aussi il n'y a point d'apparēce de dōner au rape la puissance de disposer du tout & nō des parties: D'vne forest & non des arbres : Du contenant & non du contenu.

Il allegue vne autre raison qui ne vaut pas mieux. *Il y a (dit-il) grande difference entre le pouuoir que les maistres ont sur les biens, & celuy que les Princes ont sur leurs Estats. Car les biens sont faits pour les Maistres, mais les Princes sont faits pour leurs Estats.* A quoy ie dis, que si ceste raison est bonne pour prouuer qu'on peut iustement pour Heresie priuer vn Roy de son Royaume, mais non deposseder vn particulier de sa maison, il faudra aussi dire qu'ō peut iustemēt pour la même cause priuer vn pere de la puissance sur ses enfās, mais nō priuer vn maistre de son biē : pource que les biēs sont faits pour les maistres, mais le pere est fait pour le biē de ses enfās. Et est certain que la place de Dieu que les Rois represētent les affermit beaucoup plus en la posselliō de leur estat, que les particuliers en la possession de leurs heritages, lesquels on voit changer de main tous les iours pour causes legeres: Mais vn prince ne peut estre depouillē de sō Royaume sās vn bou-

leuersement de l'Estat, qui enuoloppe grād nōbre de particuliers, cōme arbrisleus brisés sous la ruine d'vn grād chesne. Et quād mesme ceste raisō auroit quelque poids, si est-ce qu'outre le Royaumē le Roy possede les biens & terres du domaine pour lesquelles on ne peut dire quē le Roy soit fait, lesquelles neātmoins il perd avec la Couronne. Ioint que si ceste raison est bonne pour rēdre les Rois plus aisēmēt déposables, il ne s'ēsuiura pas pour cela que ceste depositiō se doie faire par le Pape, qui ne peut oster ce qu'il n'a point donné.

Voici encores vne difference qu'il met entre le royaume, & les biens des particuliers. *Les biens (dit-il) n'ont point d'ame & ne peuvent estre contrainsts par la force, ou par l'exemple, ou par l'induction de leurs maistres à perdre la vie eternelle, comme les suiets le peuuent estre par leurs Princes.* Je répōs qu'vn Maistre & vn pere Heretiques, ont beaucoup plus de puissance à seduire leurs seruiteurs & enfā, qu'vn Prince n'en a à seduire ses sujets, & neātmoins on n'oste point les enfans aux peres ni les seruiteurs aux maistres à cause de la Religion. Les Histoires sont pleines d'exemples de belles Eglises, sous vn Prince de cōtraire Religion. Que si les choses inanimées doiuent estre plus aisēmēt laissées en la puissance d'vn Heretique, il faut donc laisser au Roy Heretique sa Corōne, sa charge, sa terre, ses tailles & impōsts, car ces choses n'ont point d'ame : Et n'y aura point de mal à laisser vne épée à vn furieux, car vne épée n'a point d'ame. Quāt à moy, i'estimerōis que la possession des choses irraisonnables

est plus pernicieuse en la main d'un mauvais Maître, que d'une chose animée & raisonnable. Pour ce que les choses inanimées n'ont point de raison ny de iugement pour s'exépter de servir à mal faire. Je cōfesse voirement qu'un Prince heretique est pernicieux aux ames de ses sujets: Mais il ne faut pas éviter un mal par un pire: on ne doit obuiuer à l'erreur par la déloyauté, ny à l'heresie par la sedition & rebelliō cōtre Dieu & son Roy. Dieu qui éprouue & exerce son Eglise, ne l'abandonnera point, & n'a besoin d'estre aidé par la déloyauté des mauvais Chrestiens pour desfendre son Eglise, laquelle il fait ressembler au buisson ardent, faisant qu'elle ne se consume point au milieu du feu des persecutiōs, pour ce que Dieu est au milieu d'elle. Que si la rebelliō des François cōtre leur Roy estoit iuste, il ne s'ensuiuroit point qu'elle se deust faire par le cōmandement du pape, qui ne doit se mesler des affaires des Royaumes. C'est là tout le discours du sieur du Perron sur le deuxieme incōuenient, lequel il clost par ceste cōfession, que ce poinct n'est point décidé par l'Ecriture, ny par l'antiquité. Dont il infere que c'est un opprobre, & un scandale, & une porte ouuerte aux heresies, que des Laïques s'ingèrent à cōuertir ceste doctrine en article de Foy. Mais moy ie dis que c'est un opprobre, un scandale, & un crime de rebelliō à un suiet, après tant de bienfaits receus, durant l'âge tendre de son Roy, le sang de son pere estant encores chaud, sur le poinct de l'acheminement de deux mariages d'Espagne, en une si celebre assemblée, vouloir asseoir la Couronne de son Roy, & parler des causes de sa deposition:

& se dédire soy-mesme honteusement en sa vieillesse, & se mettre soy mesme en proverbe d'estre martyr problematique, en s'offrant au martyre pour vn point qu'il n'a traitté que problematiquemēt, & auquel il dit que le Pape permet aux François de tenir le contraire de ce qu'il en a iugé, pourueu qu'ils le tiennent pour problematique & non necessaire.

EXAMEN DV TROISIESME

INCONVENIENT.

LE troisiéme inconuenient que M. le Cardinal pretend naistre de la reception de l'article du tiers estat, est *qu'il causeroit vn schisme evident & ineuitable contre le Pape & tout le reste du corps de l'Eglise, pource que ce seroit declarer impie & detestable vne doctrine que le Pape & le reste de l'Eglise approuue, & par consequent croire que le Pape & tout le reste de l'Eglise erre en la foy es choses appartenantes à salut*: Et là dessus il s'estend en amplifications contre les schismes & auteurs des schismes. Pag. 87.

Parler ainsi c'est, comme on dit, faire le loup plus grand qu'il n'est. Monsieur le Cardinal s'abuse s'il croit que les autres nations se deussent separer de la communion des François, pour soutenir que le Pape ne peut deposer les Roys: car tout schisme emporte avec soy separation de communion. La tresillustre Republique de Venise a debatue ceste question contre le Pape & l'a emporté, ce neantmoins les Venitiens ne laissent pas de participer avec leurs voisins aux mesmes sacremens, & ne vivent point en schisme avec le reste de l'Eglise Romaine. Le Cardinal du Perron quand il estoit du

costé du Roy contre les vsurpations temporelles du Pape n'estimoit pas pour cela les autres Eglises estre scismatiques ni membres del'Antechrist, & luy mesme nous dira cy apres que le Pape permet aux Frâçois de tenir ceste question pour problematique: or iamais le Pape ne iugera les personnes scismatiques, pour dissentir de luy en vn point qu'il permet de tenir pour problematique. Voire mesme le Roy d'Espagne qui est tenu pour le bras droit des Papes, n'a iamais fait aucun acte ny declaration par laquelle il se recognoisse deposable par le Pape en cas d'heresie, ou de tyrannie, ou de stupidité. Mais sçachant bien que le Pape le craint plus qu'il ne craint le Pape, il ne s'esmeut point de ceste question. Ce neantmoins il n'a point craint de faire condâner & interdire en son Royaume le liure du Cardinal Baronius, qui fait le Royaume de Naples n'estre point vn Royaume, mais vn fief de l'Eglise Romaine. Dont le Pape ne s'est pas plaint, & ne l'a point déclaré scismatique, se reseruant à faire valoir ceste doctrine lors que le Royaume d'Espagne sera troublé & qu'il pourra offenser le Royd'Espagne sans danger. Et M. le Cardinal est trop experimēté en l'humeur & inclination des peuples de la Chrestienté, pour ignorer qu'à Rome mesme & en Espagne plusieurs se moquēt ou se despitēt quand ils oyent parler de la puissance du pape sur les couronnes des Rois, principalement depuis que la Republique de Venise luy a fait perdre son procès.

Il n'auoit que faire d'exagerer l'horreur des scismes, on sçait quel crime c'est de diuiser non

le fave de IESVS-CHRIST, a mis son corps qui est l'Eglise: mais aussi il ne faut pas faire peur d'un schisme ou il n'y en a ny apparence ny possibilité.

Au schisme Monsieur le Cardinal adiouste l'heresie, disant que cet article nous precipite en une heresie Pag. 89.
evidente, nous obligant de confesser que l'Eglise Catholique est perie depuis plusieurs siecles en la terre. Car si ceux qui tiennent la doctrine opposite tiennent ceste opinion contraire a la parole de Dieu, impie & detestable, le Pape donc depuis tant de siecles n'a point esté chef de l'Eglise, mais heretique & Antechrist. Adiouste, que l'Eglise aura perdu le titre de Catholique & ne sera pas mesme demeurée en France, puis que tous les docteurs François depuis tant de siecles ont tenu le contraire. Que c'est le plus grand trophée qu'on puisse eriger aux heretiques, que d'annoncier que le Royaume visible de CHRIST soit peri de la terre, & que depuis tant de siecles il n'y ait eu ny temple de Dieu, ny épouse de CHRIST, mais par tout le regne de l'Antechrist, la Synagogue de Satan, & l'épouse du diable. Et quelles plus fortes machines peuvent-ils desirer pour renverser la transubstantiation, la confession auriculaire, &c. que de dire que l'Eglise qui les a décidées les a décidées sans autorité? &c.

En tout cela il me semble que Monsieur le Cardinal flestrit son Eglise & denigre sa religion. Car elle est fort aisée a esbranler, si par l'establisement de cet article elle tombe entierement & devient la Synagogue de Satan. Cela mesme rend les Roys bien fort miserables, s'ils ne peuvent estre recogneus Souverains & indepotables sans ruiner l'Eglise, & sans tenir que le Pape auquel ils seruent est l'Antechrist, Luy-mesme ne le

Pag. 82.

croit pas: veu qu'il nous dit que c'est vn article qui n'est decidé par l'Ecriture, ny par l'ancienne Eglise. Et que le Pape permettra à quelques François de tenir en ce point vne opinion contraire a la sienne, pourueu qu'ils ne la tiennent que pour problematique & non necessaire: L'assurance que le Pape n'est point l'Antechrist, & que l'Eglise Romaine n'est point la Sinagogue de Satan depend elle d'un point nō decidé par l'Ecriture, ny par les anciens, & ou le Pape permet d'auoir vne opinion problematique? Nous auons veu cy dessus que nō seulement la parole de Dieu dont on fait peu de cas, & toute l'antiquité, mais mesme l'Eglise Gallicane, au tēps que la puissance du pape estoit au comble, a toujours resisté vertueusement a ceste opiniō de la depositiō des Rois par les papes, & toutefois elle n'a point creu pour cela que l'Eglise fust perie de la terre. Ceux qui tiennent que le pape est souuerain es matieres de la foy, ne se tiennent pas pour cela obligés a croire le Pape en ce point, pour ce qu'ils n'estiment pas que ce soit vn point de la foy, mais vn point d'estat & vne colonne de la Monarchie temporelle du pape, lequel en telles matieres n'a point de promesse de Dieu de ne pouuoir errer: car ils tiennent que l'erreur ne peut grimper en ce siege tant esleué, que l'ambition y peut monter: & qu'en vn point si fructueux pour le pape & qu'il rend Roy des Roys, & distributeur des couronnes, il n'est point raisonnable que luy mesme soit iuge. Bref il faut vn esprit bien hebeté pour se persuader qu'on ne peut paruenir au Royaume des cieux en croyant que le pape n'a nul droit de déthroner.

ner les Roys, & donner & oster les Couronnes.

Voicy bien pis: car il semble que ceux qu'il appelle heretiques l'ayēt gaigné pour plaider leur cause, & qu'en leur faueur il vſe de preuatication en diſāt que par l'eſtabliſſemēt de cet article eſt renuerſee la tranſubſtantiation & la confeſſion auriculaire. Car voicy ſa raiſon. C'eſt que les articles de la puiſſance du Pape à depoſer les Rois, & de la Tranſubſtantiation, & de la confeſſion auriculaire ſont fondez ſur meſme authorité: Or il confeſſe que l'article de la puiſſance du Pape à depoſer les Roys, n'eſt point decidé par l'Eſcriture Saincte, ni par l'Egliſe ancienne, mais par l'hauthorité des Papes & concilles depuis quelques ſiecles. De là il inferē vne bonne raiſon, qu'inualider ce point eſt auſſi eſbrāler la tranſubſtantiation, & la confeſſion auriculaire: Il confeſſe donc que ces points auſſi ne ſont plus decidez par l'Eſcriture Saincte, ny par l'antiquité: car s'ils l'eſtoyent le renuerſement de la puiſſance du Pape à depoſer les Roys n'eſbranleroit point des points fondez en vne plus grande & plus ancienne authorité. Je ſçay qu'en parlāt auſſi il n'euirera point le ſoupçon qu'il retient encores quelque choſe de l'inſtruction de ſon pere quia eu l'hōneur d'eſtre Miniſtre du S. Euangile.

Cependant il ne procede pas avec ſincerité contre ceux qu'il appelle heretiques, leur faiſant accroire qu'ils combatent pour l'inuiſibilité de l'Egliſe. Cela n'eſt point: Ains ils recognoiſſent vne Egliſe viſible. Car encores que l'aſſemblee des eſleus ſoit vn corps qui ne ſe peut diſcerner à l'œil, ſi eſt-ce que nous tenons qu'il y a eu touſ-

jours vne Eglise visible au monde, mais visible à ceux qui en sont: Ceux de dehors voyent bien des hommes, mais ne voyent pas qu'ils soyent la vraye Eglise. Nous tenons aussi que l'Eglise vniuerselle visible est composee de plusieurs Eglises particulieres, dont les vnes sont plus pures que les autres, & qu'il n'aduient pas tousiours que les plus pures soyent les plus grandes & les plus visibles.

EXAMEN DV QVATRIESME ET DERNIER INCONVENIENT.

A VANT que d'entrer au dernier inconuenient qui naist de la reception de l'article du tiers Estat, il faict vne preface touchant sa vie passée, & touchant le seruice qu'il a rendu aux Roys Henry II. & Henry III. De cestuy-cy il parle ainsi. *Je le ramenay par la grace de Dieu, ou la grace de Dieu par moy, à la religion Catholique: i' obtins son absolution à Rome du Pape Clement VIII. & le reconcilliai avec le S. S. iége.* Quant au premier de ces deux points, le temps & les occasions, & la necessité des affaires du susdit Roy monstrent assez qu'il a esté meü à ce changemēt par d'autres raisons que de Theologie, plus fortes que la Rhetorique de M. le Cardinal: ou on sçait aussi qu'en telles matieres, aprez les resolutions prises on préd instruction par formalité. Et quāt à son absolution qu'il dit auoir obtenüe de Clemēt VIII. il deuoit pour l'honneur du Roy & du Royaume, & pour le sien propre enseuelir cela sous vne oubliance eternelle: car en ceste reconciliation

on ſçait cōme il proſtitua la dignité de ſon Roy, ayant receu des battures & coups de gaulle couché par terre, par penitence, representant la perſonne du Roy: comme i'ay deſia noté en la preface de mon apollogie. Laquelle ſeſtiſſeure il pleut a ſa ſaincteté de recōpenſer par quelques graces ſpirituellen, en donnāt au S Eueſque d'Eureux vne quantité de grains benits, croiſettes medailles, leſquelles quiconques baiſeroit gaigneroit cent ans de vray pardō. Ce qui ſeruit au ſuſdit Roy d'une grandiffime conſolation. Au ſurplus il n'a gueres bonne grace de dire qu'il a obtenu du pape l'abſolution du Roy. Car ſeu M. le Duc de Neuers auoit peu auparauant fait le voyage a meſme fin, mais fut renuoyé ſans rien faire, pource que les affaires du Roy ſembloyēt deplorees. Mais ſi toſt que le Pape euſt ſceu qu'il commençoit a proſperer, & que les affaires de la ligue s'en alloient deſcouſuës, & que les meilleures villes de la Frāce traittoyent avec le Roy, alors le S. Eſprit luy ſuggera de receuoir au giron de l'Egliſe la brebis égaree. De peur que la France irritée de l'opiniaſtrete de ſa Saincteté ne vint en fin à faire ce dont elle la ſouuent menacé: aſçauoir de faire vn Patriarche de l'Egliſe Gallicane. Que ſi M. le Cardinal veut mettre la main ſur la conſcience, il confeſſera qu'auāt que partir de France il eſtoit aſſeuré de l'yſſuē de ſon voyage.

Après donc auoir appriuoisé l'auditeur par ceſte Preface, il mōſtre que cet article du tiers Eſtat par vn meſlange des choſes contentieufes avec les certaines, rend le remede qu'o veut apporter

au peril des Roys inutile & infructueux. Sa raison est que pour remedier aux parricides, il faut des anathemes, & des peines qui s'exccutent aprez la mort, lesquelles pour estre creuës avec certitude doiuent sortir d'une autorité infailible. Que nul n'aura ceste certitude, si en cet anatheme on messe des choses nō cōtestees avec des contestees, & dont l'Eglise vniuerselle ne conuient pas. Par les choses non contestees entendāt la defēse de tuer les Roys: & par les contestees, la declaration que le Pape ne peut depōser les Rois.

Tout ce discours n'est point vn argument ny vne preuue, mais seulement vn conseil, auquel ie respons: que si en cet article du tiers Estat il y a quelque chose dont on ne conuient pas, ceste doute vient des Papes, & de leurs flatteurs, qui luy ont osté la certitudē, laquelle il faut luy rendre par autorité publique. Le moyē de rēdre la certitudē a vne chose dont quelques vns doutent contre raison, est de la ioindre avec d'autres certaines de mesme nature.

Icy ie ne puis que ie ne somme les consciences des'ar rester vn peu en cet endroit & considerer avec moy cōbien grande est la force de la verité. Car M. le Cardinal cōfesse que ces deux points, asçauoir si on peut iustemēt assassiner les roys, & si le Pape les peut depōser, sont choses si iointes q̄ douter de l'une soit douter de l'autre. En quoy il touche vrayement la source du mal, & la vraye cause des parricides des Roys. Car quiconque croira que le Pape ne peut depōser les Rois, croira avec pareille certitude qu'il n'est loisible de les assassiner, puis que les tueurs des Roys en ce

faisant euident faire seruice a la Saincteté. Il faut donc tenir fermemēt ceste maxime, que les Rois ne peuuent de droict estre deposés par le pape, si on veut que la vie des Roys soit asseurée.

Cela mesme est confirmé par ce que le sieur Cardinal adiouste, *Que si les monstres infernaux qui ont attenté a la vie de nos deux derniers Roys eussent leu les loix Ecclesiastiques, ils eussent trouuē leur damnnatiō expresse dedans les Concile de Constance.* Car par ces paroles il condamne le Pape qui au commencement des guerres de la ligue, au lieu de faire publier ces loix Ecclesiastiques, a vſé de foudres dont la mort du Roy s'en est entuiuie. Il cōdamne aussi le Clergé qui au lieu de prescher ces loix Ecclesiastiques qui defendēt de tuer les Roys preschoit la rebellion, quand le peuple venoit verser ses confessions es oreilles des prestres les prestres en contreschange versioient le sang dans l'oreille du peuple : dont sont arriuées les guerres & la mort du Roy.

Mais encores voyons qu'elles sont ces loix Ecclesiastiques qui defendent aux suiets de tuer ou assassiner leurs Roys : Mōsieur le Cardinal nous baille pour toutes loix le Concile de Constance : lequel toutefois n'en parle point du tout : Voicy la verité de l'histoire. Iean Duc de Bourgōgne ayant fait assassiner a Paris Louys Duc d'Orleans, voulut faire trouuer bōne sō actiō, & mit en auāt vn certain Maistre Iean petit, qui proposa neuf propositions en l'Vniuersité de paris, contenant en somme qu'il est loisible, iuste, & honorable a tout subiet, & homme particulier, par embusches, & par toute autre voye de fait, de tuer

Toutesfois posons le cas que le Concile de Cōstance soit formel contre les meurtriers des Rois: car aussi ie veux presumer que s'il eust este questiō des meurtres de Princes souuerains, ledit Concile eust sainement decreté. Mais que fait cela pour asseurer leur vie? puis que Monsieur le Cardinal se sert de la subtilité des Iesuites, nous ayant déclaré que par les Rois il faut eutendre ceux qui le sont encores, & qui ne sont point décheus de leur droit? Si donc le Pape les depose ils ne sont plus Rois, & sont décheus de leurs droits, & par consequent les tuer n'est plus tuer vn Roy, tant ces Messieurs sont souples en paroles, & se laissent tousiours quelque porte pour eschapper.

Cependant le lecteur notera vn artifice prodigieux & grandement mauuais. M. le Cardinal veut que les parricides des Rois soyent retenus par loix Ecclesiastiques: On presumerait que voulant produire des loix Ecclesiastiques pour asseurer la vie des Rois, il alleguerait la parole de Dieu, afin de parler avec plus de poids & autorité. Mais au lieu de cela il propose vne Loy d'un Concile qui n'est approué par les Papes, & qui ne parle point de ce dont il s'agit: & quand mesme il en parleroit, si est ce que le S. Cardinal a en main vne distinction fourchuë pour l'eluder. Vn bon moyen pour establiir vne fausse opinion est de la combattre par raison fausses ou ridicules. Vn bon moyen pour renuerser vne doctrine veritable est de l'appuyer sur des raisons ou autorités de neant: en parlant comme faisoit Platon, qu'il appert que les ames sont immortelles parce que

Plato Phædone.

les cignes chantent en mourant: Ou que la S. Ecriture doit estre creuë par ce que le Pape l'a ordonné. Tels sont les moyens par lesquels le Cardinal pouruoit a la seureté de la vie des Rois.

Auec vn semblable artifice il fait mine de detester le meurtre & assassinat des Rois, & cependant les mène droit a la tuerie par la depositiō & degradation. Car il est certain qu'un Roy deposé par le Pape taschera a se maintenir & a garder sa Royauté, & se defendra contre ses suites rebelles que le Pape a dispensés du serment de fidelité. Durant ce choc & trouble public le Roy court diuers dangers, & expose sa personne aux perils de la guerre, & sa vie est exposée en butte a mille traistres: pour ce qu'un Roy legitiment dégradé, s'il veult retenir le gouuernail, est par necessité tenu pour Tyran & vsurpateur, & par consequent sa vie exposée en proye: puis que les loix publiques permettent a chascun particulier d'entreprendre sur vn vsurpateur du Royaume: *In reos maiestatis & publicos hostes omnis homo miles est*, ce dit Tertulian.

Apoc. ca. 2.

Ostés a vn Roy le tiltre de Roy legitime, vous luy ostés aussi ce qui garérit sa vie, & qui le garde plus que ses gardes du corps, lesquels vn homme desesperé penetre aisement, estant maistre de la vie d'autrui puis qu'il meprise la sienne. Ceux donc qui font mine de ne vouloir pas qu'on tuë les Rois, mais veulent qu'on les depose, font comme s'ils disoyent, ne le tuons pas mais desarmons le afin qu'on le tue. Ne luy oisons pas la vie mais oisons luy le moyen de la garder: Ne le tuons pas pendant qu'il est Roy car ce seroit chose horrible

& abominable, mais deposons le, par ce moyen celuy qui le tuera ne tuera pas vn Roy. Cela soit dit touchant vn Roy contre lequel sentence de deposition a esté prononcee par le Pape, mais qui est encores armé pour se defendre.

Mais s'il aduient que la sentence du Pape s'exécute, & qu'actuellement le Roy soit despoüillé & perde son Royaume, il est bien mal-aisé que sa couronne perduë il puisse conseruer sa vie. Les Rois ne sont pas comme les chats qui iettés d'un lieu haut tombent tousiours sur leurs pieds. Peu d'Empereurs & Rois ont suruescu à leur Empire; pour ce qu'on môte à vn Royaume par quelques degres, mais il n'y en a point pour descendre. Celuy qui s'est emparé du Royaume d'autrui a trop d'interest a ne point laisser viure celuy qu'il a depoussédé. Que si quelques vns sont eschappés, ils ont vescu fugitifs & miserables en pays estranger, ou ont esté retenus en captiuité mille fois pire que la mort. Denis Tyran de Siracuse deuint Maistre d'Eschole à Corinthe, s'estant choisy vn mestier qui retenoit quelque image d'Empire. C'est le seul homme qui ait esté en humeur de rire apres la perte de son Royaume. En nô Royaume d'Angleterre, plusieurs Rois ont esté depoussés: comme Edouard II. Richard II. Henry VI. lesquels tous ont esté tués cruellement en prison. Du temps d'Edouard III. par ordonnance des Estats, furent declarés traistres tous ceux qui imaginent (c'est le mot de la Loy) ou machinent la mort du Roy. Sur laquelle ordonnance les luges du pays se fondans, ont tousiours depuis iugé

pour traistres ceux qui ont osé parler de la deposition du Roy, pour ce qu'ils ont creu qu'on ne pouuoit oster au Roy sa couronne sans luy oster la vie.

Pag. 95.

C'est donc par mocquerie que M. le Cardinal dit, que l'Eglise ne se mesle de l'absolution de ses sujets sinon au tribunal Ecclesiastique. Et outre ceste peine là (qui est de dispenser les sujets d'estre fideles au Roy) & celle de l'excommunication, n'en impose aucune autre. Au moyen de quoy tant s'en faut qu'elle consente qu'on entreprenne sur la vie de ceux contre qui elle a ietté ses censures, qu'elle abhorre toutes sortes de meurtres, & principalement les meurtres impreuus & inopinés à cause de la perte du corps, & de celle de l'ame, qui y sont souvent coniointes. Car nous auons monsté que la depositiō d'un Roy entraine avec soy la mort du Roy ou chose pire que la mort : Qu'importe si l'Eglise n'ordonne point le parricide des Rois, mais fait choses dont il s'ensuyue necessairement? Ioignés à cela que M. le Cardinal contre toute raison met l'absolution des subiets du serment de fidelité, entre les peines qui se iugent au tribunal Ecclesiastique. Car ceste peine est vne peine ciuile & non Ecclesiastique, & par conséquent ne peut estre iugee au tribunal Ecclesiastique sans empier sur le ciuil. Avec encores moins de raison il dit que l'Eglise ne consent pas qu'on entreprenne sur la vie de ceux contre lesquels elle a ietté ses censures. Car le Pape Urbain, au Canon *Excommunicatorum* parle ainsi. Nous n'estimons pas ceux là estre homicides, ausquels il sera aduenü de tuer quelques excommuniés par vn ardeur de zele enuers l'Eglise Ca-

Causa 23.
Quest. 5.

tholique leur mere. Que si le Pape n'approuuoit point l'assinat des Roys, il deuoit censurer le liure de Mariana Iesuite, qui loué & extolle tels parricides, puis qu'il a bien pris la peine de censurer d'autres liures de Mariana. Item il ne deuoit censurer l'arrest de la Cour de Parlement de Paris contre Iehan Chastel. Il ne deuoit souffrir qu'à Rome, & par liures & par tableaux exprés Garnet & Oldecorne mes faiseurs de mine de poudre fussent mis au roolle des martyrs: Et voyant deux grand Rois tués l'un apres l'autre, il deuoit par quelque declaration publique tesmoigner son sentiment, & faire quelque loy qui pourueust a la seureté des Rois pour l'aduenir. Il a censuré voirement le liure de Becanus, afin de preuenir par vne censure foible & captieuse vne censure plus exacte & plus rigoureuse de la Sorbonne. Car la censure du Pape contre Beccanus n'est qu'une censure generale qui ne specifie rien de particulier qui touche la vie des Rois: & quelque deux mois apres ledit liure a esté rimprimé & dedié au Nonce du Pape, en Alemagne, sans aucun changement qu'en deux articles qui contenoient le pouuoir absolu du peuple par dessus les Rois, Mais en recompense trois ou quatre articles y ont esté adioustés touchant le pouuoir du Pape sur les Rois, autant ou plus meschans & iniurieux contre les Rois que les autres clauses dont on s'estoit plaint. Que si nous voulions ramasser les exemples des Empereurs anciens, cōme de Henry IV. dont le Pape persecuta mesme le corps mort. De Frederik II. contre qui le Pape incitoit le

Soudan. D'Elizabet Roynes de glorieuse memoire, que personnes venuës exprès de Rome ont tasché de tuer, & autres semblables exemples que j'ay deduits en mon Apologie pour le serment de fidelité, ie ferois voir plus clair que le iour combien est esloigné de verité ce que dit le sieur Cardinal, *que iamais aucun Pape n'est passé iusqu'à prestre cōsentement ou conseil aux assassinats des Princes.* Cela sur quoy nous insistons maintenant suffit pour le conueindre, asçauoir qu'en depasant les Rois il les meine droit a la mort.

Pag. 97.

Pag. 98.

Le Cardinal mesme en recognoist quelque chose, disant que l'Eglise abhorre principalement les meurtres impreueus & inopinés, comme recognoissant qu'elle n'improue pas si fort ceux qui se font par force ouuerte. Et peu après il nous dit qu'il trouue bon qu'on poursuiue vn Roy depose, par guerre ouuerte, dont s'ensuit qu'il peut estre iustement tué en guerre. Qui est vne clemence bien notable: car vn Roy serabien plus doucement traité, s'il est tué d'un coup d'arquebuzé en vn champ, que s'il est tué d'un coup de couteau en sa chambre: ou si en vn siege de ville il est emporté par vne mine, que si en paix la mine est faite sous la maison. Et voicy la raison: c'est qu'es meurtres inopinés l'ame bien souuent perit avec le corps. Cecy est de la bonté & clemence de ces instigateurs de parricides, d'auoir soing des ames dont ils font tuer les corps. Ce conseil approche de celuy de Mariana Iesuite qui n'est pas d'aduis qu'on empoisonne vn Tyran en son manger ou en son boire, de peur qu'en prenant

luy mesme le poison, il ne soit coupable de s'estre tué soy mesme. Mais est d'aduis qu'à l'exemple des Rois Maures, on l'empoisonne en sa chaire ou en son habit, afin que l'ame du pauvre Tyran soit innocente. O esprits diaboliques, & qui se garderoient bien de donner tels conseils, s'ils croyoient qu'es Rois il y eust quelque peu de vigueur, ou es peuples quelque reste de liberté. Et ceux que Dieu appelle ses Oints, qui sont l'image de Dieu en terre, qui peuuent de leur regard escraser ces vermisses, souffriront ils tousjours qu'on leur crache impunément au visage, & qu'en leurs personnes la Majesté de Dieu soit tant vilipendée?

De mesme nature est la moquerie euidente du Pag. 95. & 96.
sieur Cardinal par laquelle après auoir distingué entre les Tyrans d'administration, & ceux d'usurpation, il declare qu'il n'approuue pas les loix prophanes & payennes, qui permettent de conspirer par embusches cōtre vn Tyran d'administration. Sa raison est *pource qu'après la deposition il reste en eux vne certaine habitude a la dignité Royale, & comme vne espee de caractere politique, qui les discerne d'entre les simples particuliers, & quand l'obstacle est osté les reporte a l'usage legitime de la Royauté.* En tout celai l n'est pas possible qu'il parle cōme il croit: car si vn Roy depouillé pouuoit eschapper le peril de mort, après estre eschappé & reduit a vne vie particuliere tant s'en faut qu'il luy restast aucune dignité ou caractere politique, qu'au contraire il seroit plus contemprible & miserable que s'il n'eust iamais esté Roy. C'est vn bel oyseau

punis de deposition, il n'y a plus de lieu a repentance. Comme si leurs peches estoient pechez contre le saint Esprit, ou le peché a mort pour lequel il ne faut point prier. Vn particulier peut estre restablí, mais a vn Roy deposé sa repentance est inutile, Ainsi on ne peut soustraire a vn particulier ses seruiteurs sans sa permission & consentement, mais le Pape fait que nos sujets cessent de nous estre suiets, en les faisant clerics sans demander nostre consentement. Que si vn Roy deuiet heretique, mais son fils est bon Catholique, & que le Pape deposé le Roy, qui est ce qui prendra la place du Roy deposé? sera-ce vn estrangere? mais ce seroit faire tort au fils qui est innocent: sera-ce le fils? mais ce fils, s'il craint Dieu, ne voudra iamais chasser son pere, ny imiter l'exemple del'Empereur Henry V. lequel a l'instigation du Pape dechassa son pere de l'Empire en sa vieillesse. Ni suiure le conseil du Docteur Suarés Iesuite, lequel en son liure contre moy, approuué par vn grand nombre de Docteurs, au liure 6. chap. 4. apres auoir dit que *si Papa Regem deponat ab illis tantum poterit expelli vel interfici quibus ipse id commiserit*, c'est a dire, que si le Pape depose vn Roy, il ne peut estre iustement chassé ni tué que par ceux auxquels le Pape en aura donné charge, peu apres adiousté que *si le Pape declare vn Roy heretique & descheu du Royaume, sans rien declarer plus oultre touchant l'execution*, c'est a dire sans donner a personne charge expresse de le tuer, à lors c'est au seul legitime successeur de le faire, s'il est Catholique ou s'il ne le veult sa ire c'est a la communauté du Royaume, Senten-

Q

ce bien notable. Car le legitime successeur d'un Roy c'est son fils, lequel selon ceste reigle doit tuer son Pere, si tost que le Pape l'aura depose. Ce qui est d'autant plus considerable, que ce liure abominable est escrit expres contre moy, & par consequent apprend a mon fils que s'il venoit a se faire Catholique Romain, & que le Pape là dessus donnast contre moy sentence de deposition, il deuoit estre meurtrier de son propre pere. Telle est la religion de ces Saincts Peres defen-seurs de l'Empire de la Saincteté, en comparaison desquels tout ce qu'il y a iamais eu d'impieté entre les payens ou de Barbarie entre les Canibales n'est que clemence & humanité. Cés choses de-uoyent estre considerées par Monsieur le Cardinal, plustost que de nous parler d'habitudes & caracteres politiques, que le peuple n'entend pas.

Tout cela est peu de chose au prix de la closture de son discours, par laquelle il veut persuader que la reception de cet article qui oste au Pape la puissance de depose les Rois leur apporteront du crisper il & leur seroit dommageabl^e pource que cela intro-duirroit vn schisme, & par le schisme des guerres ciuiles & le mespris des Roys, & le desir d'entreprendre sur leurs personnes, & qui plus cest le courroux de Dieu. Ce paradoze est admirable & bon pour creuer les yeux, qu'il nous faille croire que pour asseurer la vie des Rois, il faille que le Pape les puisse depose. Qu'ils seront plus honorez quand leur couronne sera suj.tte. Qu'il faille raualler leur grandeur pour asseurer leur vie. Qu'il faille qu'un autre leur puisse oster leur couronne afin qu'ils la gardent

long temps. C'est a dire qu'ils perdent la souveraineté afin qu'ils la gardent. I'estimois que la possession de mon bien me seroit plus assurée si nul autre que moy n'en pouuoit disposer: mais cet erreur nous est aduenue par faute de subtilité: Dont est a craindre que le Pape ne nous mette de la confrairie du bon Childerik. N'estant donc pas capable de comprendre ceste raison admirable, j'ay recours a l'experience, & n'ay encore peu trouuer que pour auoir creu que le Pape ne peut de droit deposer les Rois, il en soit iamais aduenue aucun trouble ni guerre ciuile. Au contraire l'establissement des maximes contraires a fait naistre en Angleterre du temps de mes predecesseurs Héry II. dehan, & Henry III. mille rebellions, & vne extrême desolation. Ce sont ces maximes qui sous les Empereur Henry IV. & Prederik. I. ont fait ruisseler l'Europe de sang Chrestien pendant que les Sarrazins en Orient dissipoient la Chrestienté. Ce sont ces maximes qui ont amené en France les guerres de la ligue dernière: qui ont reduit la France a deux doigts près de seruir a vne autre nation, & ont causé la mort de deux Rois. Par ainsi le sieur Cardinal nous baillant ces maximes diaboliques pour moyens d'assurer aux Rois leur vie & leur estat, parle comme s'il leur conseilloit de se secher en l'eau, ou de se chauffer a la Lune.

EXAMEN DE LA CONCLUSION
de Monsieur le Cardinal du Perron.

EN fin des raisons il descend aux prieres & exhortations: dont la somme est, *Qu'il con-*

iurer ses auditeurs à ne remedier pas au salut temporel des Rois, en leur faisant perdre le salut Eternel : A ne rompre point l'vniion de l'Eglise en vn siecle infecté d'heresie, qui a desia tant de part en France, & qui se renforce par le schisme des Catholiques, & qui croissant ne pourra choquer la religion sans heurter les Rois. Que ceux qui ont les premiers remué ceste pierre de scandale, n'ont eu autre but que de diuiser l'Eglise. Dit qu'il estime que messieurs du tiers estat ne sont pas les auteurs de cet article, mais que cela a esté suggeré par ceux qui estans desia diuisés d'avec l'Eglise Romaine, se seruent d'hommes portans le nom de Catholiques, voire Ecclesiastiques, afin de surprendre les simples sous vn beau pretexte, qui est le seruice du Roy. Ayans fait comme Iulian l'Apostat, qui voulant porter les Chrestiens à adorer les idoles des faux Dieux, fit mesler avec ses images les idoles de Iuppiter & Venus, &c. Et apres quelques fleurs de Rhetorique, dit, Que cet article est vn monstre qui a la queue de poisson comme venu à nage d'Angleterre. Car. c'est le serment d'Angleterre tout pur, sinon que celuy d'Angleterre est encore plus doux & modeste. Se met la dessus à louer ma personne à cause du sçauoir & d'autres vertus ciuiles, & pour auoir pris la peine d'entrer avec luy en lice des disputes de Theologie. Que taschât à mettre le schisme parmi l'Eglise Romaine, ie pense faire ce que ie doibs, mais qu'il n'est pas iuste que ce qui se fait en Angleterre serue de loy en France, ni que les Catholiques, & particulièrement les Ecclesiastiques, pour auoir seureté & liberté en France, soyent forcés de iurer & s'obliger de croire les mesmes choses qu'il faut qu'ils iurent, pour auoir permission de respirer ou plustost de soupirer en Angleterre, & s'il se trouue

en Angleterre des personnes aises constâtes, pour souffrir toutes sortes de supplices plustost que d'y consentir, ne s'en trouuera-il point en France qui facent le mesme? Si fera certes Messieurs (dit-il) il s'en trouuera, & tout ce que nous sommes d'Euesques irons plustost au martyre. Par vn surcroist d'honesteté, il fait vne opposition entre son Roy & moy, l'ouant Dieu de ce qu'il ne prend pas plaisir à faire des Martyrs.

Tout ce propos ampoullé & artificiel se trouuera fortfoible estant regardé de pres. Car Messieurs du tiers Estat n'ont pas creu qu'en pouruoyant à la vie & seurté de leur Roy, ils le precipitassent pourtant en damnation eternelle: & ne sont pas si perclus de ceruelle que de croire qu'on ne peut sauuer l'ame du Roy sans le rendre deposable par le Pape.

Ce qu'il dit que les heritiques de France font leur profit de ceste diuision, est fondé sur ceste proposition, que ceux de la religion Chrestienne reformee, c'est à dire repurgée du Papisme, sont heretiques: ce qui se prouuera quand on aura fait vn autre Euangile, ou forgé vne autre Bible. Monsieur le Cardinal auoit entrepris de m'instruire la dessus, mais il est demeuré court en chemin. Il y a desia trois ans qu'il prepare la responce à vn mien escrit fait en peu de iours, laquelle il a faicte & deffaicte plusieurs fois, en sorte que ie pense que son trauail est reuenu a rien. Et toutesfois la personne d'un Roy qui luy escriuoit avec amitié, & l'importance de la chose meritoient bien de mettre au iour quelque responce. Ce que ie n'impute pas a faute de capacité, laquelle ie sçay estre

tres-grande en luy, mais à la recognoissance de n'estre bien fondé.

Pour dōc reuenir à ces heretiques qui font leur profit des diuisions des Catholiques, leur deuoir est de ne viser pas à semer des dissensions, mais à estre fideles à leur Roy: Que si en ce faisant ils plaisent à quelques vns & déplaisent aux autres, ils doyēt estre marris de ce qu'ils ne plaisent à tous en parlant pour leur Roy, & soustenant la verité. Que s'ils estoient auteurs de l'article du tiers estat, ils ne deuoyent se cacher en cela: car se leur seroit vne gloire d'auoir esté seuls soigneux de la vie & couronne de leur Roy. Mais les deputés du tiers estat n'auoyent pas besoing d'apprendre d'ailleurs vne chose dont les histoires de France sont pleines. Il n'estoit besoin qu'ils fissent passer à nage ceste doctrine reparee d'une queue de poisson, puis qu'ils auoient deuāt leurs yeux les meurtres de deux Rois, tant de guerres ciuiles, tāt d'arrests de la Cour qui ont tasché à y apporter le mesme remede. Il ne faut point de suggestions d'ailleurs quand on sent le mal: & me semble qu'ē amadoüant les deputez du tiers estat il les outrage, comme s'ils n'eussent eu assez de pouruoyāce & d'affection enuers leur Roy, si elle ne leur eust esté suggerée par ceux de la Religion. Quādā moy qui suis mis en ce rang cōme semur de dissētiōs, ie proteste en bōne cōscience n'auoir iamais eu ce desseing. l'ay accoustumé d'vser de voyes plus franches & ouuertes, & n'ay besoin de me cacher par crainte de personne. Et ne veux en rien imiter l'Empereur Iulian, qui de Chrestien estoit deuenu

payen, mais moy i'ay tousiours esté Chrestien. Il y alloit par ruse, & moy sans artifice. Il pouſſoit ses ſubieſts à infidelité contre Ieſus-Christ, & moy i'induis mes ſubieſts à la fidelité enuers moy commandee par Ieſus-Christ. Differences que i'ay plus amplement deduites en ma reſponſe à l'Epistre de Bellarmin à Blakvel, dou M. le Cardinal ayant puisé cet exemple y deuoit auſſi apprendre la reſponſe.

Que ſi le ſoupçon qu'il a de moy eſt mal fondé, auſſi les louanges dont il me berce ne m'endormiront pas. Louër vn homme pour ſon ſçauoir, mais luy oſter la crainte de Dieu, c'eſt tout ainſi que ſi ie louois vn ſoldats pour la beauté de ſes cheueux, mais l'appellois homme laſche & poltron. Le ſçauoir en vn homme heretique ne ſert qu'à le rendre plus coupable. Toutes vertus ſe tournent en vices quand elles ſeruent à l'impiété. Ces chambrières que la ſapience ſouueraine appelle a ſoy au 9. des Prouerbes, ſont les vertus & ſciences humaines, qui deuiennent pernicieuſes, quād quittant leur maistrefſe elles ſe mettent au ſeruiſſe du diable. La differance qu'il y a entre deux hommes ſans cognoiſſance de Dieu, dont l'vn eſt ſçauant & ciuilement vertueux, l'autre eſt brutal & profane en ſes mœurs, eſt que l'vn va en enfer de meilleure grace, & ſe perd avec plus de dextérité: Sur tout il deuiet doublement abominable ſ'il employe ſes vertus ciuiles a perſecuter l'Egliſe, & ſi on luy peut dire comme a Ceſar, qu'avec ſobriété & ſens raiſſis il entreprend la ruyne de ſa patrie. Car il euſt eſté meilleur pour ſon pays, qu'il

promesse de mon Dieu contenue en l'Euan-
gile, que me repentant de mes fautes & croyent
en IESVS CHRIST ie trouueray remission de mes
pechez par son nom. Ne craignant point d'estre
hors del'Eglise pendant que i'adhereray a IESVS
CHRIST chef de l'Eglise, de laquelle le nom sert
aujourd'huy de couuerture a mille nouuelles in-
uentions, & qui ne signifie plus l'assemblée de
ceux qui croyent en IESVS CHRIST selon sa pa-
role, mais vne monarchie tēporelle dont le Pape
est le chef. Que si le sieur Cardinal scauoit les hor-
ribles conspirations qu'on la brassē contre ma vie
& de ma famille, & de combien de perjures & tra-
hisōs ont esté cōuaincus quelques Ecclesiastiques,
au lieu de m'accuser d'empescher les Catholiques
de soupirer, voire de respirer, & de leur faire souf-
frir toutes sortes de supplices, il s'esbahiroit com-
ment ie vis encores, & comment après tant de pe-
rils i'vse encores de clemence. Que si le Roy de
France auoit en son Royaume des personnes qui
luy naissent sa souueraineté, comme font plusieurs
Catholiques Romains de mō Royaume, ie ne sçay
pas si Monsieur le Cardinal conseilleroit son Roy
de les traiter avec douceur, ou s'il louëroit la cō-
stance de ceux qui l'auroyent voulu assassiner ou
enleuer avec de la poudre: ou s'il souffriroit vn hō-
me qui (comme il fait luy mesme) exhorteroit les
autres a souffrir le Martyre a leur exemple, & a
imiter la constance des traitres & parricides. Voi-
la donc ou en reuiennent les louanges qu'il me dō-
ne, c'est qu'il incite mes sujets a me faire mourir,
puis que ceux qui attentent a ma vie sont appelés

R

martyrs, & leur constance admirée : quand pour trahison ils souffrent le dernier supplice. Car la verité est que nul n'a encores esté puni de mort ni d'aucun tourment corporel en mon Royaume pour la Religion, mais pour conspiration contre ma vie & contre mon Estat, ou pour quelque autre crime, ou notable desobeissance. Encores tout de nouueaux en Escosse i'ay fait pendre vn Iesuite, qui soustenoit fort & ferme que i'auois rauy au Pape son droit, & que ie n'auois nul droit en la possession de mon Royaume. Dont s'ensuit que Monsieur le Cardinal s'offrant au Martyre, a l'exemple des Catholiques qui ont souffert toutes sortes de supplices en mon Royaume, se rend imitateur de traistres & parricides, & propose leur vertu en exemple aux Euesques de France. O nom sacré de Martyrs horriblement pophané ! O saints Apostres qui auez espandu vostre sang pour le témoignage de la parole de Dieu, que vous estes bié accouplés d'auoir pour compagnons des meurs de Rois, ou pour parler plus doucement, des Martyrs qui souffrent pour maintenir les droits temporels de l'Empire Papal : des Euesques qui s'ouffrēt a vn Martyre problematique, pour vn point non décidé par l'Escripture, ny par l'ancienne Eglise, & dont par eux mesmes declarent qu'ils ne parlēt que problematiquement & sans resolution : Certes ie tiens Monsieur le Cardinal trop sage & trop clair voyant pour croire qu'en ces choses il parle selon son sentiment. Mais ayant esté poussé a plaider ceste cause contre sa volonté, comme il se cōfesse, il s'est laissé engager a parler contre sa conscience, & a af-

fermer des choses dont il est mal informé, comme quand il dit qu'en Angleterre plusieurs Catholiques ont souffert toutes sortes de supplices, plustost que de consentir a cet article. Car en Angleterre il n'y a qu'une seule sorte de supplice qui se pratique contre toutes sortes de traistres : comme j'ay deduit plus au long, en la Preface de mon Apologie.

A ces eloges qu'il me donne d'estre persecuteur & de faire souffrir aux Catholiques toutes sortes de supplices, & a ceste exhortation de souffrir le Martyre, a l'imitation de mes traistres & parricides, si vous adjoustés, qu'il fait les Rois d'Angleterre feudataires du Pape & leur Royaume obligé au Pape par vne recognoissance temporelle, vous trouuerez que les louanges qu'il me donne sont vn peu de miel couurant beaucoup de fiel, & qu'elles sont determinées, de mille fois plus d'amertume. Car ayant au commencement de sa harangue parlé de certains Rois qui sont feudataires du Pape, & qui ne sont souuerains de toute souueraineté temporelle en leur Royaume, il s'expose peu après, & met les Rois d'Angleterre en ce rāg, en ces mots. *Quand le Roy Iehan d'Angleterre, qui n'estoit lors obligé d'aucune recognoissance temporelle au Pape, eut chassés ses Euesques, &c.* Il veut dire par là, que ledit Roy s'y est depuis obligé. Parler ainsi c'est m'appeller usurpateur & Roy illegitime, car celuy qui tient vn fief, a faute d'ommage & de payer les redevances a son Seigneur feodal dechoit de la propriété. A laquelle reproche Bellarmin adiousté que le Pape a donné aux Rois d'Angleterre l'Irlâde.

Pag. 10.

Pag. 30.

mais ne dit pas qui auoit donné l'Irlande au Pape. Quant à Iean Roy d'Angleterre: ce Roy pour-
suyuant la mesme querelle que son pere Henry II.
auoit debattuë touchant la collatiõ des benefices,
eut pour contraires quelques Euesques, esquels
pour ceste cause il chassa. En ce temps la ceux qui
souffroient pour les pretentions temporelles des
Papes contre les Rois estoient appellés martyr &
confesseurs. La dessus le Pape excõmunie le Roy,
& fait soufleuer contre luy ses Barons desia d'ail-
leurs assés mal affectiõnnés enuers leur Roy, dõne
l'Angleterre à Philippe Auguste Roy de France,
mais a condition de la conquerir, luy promettant
pour fruit de son trauail la remissiõ de ses pechés:
bref taille tant de besongne au Roy Iean, qu'il ne
trouua autre moyen d'appaîser le Pape qui luy
suscitoit tous ces troubles que de se rēdre son vaf-
sal, & faire son Royaume vn fief du siege Papal, rē-
dant sa couronne tributaire & chacun de ses sujets
taillables par teste à vn certain tribut. Par ce moyē
il obtint la remission de ses pechez. S'il fit cela par
deuotion il est aisē à iuger, en ce que pour sortir de
cette seruitude il voulut assuiettir son Royaume à
Amiral Murmelin Mahometant Roy de Grenade
& de Barbarie. Depuis ce tēps là le Pape enuoyoit
en Angleterre vn Legat, auquel le Roy faisoit hõ-
mage de sa couronne, & mettoit vne somme d'or
à ses pieds, laquelle ce venerable Legat fouloit aux
pieds en signe de dominatiõ: & es festes solēnelles
souffroit qu'on le placeast en la chaire du Roy. Je
demande la dessus à M. le Cardinal si ces choses
estoient iustes ou iniustes. S'il les estime iniustes il

ne deuoir amener cet exemple. S'il estime qu'elles ayēt esté iustes, qu'il me die qui a dōné la puissance au Pape de se rendre Souuerain en vn Royaume es choses tēporelles, esquelles il n'auoit iamais rien pretendu auparauāt. Est-ce vn acte de Saincteté de remplir vn Royaume de troubles, afin de reduire vn Roy a telle misere qu'il puisse luy enleuer la souueraineté? Quād a cōmencé ceste puissance? Quād a-il commencé de la mettre en pratique? Les anciens Canons (car l'Escripture n'a point icy de credit) ordonnent-ils aucune telle satisfaction a vn pecheur, que de Souuerain il se rēdra vassal de son Pasteur, & rendra soy & ses sujets tributaire à vn Euesque, qui degraissera vn pays d'argēt, & receura hommage d'un Roy le rendant son vassal? Vn pecheur ne peut-il obtenir la remission de ses pechés de son Pasteur sans luy donner son bien, & se laisser depouiller de ses possēssiōs par forme de penitēce? Si le Pape ostoit le bien à vn Prince pour le dōner à vn autre, encore seroit-ce vne tyrannie de disposer du bien d'autry, & donner ce qui n'est point à luy. Mais de le prendre pour soy, & absoudre vn pecheur en le depouillant pour s'accōmoder soy-mesme du biē d'autrui, c'est faire plusieurs maux. Car c'est non seulement chāger de nature du siege Episcopal qui est spirituel, en vn throsne de Monarque temporel, mais aussi de la repentance des pecheurs en faire vn piege & vn trebuchet de piperie, & du filé de S. Pierre vn filé pour enlacer les richesses des Royaumes. Qui plus est, c'est faire faire à Prince ce qu'il ne doit ny ne peut. Car vn Roy ne peut faire changer de nature à sa couronne, ny laisser sa dignité Royale à son successeur moins li-

bre qu'il ne l'a receuë moins encore par vne pactiō indigne de grader sa posterité & rendre son peuple tributaire à vn Prince eſtranger, moins encores à vn Prestre auquel n'appartient point de se meſler des affaires ciuiles des Rois, ny de mettre la main sur leurs courōnes. Dont auſſi lors que le Pape enuoya à Philippe Auguſte vn Nonce pour le prier de diuertir ſon fils Louys d'accepter le Royaume d'Angleterre, ledit Roy Philippe dit au Nonce (ſelon que Matthieu Paris recite) *que nul Roy ou Prince ne peut donner ſon regne ſans le conſentement de ſes Barōs qui ſont obligés de defendre le Royaume. Que ſi le Pape veut ſouſtenir cet erreur il donne aux Royaumes vn tres-pernicieux exemple*. Le meſme hitorien dit que le Roy Ieā eſtoit odieux à ſes ſujets pour auoir indignement aſſerui ſon Royaume. C'eſt pourquoy ce droit du Pape n'eſtāt qu'une uſurpatiō ridicules, s'en eſt ellē en fumee, ſans que pour le luy arracher il ait ſalu tirer vn ſeul coup d'eſpēe. Car la puisſāce du Pape qui ne giſt qu'en opinion, & n'eſt qu'une imagination en l'air baſtie par l'orgueil, & entretenue par la ſuperſtition, ſe diſſipe auſſi par la premiere manifeſtion de la verité. Nul n'eſtāt ſi ſtupide qu'il ne cognoiſſe que ſi ce droit du Pape ſur l'Angleterre eſt fondē en la parole de Dieu, il faut qu'il ait pareil droit ſur tous autres Royaumes, puis que tous Royaumes ſont également ſuiets à la parole de Dieu. Car la France aura-elle ce priuilege d'eſtre moins ſujette à Dieu que l'Angleterre ? Ou bien ceſte ſeruitude miſe ſur les Anglois eſtoit ce vn priuilege qui leur ſeruiſt pour eſtre plus ayſēmēt ſauués, pource qu'en donnant tout leur bieu au Pape, il leur departiſſoit en cōtrēſchange plus de graces

spirituelles? Ces choses sont honteuses seulement à penser, & neantmoins ce sont les conceptions dōt M. le Cardinal entretenoit son auditoire.

De ce propos il retombe sur les heretiques. *Il n'y a*, dit il, *Synode de Ministres qui voulust signer l'article que lo'n nous veult obliger de iurer.* En quoy il s'abuse. Les Ministres de mon Royaume l'approuuent & le preschent. Ceux de France le preschent, & sçay que pas vn d'eux ne refusera de le signer.

Il adjouste. *Et n'y a vn seul de leurs Consistoires, qui ne se croye estre dispensé du serment de fidelité enuers les Princes Catholiques quand ils les veulent forcer en leurs consciences.* De là viennent ces modifications qu'ils ont si souvent en la bouche: Pourueu que le Roy ne nous force point en nos consciences. De là viennent ces exceptions de leur profession de foy, Pourueu que l'Empire souverain de Dieu demeure en son entier. Je ne puis cōprendre que fait cela pour prouuer que les Rois sont deposables par le Pape. Car si ceux de la Religion auoyēt quelque semblable erreur, cela n'excuseroit point ceux de l'Eglise Romaine qui seroient contraires a leurs Roy, Mais en ce que le Sr. Cardinal ameine il n'y a rien qui ne s'accorde bien avec l'article du tiers estat, & avec l'obeissance deuë au Roy, Car ils ne disent pas qu'au cas que le Roy leur commandast de faire chose contre leur conscience ils voudroyēt attenter a sa vie, ou refuser de luy payer les tailles ou de le defendre en guerre. Ils ne disent pas qu'ils le deposeroient, ou dispenseroient le peuple du sermēt de fidelité presté au Roy qui est ce dont il s'agit, & le mal auquel le tiers Estat a voulu remedier par cet article. Il y a bien de la difference entre n'obeir point au Roy en vne chose

vray qu'à Tours il luy sauuerent la vie & le deliurerent d'un extrême danger? N'est il pas vray qu'ils n'ont iamais abandonné ni luy ni son successeur, parmi la reuolte & rebellion de la plus part du Royaume suscitée par le Pape, & par la plus grande partie du Clergé? Ne les ont ils pas assisté en toutes les batailles & serui à releuer la couronne qui s'en alloit tomber? N'est il pas vray que ceux qui ont persecuté le feu Roy iouissent aujourd'huy du fruit des serui-ces de ceux de la religion? Lesquels sont hays, non pour des controuerses de la religion, mais pource que s'ils estoient creus la couronne des Rois de France ne dependroit plus du Pape, & n'y auroit en France aucun François qui ne fust sujet du Roy : les causes beneficiales & matrimoniales ne s'euoqueroient point à Rome, & le Royaume ne seroit plus tributaire sous ombre d'annates & semblables impositions. M. le Cardinal mesme les descharge de ce blasme, quand il dit que ceste doctrine de la deposition des Rois par le Pape a esté tenuë en France iusques à Calvin : Il recognoist donc tacitement que les Roys estoient mal seruis auparauant, & que ceux qu'il appelle heretiques ayans mis en veuë l'Escripture Sainte, ont fait cognoistre le droit des Rois qu'on tenoit opprimé. Quant à ceux du pays bas & de Suede, c'est vn tait à part & qui ne fait rien à ce propos. Cés pays ont oultre la religion des raisons d'estat desquelles ie ne veux me rendre iuge.

Iunius Brutus qu'il nous obiecte, est vn

autheur incogneu, & peut estre que quelqu'un de l'Eglise Romaine l'a fait exprès pour rendre odieux aux Princes ceux de la religion.

Buchanan estoient vn Poëte & non vn Theologien. Il a vsé de quelques parolles d'exces qui doiuent estre attribuées à son humeur violante, & à l'iniquité du temps, & non aux reigles de sa religion.

Barklay qu'il nous allegue, ne parle point de deposer les Rois, mais bien de ne les reconnoistre plus pour Rois, quand eux mesmes renoncent à la Royauté. Celuy qui tient qu'un Roy peut cesser d'estre Roy, ne tient pas pour cela qu'il puisse estre depolé par le Pape.

De Gerson qu'il allegue a esté parlé cy dessus, ou nous auons monstré que M. Cardinal le deguise & peruertit. Bref ie ne voudrois defendre tout ce que quelques particuliers ont peu dire: c'est assés qu'en nostre religion il ne se trouue aucune reigle de rebellion, ni rien qui dispense les suiets du serment de fidelité, ni aucune de nos Eglises qui recoiue ces abominables maximes.

Richer.

Si quelqu'un de ceux qui aujourd'huy en France tiennent pour la souueraineté des Rois, contre les vsurpations des Papes a autrefois parlé autrement, il est loüable de s'estre retiré d'un si grosier abus, & a mieux fait que M. le Cardinal qui a quitté son premier auis qui estoit saint & iuste. Vn tel homme va de mal en bien, mais M. le Cardinal va de bien en mal.

» Finalement il clost sa harangue par la lou-
» ange du Roy de France à present regnant, qu'il

appelle fils aîné de l'Eglise, & vn rejetton du “
lis que Salomon n'a pas égalé en sa gloire, & “
nous renuoye aux histoires desquelles nous “
pouuons apprendre que toutes fois & quan- “
tes que les Rois de Frances ont esté en vni- “
on & concorde avec le siege Apostolique, “
& quel espoux a fait son pasturage entre les lis, “
toutes sortes de graces spirituelles & tempo- “
relles ont pleu sur eux & sur leurs peuples. Au “
contraire lors qu'ils ont esté séparés du siege “
Apostolique, les lis ont esté entre les espines & “
toutes sortes d'angoisses les ont assiegés.

Le respons que c'est mal seruir le Roy que
de le louer de paroles, mais cependant asservir
& souiller sa couronne. Et que les histoires &
l'experience nous apreinent que la des-vnion
avec le Pape n'a point empesché la prosperité
du Royaume. Philippe le Bel a régné en paix
& prosperité, nonobstant les outrages faits au
siege Papal. Le Roy Louys XII. a deffait en ba-
taille les troupes du Pape Iule II. & de ses alliés:
l'a déclaré dechen du Papat, & fait battre des
escus ou Rome est appelée Babylone, & neât-
moins a esté aimé & honoré de ses subiects qui
luy ont donné le tiltre de pere du peuple. La-
mais la Grand Bretagne n'a receu tant de bene-
dictions de Dieu ny iouy de tant de paix & d'a-
bondance que depuis que les Papes n'y ont plus
que voir, & n'enuoyent plus leurs Legats pour
cueillir le tribut de S. Pierre, & que les Rois
d'Angleterre ne font plus d'hommage au Pape
de leur couronne, & ne sont plus fouietés par
des moines. Qu'estoit-ce que la Hollande, Ze-

lande & Frise, auant que Dieu y eust rallumé le flambeau de l'Euangile, au prix des richesses & de la prosperité en laquelle Dieu les a esleus? La Republique de Venise iouit elle de moins de paix & de prosperité qu'auparauant, depuis qu'elle a arraché au Pape vn de ses glaiues, & secoué sa domination temporelle? Au contraire les Rois de France apres auoir donné aux Papes tout ce qu'ils tiennent en Italie, & le Comtat d'Auignon, ont receu des Papes vn bien rude traitement. Les Papes ont forgé vne donation de Constantin afin d'effacer la memoire de la donation de Pepin & de Charlemagne. Ils ont troublé l'Estat, se bandans pour les fils de Louys le Debonnaire contre leur propre pere, duquel la vie estoit vn exéple d'innocence. Ils ont escumé le Royaume d'argent par infinies pilleries, auxquelles les Rois de France ont rasché d'obuier par la Pragmatique Sanction. Ils ont mis souuent le Royaume en interdit, dégradé les Rois, sollicité les voisins a enuahir le Royaume, souleué le peuple contre le Roy, dont les troubles & particides se sont ensuiuis. Rauaillac rendoit ceste raison de son attentat, pource (disoit-il) que le Roy vouloit faire la guerre à Dieu, entât qu'il vouloit faire la guerre au Pape, & que le Pape estoit Dieu. Ce qui me fait esbahir comment Mōsieur le Cardinal amaine pour exemple les troubles dernieres, durant lesquels la France estoit mal avec le Pape, veu que le Pape mesme a suscité ces troubles. Si les Rois ou le peuple François ayants offensé le Pape, Dieu eust enuoyé d'ailleurs

quelque peste ou famine, cela eust peu estre pris avec probabilité pour vne vengeance de l'iniure faite à son Vicaire. Mais puis que le Pape mesme a fait ces maux, ce n'est pas Dieu qui punit les iniures faites au Pape, mais le Pape qui se venge soy mesme, & qui pis est sans auoir receu aucune offense. Dont appert qu'exhorter vn Royaume par la memoire des calamités passées à se tenir bien vni avec le Pape, ce n'est pas l'exhorter a aimer le Pape, mais à se souuenir des maux qu'il a faits, & à redouter ses foudres & ses menées, lesquelles ne nuisent qu'à ceux qui les craignent, & qui ont attiré sur mon Royaume beaucoup de benediction.

Que si la France a eu quelque prosperité durant qu'elle a esté bien d'accord avec le Pape, c'a esté pource que le Pape recherche l'amitié des Princes qui sont en prosperité, & qui ont moyen de luy nuire. Les Rois ne sont pas en prosperité pource que le Pape est vny avec eux, mais le Pape s'vnit avec eux pource qu'ils sont en prosperité. Comme les arondelles arriuent au beau temps mais ne font pas le beau temps, ainsi le Pape se ioint à la prosperité des Royaumes, mais ne fait pas leur prosperité. Mais s'il aduient quelque desastre en vn Royaume, ou quelque guerre ciuile qui mettel'estat en peril, le Pape sous ombre d'auoir soing du salut des ames se fourre parmy la querelle, & accourt au debris pour y profiter: que si l'estat change de maistre il veult que le nouveau possesseur auquel il a presté aide tienne le Royaume de sa liberalité. Que si l'ancien possesseur

renuerse les ennemis nonobstant les foudres Papales, à lors sa saincteté luy offre toutes sortes d'indulgences & reçoit par compassion ce-luy qu'il n'a peu destruire.

Tout cela est aduenü par le iuste iugement de Dieu qui a frappé les Rois de l'esprit d'estourdissement, lesquels par plusieurs siecles ont esté sans instruction, cependant que sous ombre de Religion on rend leurs Royaumes tributaires, & qu'on asservit miserablement leurs couronnes. Dieu qui tient en sa main le cœur des Rois, comme le decours des eaux, est puissant pour les reueillir d'un si profond endormissement, & ne souffrir plus que leur puissance soit liée par des foibles scrupules, comme puissants taureaux qu'on meine avec vn filet. Je mets mon sceptre & ma couronne aux pieds du Roy des Rois, prest de le servir en vne si juste querelle, & de maintenir que mes freres & moy que Dieu a esleüs sur le Throsne, ne tenons que de la seule Majesté diuine, la dignité Royale, de laquelle je luy fay hommage & la consacre à son seruice.

A D V E R.